



KA JINGIM LAJONG



JONG

U John B. Gough

REFERENCE

Not to be Lent out

KA JINGIM LAJONG

JONG

U JOHN B. GOUGH.

Ba la pynwan sha ka Khasi

Da

U BAH FRANK M. PUGH.

Ka Jingshon banyngkong


1965.

BYNTA I.

Ka dor 1 T. 50 P. kawei.

Printed by the Shillong Printing Works, Shillong.

Library books will give you Joy for Long
If handled carefully with clean hands



JINGLAMPHRANG

Haba nga la ĩapynbeit ban wan sha Europe, ha ka 1878, ka la long kynsai eh da ka jingkyrmen ban ĩoh bām lyer bad shong jahthait ĩa kiba ki laiphew san snem jong ka jingĩasoh balynter bad ka jingtrei paidbah ki la pynlong kaba dei ban kwah eh bad ba ym banse shuh.

Ba la pynlang bad kane, la don ka jingkwah ban ĩohi sa shisien ĩa ki lok ĩa kiba nga la ithuh ithaw bad la ĩeit ha ka “Ri Barim Bajah,” bad kiba ka jingdon jong ki ka nang stang man ka snem da ka jingĩap.

Ban pynhun ĩa ka jingkwah ba pynpaw ĩa ka jingthrang jong katto katne na ki Seng ĩn adkar barim, nga la kohnguh ĩa ka jingpynĩaid ĩa ki laiphew tylli ki Jingkren paidbah. Ka jingkuér sngewbha ba la pdiang ha kata ka la long palat shikatdei ĩa ka jingpyrkhat jong nga ; bad ka jingkwah na ka bynta ki jingshon ba dang thymmai shuh shuh jong KA JINGIM LA-JONG ka la pynmih shibún katta katta ki jingpynphriang ki bam da hun satia jong ki lyngkhot lyngkhái ba na ka jingshon ba ha Amerika, ba nga la pdiang ĩa kata ka jingtyrwa ban pynmih da kane ka kot kaba mynta.

Ban pynwan hapoh ka jingheh ba la kwah, don ki bynta ba la pynlyngkot, katba ĩa kiwei pat la shu bret noh baroh kawei syndon.

Man ka por ba nga la shah ĩa ka jingim lajong jong nga ba yn pynmih, la don ki jingpynjia kiba donnám kyrpang eh ĩa kata, bad sharud bak jong ka jingkwah jong nga hi ban leh kumta.

Bad mynta, ha ka ktien kren jong ka jinglamphrang ba ha ka jingshon kaba ha Amerika jong ka snem 1869, ngan kum ong, “Ka dei teng-teng ka kabu sha u samla-briew ha ki tyngkong ĩing jong ki jingshem ka jingim, ba yn pyni ĩa ki liewlep ha kiba uwei pat u la jynthut, bad ki jyngkám kjat ha kiba uwei pat u la leit ngat.”

Kumta nga phah ĩa kane ka kot sha kylleng da ka jingthrang shitrhem ba ka lah ym tang ban shu pynsngewbyrngia bad pynsngewtynnat, hynrei ban ĩarap bad pynkhih-im ha ka thma jong ka jingim, ban pynshlur ĩa kiba la noh mynsiem, bad ban ai jingĩarap ha ka jingĩaksaid ha ka jingpyrshang jong ki ban ĩeng hajrong jong ki jingpyujia kiba ĩaid marpyngkiang phak.

LONDON

JOHN B. GOUGH

KA JINGTHOH LYNGKOT DA KI NONGPYNPHRIANG

Ia kine ki lain haneng la thoh da u Mr GOUGH ha ka pyrem jong ka snem 1879. Ki sla ba shadien duh jong kane ka kot ki ai katto katne ki jingkren bniah ia ka jingsah sohshnong u Mr. GOUGH ha England, bad ia ka jingtnei hadien habúd jong u ha Amerika. Ka kti jong u kan nym bat shuh ia u khu-lom; bad ka jingsawa badonbor jong u ka la kynjah jar mynta junom. Hynrei kane ka JINGIM LAJONG kan sah ban iathuhkhana na ka bynta ka jingpynshlur bad jingiarap ia kiwei pat, kumno u JOHN B. GOUGH u la iakyrda bad iaksaid iap bad la wan mih bluit uba jop; kat na ki JINGKREN PAIDBAH ba la pynmih ki jong u ki ai sha ka pateng bynriew ba kham samla katto katne kum ban ai jingmut ia ki bor jong u briew ha ki rymmiang shyntur jong uba hajar hajar na England bad Amerika ki la ju iasdien ha kaba sngap shahshkor dugiang da ka jingsngewtynn timer.

Rymphang, 1886.

KI KYNTHUP

BYNTA I.

<i>Lyn.</i>	<i>Peij</i>
I. Sandgate—Ki nongkhaï tuh buhrich—Ka Paitlieng ..	1
II. Ki Jingïohlait da ka said—Ki Jingleh pynjew jingmut—Halor ingdong kulai —Ki Por Barim ..	20
III. Bak sha Amerika—Ka Jingpoi ha New York—Ki Shithi sha Iing ..	42
IV. Marwei bad?ka Jingïap—Ki jingnangpoi thymmai—Ki Sngi Badum ..	67
V. Sha Jyngtep—U Lok ha ka Shipa—Ki Thiïatâr Franklin—Ka Jingïaid duriaw beh dohkha—U Maji Jake ..	87
VI. Ka Lynti pynnoh arsut—Ka Konsad Paid-bah—Kaba dih um sngur—Ka Lain thymmai—Ki Jingkut jingmut ba la pynkhein ..	118
VII. Ka Jingïap ka Tnga—Ka Jingpynjew'jing-mut biang—Ka Jingsngew babe—Kiar !	151

Ka Jingim Lajong

LYNNONG I

LA KHA ia nga ha ka 22 tarik u Nailar, 1817, ha Sandgate, ha ka distrik Kent jong ka England. Nga la iohsngew ba i mei jong nga i ong ba, ha kata ka snem, lajan baroh ki jyngkhangit jong ka iing barit jong ngi, kumjuh ruh jong ki katto katne kiwei pat, la pynpait da ka jingiapatied ba la pynlong da ka jingsiat tup na ka iingpaki iingdulan, ha ka jinglehburom ia ka jingwanjngohkai ba iphuh iphieng jong ki syiem baiadei jingiadei lem bad ki nongbud badonnâm jong ki sha England, bad ba u rangbah nongpyniaid sorkar u la iaïd sawdong hadien pat ban siew ia kaba la pynjot.

Ka Sandgate ka la long ka jaka don`um barit bapynsngewrngai, ba la shait wan da bún na ki riewdonkyrdan bad baheh bahaiñ, bad ka la long ka jaka wan bâm lyer ba shait juh jong u William Wilberforce Ha kawei ka kot bthah lynti barim bajah, ba la pynmih ha ka snem shuwa ban kha ia nga-1816-ia ka jaka la batai kum "ka shnong rit i kyntiak ba ring jingpyrkhat, ba la shong shnong ha ka şurok babeit

na Hythe sha Folkestone. Ka don kysai eh tang kawei ka surok kaba la tad-koit ka jingheh ha ka pyngkiang. ha kjat jong ka jingĩabteng jong ki lúm kyntoit ba kynjang joit, bad ha ka rymmiang hi jong ka duriaw,—ia kaba ka pynĩohi ka jingĩohi kaba itynnat bad bam kut shuh. Ki iing ki sem, la ki rit, ki long kiba bit ban shong, bad bakhuid, ba ioh jingshai bad bapynsngewphuhmat phvlla eh.” *Mynta*, shibún ki iing la nang tei na ka bynta ka jingpdiang sngewbha bad jingpynrung iing ia ki nongwankhmihkai, kiba don hangta na ka bynta ban leit sum ha duriaw. Ka long, shisha, ka jaka rit basngewkynjah; bad kata ia kaba la kren shaphang kawei pat ka jaka shong pyngngad lah, da kaba kren dei bha. ban pynĩadei bad ka Sandgate; ka don “ka jingsngew pynphuhmat khlem jingĩajam iakieh, ka jingsngewsuk kynjai khlem ka jingsngewsah bieij, bad ka jingsuk ha ka wan ka leit khlem jingpynwit.” U Bakhraw jong ka Darnley u don i iingshongpyngngad ba itynnat hangne, ba la tawiar da ki jynghung jyngtep, bad na iba lah ban iohi ia ki iing ki sem bad ia ka duriaw.

Ka jingai jingĩathuh ba ha shuwa eh jong ka Sandgate lah ban shem bad ka jingjia iathuh ia ka iingpaki dulan kaba la dang ieng hangta ha ka jingsynshar u Richard u Baar, uba la bthah ia ka jingthoh jong u ha u nongsumar jong ka lingpaki jong ka Sandgate ban shah

rung ia u Henry ka Lancaster, u Doloi jong ka Hereford, bad la ka iing ka sem jong u, ki kulai heh, bad ki nongbúd nongrap, ban sah hangta hynriew taiew ban bám ban dih sngewbha. Ha ka jaka tei ia kane ka jingtei, ia kaba la pynpra noh mynta, kawei pat ka iingpaki-dulan la tei ha ka snem 1539 da u Henry u Baphra. Haba ka Elisabeth ka la pynlong ka jingtur badonnám shaphrang sha ka rud duriaw ha ka snem 1588, ka Syiem ka la ai burom ia ka iingpaki-dulan ka Sandgate da ka jingdon jong ka, bad la ai bám ai dih bad la pynshong iingbasa ia ka hangne da u Gobarnor.

Kane ka iingpaki-dulan ka la long ka jaka leit kai bapynsngewtynnat ia nga ; bad, haba dang khynnah eh, nga la ioh ia ka jinglehieit bad u nongsumar, la shah ia nga ban rung ban leit kylluid mynsiem bha : bad katba nga la nang ioh katto katne ka jingtip shaphang u Syiem Hal ba beit ktien phak-phak, nga la ju iaíd sakma lyngba ki phyllaw kpér, shaduh ki mot rit sha tnúm, bad baroh shilynter ki jaka ker kut, nga da thaw iing bah ha suin bneng, bad—ha ka jingpyrkhat rngai—nga pynshong briew ia ka jaka da ki nongshongshnong barim jong ka, bad nga iohi ki riewshlut shongkulai baphong tupia snér bad ki mem ba iaíd pynsawa jaiñphong ki iaiaíd shaneng sharum ki jaka lynti iaíd kamra lane ki iaker tawiar ia ka jaka bám ba iathnum. Ka Katharine

na Arragon, ka Anna Boleyn, ka Katharine Seymour, bad kiwei kiwei de, kumta ki iawan ialeit narud jong nga, bad—da kaba im ha kaba la dep—ba la ker tawiar da kine ki jingialang lok khlem da tip ia ka jingmutdur jong nga la pynnep pynproh, bad ia ka jingmut jong nga la thep da ka jingieit ia ka histori bad ka poetri. Ba nga don ruh ka jingbang ia ki jingitynnat ka mariang la shem buinsien ia nga ba nga laid ruma ha ka rud duriaw, nga da peit sah ha ka duriaw bakhraw, bad shahshkor ha ka jingkynud hamjukut jong ka ;—khyndiat eh ba ngan leit phohsniew ba lai hajar mail sha lyndet la don ka ri ha kaba ia ka nusip hadien habud jong nga yn sa pashat ! Hynrei nga kren khmih lynti.

I papa jong nga i la shah bhorthi shipai ia lade ha ka snem 1798, bad la shakri ha ki Pyrton ba Sawphew bad ba Sanphew-ar jong ki Shipai laidkjat Pynsting Jingkit, haduh ka snem 1823, ha kaba la pynmih ia i na ka kam bad ka penshon kaba arphew pound shisnem. I la don ha ka Thma Peninsular, bad i la ioh kawei ka medal bad hynriew tylli ki ksah, na ka bynta ka Corunna, Talavera, Salamanca, Badajos, Pombal bad Busaco. I la shah pynmynsaw khyndiat khynsoit ha ka shadem. Nga kynmaw, kumjuh kumba ka la dang shu long dang hynnin, kumno ba i ju leit lyngba ki jingialikoi khlain ki shipai bad nga, ka tiar

pyrthuh jong nga ka da long u diengsynsar,
 bad ki jingriam jingbeit shipai jong nga da ki
 katto katne na ki jaiñphong ba la rim jong i.
 Ym shym la thoh nusip ña nga, la kumno
 kumno, ban ñohi kumno la jop ña ki madan
 thma. Bad katno ka jingsngewkwah bajur
 ba nga la ju shahshkor búnsien sha ki jingai
 jingbatai jong i shaphang ki madan thma !
 Katno ba nga la khih khynñiuh ka met ha kaba
 pyrkhath ña ki jingñohi basngewshyrkhei ña kiba
 i la pynñohi ña nga shai kdar ! I la don ha ka
 thma bapawnám jong ka Corunna ; bad i la
 leit ñohi da lade hi ña u riewshlur jong ka,
 u Sir John Moore, ba la rah la rong ña u na
 kata ka madan thma uba la ñap. "Hangne," i
 shait ong, "la don kaba kum kata kata ka pyrton
 shipai ; hangtai kaba kum kata ka kynhún
 shipai ; ha kane ka jaka la don u nongshún ;
 bad ha katai la don u rangbah jeneral bad la ka
 kynhún nongñarap jong u." Bad nangta in nang
 ñaid ban batai ña ka jingñap jong uta u riew shlur.
 ña ki jingpeit khmat ki jong u, bad ña ka jyngtep
 jong u hajan ki kut shipai. haduh ba ka dohnud
 samla-rit jong nga ka ju ryngkang ryngkoh da
 ka jingsngewshongshit. Nalor ki rukom kren
 ring jingpyrkhat ba kum kinz, i pa jong nga
 i la don tang khyndiat eh na ka bynta u khynnah.
 Ki jingmlien shipai jong i ki la kylla long ka
 jinglong tynrai basnoh bat ha i. Ka jingbeit
 thik-thak bapyrkhing la hikai ña i ban bret noh
 ña la ki jingñadei barim bajah, ym shym la pyn-
 long ña i ban jop ña ki jingieit bajylliew jong u

khún,—la ha man la ka dong ka lad i donhok
ban ioh ia ka jingieit jong nga.

Ia ka longbriew manbriew i mei jong nga
la sain-dur ha ka jinglong ba kham jemnud.
Ka dohnud jong i ka la long ka umpohliew
na kaba ki um sngur jong ka jingieit kim ju
sangeh ia ka ban tuid. Ka long-rynĭeng jong i
baroh kawei imat kumba ka iasyrdoh lang bad
ka jong nga, bad da kaba khluit mynsiem ruh
ba nga la ai kylliang ia ka jingieit jong i. Ha
ka jingjlan ka por ba arphew snem i la ioh bat
kynti ia ka kyrdon barit-kyrdan jong ka
nonghikai skul ha ka nongkyndong, bad bunsien
i la thung ia ki jingaid beit banyngkong eh
jong ka jingtip ha ki jingmut jingpyrkhat jong
ki khynnah rit kiba ki kmie ki kpa jong ki
bun snem mynshuwa, ki la lah ioh jingmyntoi
da ki jinghikai bamynshuwa jong i. Bad iba
la nang la tip bha i la long, na ka jinglong briew
ruh bad jingpynnang pynstad de, na ka bynta
ka kam basngewtynnatt ba i la pyndap,—lada
ia ka dohnud basbun mynsiem bad ka jingmut
jingpyrkhat ba la kynshew bha ki long kiba
donkam ia kata.

Da shisha keiŋ nga la iohpdiang ia ki
lynnong banyngkong eh jong nga ha la iing,
hynrei katba nga la nang san ha ki snem ka la
long kaba dei ban sylla ba nga dei ban leit
shongskul noh hangno hangno; bad sha kiwei
na kita de la phah ia nga. La don kawei ka

skul lait baiskul ha ka nongkyndong; hynrei i pa jong nga, la i lah da kaba shitom ban pyndap pynbiang ha kata. i la siew ka jingsiew ba man ka taiew na ka bynta ka jingpynnang pynstad ia nga ha ka jaka hikai jong u Mr Davis, ba na Folkstone. Nga la roi stet ha ka jingpynnang pynstad ba dang duna ka jong nga, bad nga la kylla long u nonghikai ha ka skul. Ar tylli ki klas, kumba la long ka rukom, la buh hapoh ka jingsumar jong nga; ia ki khynnah jong kawei na ki nga la sdang hikai ia ka jingstad bad jingmaian jong kaba spel ia ki ktien ba ar kynnoh, bad la hikai ka "Rule of Three" sha ka klas ba kham haneng. Nga don mynta ka "kot hikai thoh" bakhatduh eh ba nga la ju pyndonkam ha kata ka skul. Ha ka sla ba lait khlem thoh dak don ka nuksa ia ka rukom pyrkhat thoh dak ka jong nga,—JOHN GOUGH Naiwieng 13 tarik, 1827. Nga la shiphew snem mynkata ka por. Shen-shen hadien kata ka tarik nga la iehnoh ia ka skul, bad ngam shym la rung shuh ha ka skul-sngi ne Skul-Pynpaw, ban nang la ki lynnong kot.

Katba nga phai kylla dien pat sha kata ka por bajngai ba la iaïd lait noh, bad pynwan jingkybmaw biang ia ki jingiohi ha ka jinglong khynnah rit jong nga, kumno ba ki iaïd lait ha ka jingpeit biang ka khmat jong nga! Nga la shait don barobor ka jingieit bajur ia kaei ba la rim bad ba la nïewburom, bad nga ju

íaíd lyntí kham jngai ban íohí ía ka jíngjot
 ban ía ka jingshna baitynnát tam ba mynta.
 Bad ym don jingphylla; naba ka rud ka kiar
 jong ka íing jong nga ka shlei da kí mot
 jong ka por hyndai; Ka íingpaki-dulan Lympe,
 ka kut ba ía shna da kí Roman, ban da ía ka
 surok na ka jaka rieh íieng jong kí jong ka
 Lympe (mynta Lymne) sha Canterbury; ka
 Shepway Cross, kaba donnám na ka bynta
 ka jingrim jong ka; ka íingmane jong ka
 Theidonburom jong Ngi, ha ka Surok Courtat,
 ha kaba, ha ka 1523, ka Elizabeth Barton,
 da kí jingiathuhlypa bad jingkren blei jong ka,
 ka ía íoh ía ka kyrteng jong “Ka Samla-briew
 Bakhuid jong ka Kent,” bad, ha kata ka juk
 jong ka jingneit matlah bad jingneit bieij,
 ka ía ring kí riwaití niam bad kí pukir blei
 sha kane ka íingmane—ka histori ka íathuh ía
 ngi kumno ba ía pynlong ía ka ban íathuhlypa
 ha kí kam hima sima, bad, ha kaba pynmong
 pynthut ía u Henry uba Phra, ía wallam ía ka
 ía khmat ka Kamra Khlur, bad “ka ía shah
 shítom ía Tyburn;” nangta, kí jingjot jong ka
 íingpaki-dulan Studyfall, ba ía ai jingbatai kum
 kawei na kí mot-ap-phira ba ía tei da u
 Theodosius; ka íingpaki-dulan Saltwood, ía
 ka jingsdang jong kata ía ai burom ía u Syiem
 ka Kent ía ka 488; ka íing Westenhangar,
 ba ía tharai ía ka long ka jaka shong syiem
 naduh kí por ka jingsynshar u Henry uba
 Ar—shíbynta ía ka jingtei barim ía ía don ka
 kyrteng jong “Ka íingmot jong ka Fair Ro-

samond." Baroh kine, bad bun bun sa kiwei shuh shuh, ki la don ha ka jingtawiar jong ki khyndiat mail na ka shnong rit ba la kha la long ia nga ; da shisha keñ, lah ban iohi ia ki baroh ha ka shisngi. Katno ba nga la snoh khamjan sha ka kti i mei jong nga, bad la kan mynsiem, bad la khie syier mynsiem hir da kata ka jingpyrkhat tieng shiteng sngew-bha jong u khyannah rit ha kaba iaid lait ia ka iing kaba la shong-ksuid, katba ka lingpaki-dulan Rokeby ka paw heh ha ka jingshai bnai haba ngi la iaiaid lyngba ia ka Jaka iaid kai ha ka lynti jong ngi ha Barybourne, ha kaba la kha ia i mei jong nga ! Ka lingpaki-dulan Dover ka la long tang phra mail ka jingjingai ; u Riat u Shakespeare u kham jan shuh shuh ; ka Canterbury, bad la ka lingmane-bah ba iphuh-ipheng, saw kynta da ka kjat na ngi ; ka Folkestone, shimail shiteng ka jingjingai, bad la ki jingjia ba sah jingiatuhkhana pateng—ka iingpaki-dulan, ba la jah noh mynta, ba la tei da u Lat jong ka Folkestone ha ka snem 1052, bad ka jaka shong sistar niam, ne ka iingshong riewniam, shaphang kaba u Leland u thoh ; ka Surok Jrong bathieb, bakhim, bakynrum kynram khohruh khohram, artet arsut ia kaba, bad la ka pla-kot bajyrngam jong nga (tang khyndiat eh ki kot ki la don !) ha ka ingdong jong nga, nga la iaid lynti man ka sngi lai snem kynthih ha ka lynti jong nga bad leit bad wan na skul. Katno nga kynmaw bha kaba kiew artet lyngba kane ka Surok

Thieb ; da kaba ïaid lait ïa ka ïing ha kaba u Harvey, uba la lap ïa ka jingïaid tawiar ka snám, la kha ; nangta beit sak sha ka pyntha madan, ha khap jong uta u riat ; bad katba ngi la nang ïaïaid sha la ïing, katno ka jingïohi kaba i-shoh jadu ! Ki karot shipai hangtei ha lyndet, ha Shorncliffe ; ki Iingmot Martello ; ka duriaw ; ki riat balieh shaphang Dover ; ka rud duriaw ïajngai ka France ; ka ïingpaki-dulan bad ka nongrit ; lem bad baroh ka jingïohi ba bûn rukom baïapher sawdong jong ngi—ka pynlong ïa kata ka jingïaid bashiteng kynta kaba sngewtynnat ha ki jingkylla rong bad jingitynnat kum kano kano ba ha ka hima baroh kawei.

Ki nongpule jong nga kin nym sngewnguh ïa nga, lehse, na ka jingai jingbatai babniah katta katta ; hynrei ka dei ka shnong ka jong nga, ka jaka ha kaba la kha ïa nga ; bad nga sngew ba ki jingshoh jingmut ba la pynlong ha ka jingmut jingpyrkhat jong nga da kine ki rud ki kiar ki la long kiba neh sah.

Ka Sandgate ka la long, ha ka jinglong khynnah jong nga, ka jaka kaba kham kynjah shibûn ban ïa kaba mynta. La don te khyndiat eh ban pynwit ïa ka jingsngewbtai bapynsngewngiah. Teng-teng, la kumno kumno, ka jing-ïakaw-kaw-daw-daw hapdeng ki riewïalehthma bad ki nongtuh rieh kan pynshongshit shnong, bad pynkhih ïa ka kynhûn baroh

kawei haduh dyngkhong. Ka jingāid jong ka dak na Dover sha London arsien shisngi, lyngba ka nongrit, kam ju la long khlem ka jingsngewtynnāt ; la ki briew ki la ithuh ĩa ka kali bad ki nongñiah kali, bad wat ĩa ki kyrteng jong ki kulai. La don barobor ka kynhūn ha ka jyngkhang ĩingbasa bad jingīakren kylliāng ktien bad u nongñiah kali lane u nongap, lane ban ĩohsngew shilyngkhot ka khubor ba dang shu jia shen na London—kata ka sorbah bajngai bak-ly-bak bad basngewmaĩān ! Da kaba katno ka jingsngewburom, kaba lajan poi sha ka jingsngewphiengkhlieh, ba ki nongkyndong bakynjai mynsiem ki ju peit shain ha uno uno uba la ju wan na “London !”

U kpa jong uwei na ki para shongskul jong nga—u Charley Austin—u la long uwei u nongñiah kali ha kane ka lynti, u da ñiah arsut na Dover sha Maidstone, shiteng ĩa kaba sha London, bad u wan phai noh. Ha kawei ka sngi—ka sngi kaba la paw khmat tyngkreiñ eh ha nga—i pa jong nga i la ai bor ĩa nga ban leit ĩasynrān ĩa u Charley sha Maidstone. Ha khmih ĩa ngi ar ngut ki khynnah te, bad kata ka jingīoh kabu ĩa ka jingshongkali kaba hynñiew phew mail, ha khlieh jong ka kali dak bapalat liam ha ka snem 1825 !

Kata ka kali dak Phareng ka la long “kaei kaei ba-itynnāt.” Ki jingwan jingkyndong jong kata ka jingīashong kali ka dang sngew thym-

mai hi ha nga haduh kane ka sngi. Kumno ba ngi la iapynhér baroh shilynter, shiphew mail shikynta, ia ki kulai, ngi da pli man la ka hynñiew mail ! Ka la long kaba sngewkyndeh mynsiem phylla eh, bad ngi lajan lah ban ong shaphang kata, kumba ong u Johnson sha u Boswell, katba ki la nang shongkali pynstet ha ka kali saw shalyntem (tangba ngim tip ei-ei ia uno uno na kine ki rangbah ha kata ka por) : “A, Bozzy ! ka jingim kam don bún kiei kiei ba kham bha ban ia kane.” U nongñiahkali bad u nongap ha ka riam saw syngiang ; saw tylli ki kulai bashait bakhlain phyrnai, ki nongpeit kulai ha khlieh jong ki, kiba kloï ban pashat ia ki blangket tang shu ong. “To la biang katto !” ka jingkawiat jong u dieng sympat ; ka jingmareh shop-shop basmat basting, bad ka jingsawa ki kjat kulai ha ka surok maw ; ki jyngker kpér, ki iingbah iingsan, ki thiar kba, ki iingtrep lyngkha—baroh ki da iaid lait stet ; ka jingsawa patied jong ki shalyntem ha ki maw khohruh khohram jong kano re kano ka shnong heh ; ka jingsngewshongshit mynsiem, ki ksew bawiar, ka jingput bikur jong u nongap shnong ba u put sngewtynnat, ki briew ba ki plie rynghang la ki jyngkhangñit, bad ba ki mareh sha ka jyngkhang bah, ban wan khnih ha ka kali-dak ba la airong itynnat eh, ka jingsangeh shiphang ha ka iing-paidbah ; saw tylli ki kulai ba la khreh lypa, u nongap ia man la u kulai ; u nongñiahkali halor la ki jaka shong, bad katba ia ki kulai la nang teh kali u la dang pynskhem

u syrdoh tyllai bathymmai ha u shabuk kulai jong u ; u nongap ba u kiew ; ki lakam ba la kynting shajrong ka “To la biang katto !” ka jingiapynsuh kulai—nangta kdam shi kdam—ka la long lajan ka jingsngewpaka ia ka rukom leit lynti ! Ngam pat la ju sngewmuja nadong shadong ia ka jingshongkali ba kum ha kata ka sngi shiteng lyiur, na Sandgate sha Maidstone, bad kaba wan phai kylla pat.

Nga la kren hynne, shaphang ki nongtuh phah tiar buhrieh. La don ka kynhún dakait ba la seng ryntih bha ia ki ha ka nongrit ; bad nga dei ban phla ba ki jingsngewlem jong lajan ka shnong baroh kawei ki la long kham bún bad ki, la ka bor ring jong ki ka la long kaba pynhiar dor ishyrkhei ia ka longbriew manbriew. Ea don harud jan eh ia ka duriaw—tang arphewar mail na ka rud duriaw France—bad ki lúm bajrong kiba ker tawiar ia ka nongrit ha man la ki dong lait noh kawei—kata kaba shaphang Hythe—ka la long ka jaka kaba bit kyrpang eh na ka bynta ki jinglehtuh babha eh pyrshah ia ka jingshim khajna. Ki la long ka jait kynhún briew badohsatar bad bashlur dohiap. Kawei ka iing bapyndonkam paidbah, ba la khot ka Syntiew-tiew-lili, ka la long ka jaka leit jaka wan ba ki ieit eh. Ki lieng jong ki, ba la airong lieh, ki don baroh shilynter ka rud shyiap duriaw. Uwei pa uwei u tip ba ki dei ki nongtuh leh riech—wat ki riwethma ki tip ia kita—hynrei ka jingch ka la long ban

kem ia ki.* Hamar ka jingiaxhih kulmar tieng shaphang ka jinghiarthma ki French ka Sorkar ka la tei ia ki lingmot Martello baroh shilynter ka rud duriaw. Kine ki iingmot ki lah ban ngiam kawei kawei na ka arphew ngut sha ka laiphew ngut briew, bad ka shilyngbung ka tiar thma bakhia halor tnúm. La tei ia ki halor ki kyntoit lúm, lane harud duriaw, najan ka rymmiang um, pateng pateng ha ka jingiapajih na ka shipawa sha ka shiteng mail. Ki iingmot ki la long kiba pyllun ka dur, ka kynjang hapdeng laiphew bad sawphew phut ; ki kynroh ki la long kiba rben shibún. Ia ki nongrim jong ki la seng ha trai jong ka thliew bajylliew, ba la pynlong ka kharai um barkhiang. ia ka jingrung shata la da da kawei ka jyngkieng ba

*Man u briew ia ka nongrit uba iadonkti ha kaha leh-thok ia ka jingshim khajna u don la ka kyrteng sin, bad la ju tip ha ka jingshisha ym da kano kano kawei pat ka kyrteng. Katto katne na kine ki kyrteng sin ha Sandgate ki la long Bonum, Crappie, Horney, Boxer bad Stickeroff. Ka kyrteng ka hiar pateng na u kpa ha u khún. Uwei u khynnah uba wan sha ka Skul-Pynpaw barit jong ngi, u la shah ylli ia ka kyrteng jong u.

"Stickeroff," la long ka jubab.

"Kaei ka kyrteng i kpa jong phi ?"

"Stickeroff ; i dei u Stickeroff tymmen, bad nga dei u Stickeroff Samla."

Ia kine ki kyrteng la pyndonkam ban pynduna ia ka lad ba yn lap kem, namar ia ki kyrteng bashisha jong ki, ha kiba yn ai mudui ia ki, ym ju la iohsngew mynno mynno.

lah ban weng noh, kaba haba rah, kà thaw ka jyangkieng ba ar syrtap—kaba hapoh ba la sop pynkhlain bha da ka tama. la kine ki lingmot Martello la pyndonkam ha kane ka por na ka bynta ban pynrung ìa ki riewthma, bad la ki rangbah nongpynñaid jong ki, kiba ka kamram jong ki ka la long ban ìaid shaneng sharum ka rud shyiap duriaw, bad miet la bad sngi, ba la kieng atiar da ka jamdor bad ki pistol ban khanglad ìa ka tuh phah tiar buhrieh. Ka jingthawbuit jong kine ki nongtuh leh rieh ka la long, ban mih shabar ha ka lieng tong dohkha ne lieng lama—ka paw kumba leit tong dohkha—ki la ìaphet blait sha France, ìoh ìa ki mar ki mata jong ki halor lieng ha ki synduk bam lait shuh ka um—ki rusom, ki les, sha, bad kiwei kiwei ki tiar, bad ka brandi ha ki pipa rit, ba la khot ki jingthew kynja um—ki ìamih ha ki khim ìaid duriaw, ki shim la ki dak ba shon halor ki mar la jong, bad ki pynngam ìa ki mar shapoh duriaw; nangta ki ìakem dohkha khyndiat khyensoit, bad sa wan phai noh. Ki riew-thma kumne kumne ki la ìatalasi ìa ki lieng jong ki, katba ki nongtuh buhrieh, bad la ka jingleh ì-bamsalia ba kynjai mynsiem, ki la nang ìakhmih bad kren khmod-khmod ha ki; la ki la long tói kham búnsien eh kiba don-akor shikatdei eh.

Ka bynta ba eh tam jong ka kam jong ki ka la long ban “pynñaid” ìa ki mar. la kane la leh ha ka por dum mynmiet. Kynmaw, ki

riewthma, ki la long barobor kiba phikir ka ap khmih sharai, ki da ããaid shaneng sharum ka rud shyiap duriaw. Ki nongtuh lehbuhrieh, ba la riam ha ki phrok lieh, ki patlun bad ki tupãa, bad ki slipar ha la ki kjat, ki syntuid ha la ki lieng — ki tynsat la ki jyngteh ryndang hapoh ki tyngkhap pynkhih boitha, ki khyllie la ki lieng bad rah shapoh um, ryngkoh halor jong ki, bad bak ki leit ! Ha kata ka por, ki kynthei jong ki, bad wat ki khynnah rit jong ki, ki ãarap ãa ki halor rud duriaw.

Ha khmih katai ka jingshai bathaba ba bá tang shikhyllipr at na utai u lúm ! Uwei pa uwei u tip ba ki nongtuh rieh ki la dei ban hér ãap mynta ka miet. Ym don ãano ãano ba yn shah, ha kata ka por, ban rah sharak ne jyngtbeh ding ha ki surok hadien kawei ka kynta ba la buh thikna ; hynrei *katai* ka dei ka jingaidak. Ha ka liang baãapyrshah pat phin ãohi sa kawei ; bad lada phi peit phikir bha ki khmat, phin lap ha ka khim ãaid duriaw tang kawei ka jingba jingshai. Kaba bha baroh ! Ki ãoh ãa la ki jingkit jingbah jong ki.

Nga kynmaw ha kawei ka janmiet ynda la dum, uwei u khynnah u la kyrpad ãa nga ban ãaleit kiew artet uta u lúm ryngkat bad u. Haba ngi la ãapoi ha kawei ka tduh, u la shim katto katne u sai tyllai ba la wieh ha ka umphniang sharak, bad u la buh ãa u halor madan ; nangta

u la shīm kawēi ka lynten rit badum (ym shym la don dieng jingpruid ding ha kata ka por) bad u la ai ding tak ha uta u saityllai. Katba uta u syrdep u la nang meh ding khlek, u la ong ia nga. "Phet Jony phet." — bad baroh ar ngut ngi la iasuh mariap, ngi da ia jynthut bad tyllun ha ka jingdum tad haduh ngin da wan poi ha ka nongrit. Nga la leit sha iing, bad iathuh ia kata ha i pa jong nga, bad i la jyrwait shkor ha ban da jliang ia nga.

Ka bynta ba ma tam jong ki kam ki nongtuh rieh ka la long ban pyinkiew ryngkew ia ki már ki mata ; bad ka la long kaba lyngngoh kumno ba ki lah ban jop, ia ka ban leh kumta — būn būn la don kiba iārap bad ai-kti lem ia ki harud duriaw. Ki kulai heh ki la dang ap ban kit ia ki már ki mata ki jong ki artet kata ka thaiñ, bad ka kynhún ki rangbah nongtuh kiba la kloī ban klán shapoh um, bad ban tabah shijur ki synduk, ne jyngsong synduk halor la ki tyrpeng, bad ban mareh artet ka rud shyiāp duriaw. Kumno ba ki lah ban leh kumta ha kaba pyinklīt pyinklat na ka jingiohi bad jinglapkem ki riewthma, ngam lah ban ong ; hynrei ki la leh ia kata la būnsien kein ban pynioh-nong iohni shibún bah ia la ka kam ka duk la jong. Teng-teng ki don ha ka jingshitom bad i pa i ju ong, man haba ngi iohsngew ba siat suloi, bad habadei badei ka jingsawa mareh ki kjat kiba la iaid lait ia ka jyngkhang jong ngi, — "A, kita ki nongtuh lehrieh ki la leh kam biang !" Kawei

ka.kynhún ki nongphet iap, ba la shah beh riap .
riap nadien nadien ha kawei ka miet, ki la plie
ia ka jyngkhang jong ngi bad la kawang kawei
ka song-bah ka baheh, bad nangta ki la nang
phet sha khmat. I pa jong nga i don ha kamra,
bad kumne kumne i la phanang ia kata shapoh
ba dum ; naba ka jingsuba ba tang malu-mala
eh ia ka jingiadon-kti lem bad ki nongtuh
lehrieh kan pynpoi sha kaba i lah ban duh la ka
penshon. La i lah ban kwah ba kin nym
leilei kum ki paramarjan marpa, la teh la khúm
ia i ban tyngkan la ka jingsngewlem baroh na
ka bynta jong ki kum ki nongtuh lehrieh.

Ia kawei ka jingjia nga kynmaw bha. Uwei
u samla briew u la thied shiser ei-ei u sla-sha na
ka bynta la ka kmie, bad u la buh ia kata ha la
ki juti but khwai bajrong jong u ; ha kaba kiew
ryngkew, u ophisar ba ap u la ban ba yn talasi
ia ka met ka phad jong u, naba u la ong, “Nga
sma sha.” U la ialeh pyrshah. bad ka jingiakajia
ka la kiew shaduh kata ka pud, ba uta u ophisar
ula sei ka pistol bad siat iap ia uta u samla. Ha ka
shiminit ia uta u ophisar sniew-bok la patar
lyngkhot lyngkhai ; shidorjon ki shaku la pyn-
donkam ha ka met jong u ; bad, nga ngeit, ym
don mano mano na kita ki rangbah ba la pyn-
saja, la ia ka kam la leh mynsngi mynshai. Ia
kita ki rangbah kiba iadonkti ha kata ka jing-
ialeh ym shym la iohi ha shnong katto katne
por hadien ; bad kordit long ia uno uno u ban
shet kylla ia ki ! —Ka jingim jong uta kan

nym shongdor kat iwei i budam sopti. Hynrei kane baroh ka la ïaid lait bún bún snem ba la lah.

Ha kaba shong bad im jan katta katta ïa ka duriaw, ngi la ïohi katto katne ki jingpait lieng ba-ishyrkhei. Shisien nga la leit ïohi ka jingpait lieng jong kawei ka Jhad India ba na Mihngi, ha kaba kumba hynñiew spah ki nongshong jhad, ki riewlieng bad ki shipai kiba wanphai, ki ïap duh. Bún bún taiew hadien, nga la ïohi ha ki jingphohsniew jong nga ïa u shñiuh jong ki kynthei ba u pér harud bad kie halor um, kumba nga la lah ïohi hi kein ïa u ha pyrtnei, ha kaba ki lieng ki la leit ban wallam ïa ki met-ïap. Da ki bdi jong ki met-ïap la wallam ryngkew lane la kyndat sharud da ka um sha ryngkew, bad la tep ïa ki ha ka kyrpong ïingmane Cheriton.



LYNNONG II

HAPDENG kiwei pat ki jingpynjia ba iasnoh bad kane ka por jong ka jingim jong nga, nga kynmaw bha ia kawei kaba la shoh jingmut shibún ia nga. U William Wilberforce ba la ñiewburom bad ba aiti u la sah iing ha Sandgate, hamar ki khyndiat ki bnai lyiur, na ka bynta ban kham bit la ka jingkoit jingkhiah. Nga la iohsngew shikatdei shaphang une u riewlehbha briew bakhraw mynsiem, bad nga la sngewbha ym tang khyndiat shuh haba i pa jong nga i la leit lam ia nga sha ki jaka shong jaka sah jong u, ha kaba la pynlong ia ka jingiaseng dwai. Kumno ka la long ngam tip, hynrei nga la ring ia ka jingmut jingpyrkhat u Rangbah Wilberforce. U la ktah ieit tok-tok ia nga na ka khlieh, u la kren bún kiei kiei ki 'tiensbun, bad u la pyni jingkwah basbun mynsiem ia kaba ngan bha ngan miat pat. U la ai sngewbha ia nga kawei ka kot, bad u la thoh da la ka kti la jong ia ka kyrteng jong nga ha ka sla ba lait jingthoh. Haba u la ioh jingtip khyndiat khyonsoit ia ka nám kum uba nang pule bha, u la kyrpad ia nga ban pule ia u. Nga la leh kumta, bad u la pynpaw leh sngewbha shibún eh hi kein ha lade. Ia ka kot ba u la ai ia nga nga la kum

pynjah noh la slem bah ; hynrei lano lano
ruh ngan nym lah klet ia ki ktien sbun
mysiem jong u nongai ba la ñiewburom.

Nga la kynthoh ba la khein ia nga ba nga
long uba nang pule bha. Búnsien katba nga
la dang shong pule ha i mei jong nga, katba i
la nang shong trei harud ka jyngkhang iingtrep
jong ngi, kaba peit pyrshah ia ka duriaw, ba
ki nongwei nongar ne sohshnong sohsyiem
ki ju sangeh ban sngap, ba la ring ia ki kumta
da ka jingtbit pule jong nga ha kane ka bynta.
La don kawei ka iing-buh-kot ha ka nongrit,
ba la sumar da u Rangbah Purday, bad sha
kane ka jaka bún bún ki nongleit jngoh kai
sha ka jaka iaid um jong ngi ki la ialeit ban
sngap khubor. Búnsien eh la phah khot ia
nga, ban pule ha ki mem bad ki sahep ; bad
u khún jong ka nonghikai skul u la kylla long
u nongpyndap pynbiang barangbah jong ka
jingialorni lorhab jong kata ka por ; kum ka
bainong ia kata la siew nong pahuh-hai eh.
Ha kawei ka kynti uwei u rangbah, ha uba
nga la pule katto katne ki bynta na ka kot-
khubor, u la sngewbha eh katta katta, ba
u la ialam ia nga sha ka dukán die-kot kaba
ha khmat jong ka kamra pule-kot, ba ha kajuh
ka jingtei, bad u la kylli ia nga ka kot aïu ba
ngan sngewkwah ban shim. Da kaba pyni ia
nga kawei ka kitab kaba la don ki dur ba-
itynnat ba ring ia ka khmat, bad kawei
ka kot-dwai baïadei paidbah, u la phah jied

ia nga. Te, ryngkat bad baroh ka jingieit jong u khynnah samla na ka bynta ki dur, nga la kwah shitrhem ia ki jingot dur ba-i-tynnai ; hynrei, ba nga ngeit ba yn kham ioh jingiaroh lada nga jied da ka kot-dwai, nga la jied noh da kane,—pyrshah shikatdei eh ia la ka jingsngewkwah la jong. Ia ka jingjied jong nga la kren iaroh : bad sa kawei ka shiteng tyngka baphyrnai kum ka jingiaohdor ka la pyntngen ia nga na kata ka jingpynrem lade ia kaba ka jingkwah thala ka la pynngam ha ka jingmut jingpyrkhat jong nga.

Hamar kane ka por nga la iohmad ka jinglait-im ba da ka said na ka jingiap. Nga la leit sha skul ba ha Folkestone, bad nga la dang wanphai na kata ka jaka ha kawei ka sngi, ba la synran da katto katne kiwei pat ki para khynnah, kiba ialehkai “kali-kulai”—saw ngut ki khynnah ki da leh kulai ia kiba nga la dang niah ha ka jingpynher stet ba kham palat. Ka la leit jia ba uwei u rangbah uba la dang tih kharai harud ka surok um shym poi iohi ia kita ki khynnah samla saw ngut ba nga dang niah kulai, ki ba ki, da sangeh noh hamar ba ki iaid lait na u. U la kyndat shimohkhiew ka dewbyrtha, u da thmu ban pashat ia kata sha ba kham pajih bha, bad ka dong banep jong kata ka tiar ka la ngam jur jliang hamar ka khlieh jong nga. Kumta kumta hi nga la kyllon khrop khlem tip briew shuh, bad ba la phlei da ka snam. La rah

ia nga sha iing da kita ki khynnah—kiba ha ka jingshisha ki la kylla long ki mrad kit jingkit—u bam shym tip briew shuh, sha ki kmie ki kpa ba la hér mynsiem jong nga ; bad da ki bún sngi la duh jingkyrmen shaphang ka jingim jong nga. Wat haba imat kumba nga la koit biang pat, khyndiat eh don jingkyrmen ia kaba ngan dang ioh biang la ka bor jingsngew-thuh. La, da ka jingialam ka jong u Blei, nga la ioh khiah biang pat, pynban haduh kane ka sngi nga sngew ia ki jingktah na kata ka jingshahpuh. Haba nga shitrhem shongshit ha kaba kren, búnsien la ju pynbor ia nga ban bat la ki kti jong nga ha ka khlieh jong nga, ban pynjem ia ka jingsngew suh-btiar ba nga shem hangta ; bad, lano lano ruh ém, nga tharai, ngam ioh jinglailuid war na ka jingsngewwit jingmut ba na kane ka daw. I pa jong nga i la don ka dohnud balung mynsiem, tói la i long iba ju eh pyrkhing, bad ha ki sngi hadien habúd ñiar eh ba in phai kaba kren shaphang kane ka jingjia khlem da jáw bad ki ummat.

Hamar ka jingbamdon jong i pa jong nga, ba i wad kam, i la ioh ka kam kum u shakri jong u riewdonburom. Ki kam ki duk i mei ki la ha ka khim eh khak ; la, nalor kaba sumar skul, i la trei shitom smat ha kaba shna ki kynja lés, ha kata ka por, kaba ki iabeh eh ki briew, bad ha kaba shna ia ki i la da nang palat eh liam. Ha kane ka kynti, ha kaba ki

jingdonkam jong ngi ki la dawa bam banse
 shuh ia ka jingseibor ba kham kyrpang jong i,
 i la rah ia ka shang jingtrei, bad i la ia id lynti
 phra mail shiteng kiba lwait sha ka shnong
 Dover. Ynda la poi hangto, ba la jngem snam
 ki kjat bad ba la lwait mynsiem, i la par kum
 u ksai lyngba ki surok bah bad lynti khim
 bad la u les jong i, ba i wad ia ki nongthied,
 bad khlem da shem uwei ne kawei. Hadien
 kaba iehnoh noh ia kane ka jingleh bam banse
 shuh, shisyndon sa shisien pat i la phai la ka
 khmat sha la iing, ka iing kaba kynjah da
 shisha ! Kaba pynpang mynsiem, kaba kthang
 mynsiem, la long ki jingsngew kylla jong i mei
 jong nga katba i la nang wan shajan shi shajan
 ka jyngkhang jong i ; bad haba i la pynshong-
 thait la ka met ka phad ba la thait jrem jong i,
 im shym la don ei-ei ha iing da kaba in lah
 ban pynwanbor biang ia lade. Hamar ka
 jingbamdon jong i uwei u rangbah u la phah
 khot ia nga sha ka iingbuhkot, bad u la sngew-
 bha eh bad ka rukom pule jong nga haduh
 ba u la ai boksisi ia nga saw tyngka, bad
 u Mr. Purday, nator kata, u la ai sa shipiah.
 O, katno uba riewspah te nga la long ! Mynno
 mynno ngam ju la ioh bat ha lade haduh katta
 katta tyngka ; bad baroh ki rukom pyrkhat
 kumno ban pynlut ia ka ki la her ha ka
 jingmut ngai jong nga. Nga la leit ban ialehkai
 bad katto katne kiwei pat ki para khynnah ha-
 duh ka jingwanphai kylla i mei na Dover ; bad
 shen-shen hadien, ha kaba i rung ha la iing la

jong, nga la shem ia i ba i shong ha la ka shuki,
 ba jhieh klak da ki ummat. Nga la kylli ia i la
 jia aü; ha kaba i la ring jan ia nga sha i, bad, da
 kaba khmih ha ka khmat jong nga da ka jingpeit
 isynei hi hoin ia kaba ngan nym lah klet shuh,
 i la iathuh ia nga ia kata baroh ba ka jingiaid
 leit lynti jong i kaba thait ka la shu long sep ei
 noh—im shym la lah die ei-ei. O, da ka jing-
 kmen kaba katno ba nga la sei ia kata ka saw
 tyngka bad ka shipiah na ka pla jong nga, bad
 la buh ia kita ha ka kti jong i; bad da kaba
 katno ki jingsngewkmen ba ngi la iadem khoh-
 siew lang, katba i la nang theh da la ka dohnud
 ba shlei jong i ia ka jingsngewnguh sha u Blei na
 ka bynta kata ka jingai jingtngen ba la pyndap
 biang por bha. I mei jong nga i la ai ia
 nga shiteng anna na ka bynta jong nga hi, bad
 nga la sngew kham suk mynsiem shuh shuh
 ha kata ka por ban ia kaba nga la sngew mynba
 nga la iohpdiang ia ki saw tyngka baphyrnai
 rupa; ka la long baroh ka jong nga hi, ban
 pyndonkam ia ka katba nga mon—ban buh
 kynshew ne ban pynlut! Kaba katno ka bok
 ham lah kheindor! Nga lah ban ong, ha ka
 jingsngur mynsiem baroh, ba mynno mynno
 ngam pat ju la iohpdiang tyngka naduh kata
 ka por haduh mynta kaba la ai ia nga ka
 jingsngewhun mynsiem ban kham neh sah ha
 nga; bad katto katne na ki jingsngewkynmaw
 hir-hir basngewtynnat tam long ki jingpynjia
 kiba la iasnoh bad kata ka jingjia barit khyn-
 nah khúnlung jong nga.

Nga la dei shuwa kane, tói ban iathuh ba nga la don iwei i para kynthei, ar snem duna ia nga, ia iba nga shait pyrkhat shibún eh. I la long i para ba ialehkai kongsan eh bad nga. Nga shait leh pastor búnsien eh, ba nga ju sngew-tynnat eh ka pyrthuh briew ; bad ynda nga la pynlong kaba kum ka pulpit ia kawei ka shuki, nga ju ioh ia ki jingiarap jong i ha kaba pynriam pynbeit ia ki khúbynriew jot, kiba pynlong ka kynhún jingiaseng jong nga, na ka bynta ka jingmyntoi bakyrpang ia ki nga la ju theh sei la ka jinghren pnah ktien ba shu tynneng jong nga, búnsien eh ban pynsngew-muja ia lade hi, lada ym sha ka jingiatei ia ki lok bam nang kren jong nga, kiba la shong khop leh pyrkhing bad pyneh met triang, ki nomuna bapaka ia ka jingleh don-akor. Kum ka jingpynbyrngia kai, nga la shna, na ka shuki rim ba khlem jingshong shuh, ka synduk ialehkai biria ba idonburom eh ; bad bún ka jing-iarkhie patied nga la pynmih hapdeng ki lok samla jong nga da ki jingleh thamula jong nga ha kata ka liang. Ki khúnbynriew jong nga ki la long kiba shu shna hi, hynrei ki bit ki biang bha eh, khamtam bad ki khynnah kynthei bad shynrang ki bam ju la donbok satia ban leit khie iohi ia ka jingpynlong briew bashisha jong kine ki longbriew ba-iphylla eh.

Ngam shym kiar naphang shaphang na kaei ba ki khynnah shynrang ki khot "ki jinglait tuh," lymne nga la ju lait kaba shah pynsaja.

Nga la long, kumba long kiwei baroh, teng-teng
 u bam kohnguh, lane, kumba i mei bapli baieit
 jong nga i shait ong teng-teng, "uba tam-sneng;"
 hynrei ka mynsiem baieit, nga ngeit, kam ju la
 pynshitom ia nga khlem da rkhe shuwa ba in
 pyndep kam bad nga. Ka jingtieng ia ka
 jingpynshitom ia ka met, lane ka jingpang-met,
 ka la long kaba jur katta katta kat ban paw
 ithamula teng-teng. Nga kynmaw ba nga la
 don ha kawei ka sngi kawei ka lieng-dewlong,
 kata ka mut, ka lieng heh ba la pynkit da u
 dewlong, kaba la bsuh shapoh ha ka jingkhie-
 dew bajur ban pynhiar jingkit; kumta ba haba
 ka jingkhie-dew ka la hiar kata ka lieng ka la
 sah ryngkhiang halor u shyiap rud duriaw,
 bad ki khynnah shynrang ki la iasngewbha ha
 kaba thaw kam ban padoi ha ki tyllai jong ka,
 bad teng-teng da iakiew de halor jhad. Nga
 la bункam lehsmat bha ha kane ka jait jingia-
 lehkai, ha kaba i mei jong nga i la khot ia nga
 ban rah shiborti kaba tam ba lait sha u sniang
 jong ngi, ia uba la ri ha kawei ka sem sniang
 kumba shipawa mail na iing jong ngi. Nga la
 par da ka bam mon eh artet u shyiap duriaw,
 bad da kaba shim ia ka borti, nga la nang ngeit
 ba ka la long kaba kha than, bad la lehmyneh
 kumba ngam lah rah—haba shu kren lyngkot, nga
 la long uba "tam-sneng" eh, ha kaba i mei jong
 nga i la shim ia ka borti na nga bad i la leit
 rah hi da lade, i da bthah ia nga ban leit rung
 shapoh iing, bad ban ap tad haduh in da wan-
 phai. Katba i la wan rung, nga la ithuh na ka

khmat jong i ba ngan sa "ioh katto," bad haba i la wan, bad u dieng ha la ka kti, i da peit pyrkhing triang katba ka mynsiem baieit ka lah ia ka ban leh kumta, nga la phet, bad i la beh nadien jong nga, tad haduh ngan da ioh rung shapoh ka kamra rit, bad ngam man mih shuh shabar. Im man ioh lad ban shoh ia nga, naba ka jyngkhang ka la long kaba tbian bad khim, ka bam ailad ai jaka ia u dieng ban talaiñ. Ka jingtynrüh tyndung ha nga khlem ka jingkawiat ka la long kaba pynsngewbiria than ia nga, bad nga la rkhié noh. Kaba pli ka mynsiem baieit, ki khmat jong i kiba shad bad ka shyntur jong i kaba ran rymbieñ rymbaiñ khñi-iam bad ka jingleh sngewbha bam lah buhrich, i la ong, "Niuma, John, ngan pynkyn-jih ia phi;" bad kumta, da ka jingpynkhih talaiñ pyllun pyllun nga la ioh mad dieng teng-teng ha ka khlieh teng-teng ha ki pung-kjat, haduh ba nga la kular ba ngan wan mih noh shabar bad pdiang la ka jingshah pynsaja jong nga ha ka rukom kaba kham dei aiñ. A, i mei baieit, katno búnsien i la ju rkhié ha kaba pynkynthih ia nga da u dieng sympat ha ka kamra rit !

Nga barobor nga la ju don kata ka jinglah-bor bamynsaw ha kaba iohi ia ka liang bapynsamrkhie thamula ia kawei ka liang jong kano kano, bad nga la long uba pawnám na ka bynta "ka kam thaw biria." Kane ka la long ka thymmei jong katto katne ki jingshah pynjyn-

jar, ha ka por ka jinglong khynnah bad ha ki
 snem hadien habud, bad nga la shait sngewlem
 barobor bad man la u khynnah uba "thaw leh
 kulmar"—nga mut, khlem ka jingmut sniew.
 Kano kano bad man la ka kabu ban leh kai
 biria ka la long ka jingpynshoi bajur, lajan bam
 lah ialehpyrshah. Kumno, haba nga leit jia
 iohi ia u nongrah ruti, bad ka plieng ne kria
 ruti halor la ka khlieh, ki shympriahjat jong
 nga ki ju khih buid kyrthai hapoh juti jong
 nga, bad kata ka jingsngewbuid ban sei la ka
 kjat, bad ban ai ia u tang shisien woh-kjat.
 Nga tharai kawei na ki jingpynshitom bajur
 tam ba i pa jong nga i la ju ai ia nga—bad nga
 la da shong hok eh ban ioh ia ka—ka la long na
 ka bynta ka buit thok ba pynjew jingmut, ba
 kum kata ba ki khynnah shynrang ki khot
 "ka kam leh thawlr." Uwei u riwrit banep
 jingmut, u nongsuhjaiñ ne dorji na ka jait kam
 ba u trei, u la leit jingiaseng, ha ka iingmane
 Methodist, ha kaba i pa jong nga i la ju mlien
 leit jingiaseng, bad ka jaka shong jong u ka la
 long beit phiak ha khmat jong ngi. U la long
 uba kyr-eit ka riam ka beit khyndiat khyensoit,
 ba sngew kat ma nga ym don shuh, bad uba
 kham sngew kob sarong ia la ka jingsngewbha-
 briew la jong. hynrei u la long uba kren keh-
 keh sngewsih jew sat. U la don ia kaei ba la
 khot "ka tupia dá-khlieh kyrdab"—ka jait
 jingdá khlieh kaba tap tang kat ia ka shynrong
 maloi khlieh. Ha kawei ka Sngi u Blei kaba
 sniew-bok ia nga, katba nga la dang shong

hapoh iingmane bad kata ka khlieh bad tupia
 dá-khlieh hamar khmat jong nga. nga la sdang
 ialehkai bad u pin, bad ynda haba la khun
 pynkdor ia u ha ka rukom kum u khwai, nga la
 lap ha pla jong nga ia uwei u ksai, nga la teh
 da ura sawdong ka khlieh pin, bad la sdang
 ban khwai dohkha, khlem kano kano ka jing-
 pyrkhat sniew bakhyllah sngi bakyrpang pher
 ei-ei, bad nga la leh ia kaei ba ki khynnah
 shynrang ki shait leh búnsien ha iingmane,
 haba kim sngewtynnai, lane kim sngewthuh ia
 ka jingpyniaid jingiaseng. Kumta bad kawei
 ka khmat ha i pa jong nga. iba la shong ha
 syndah jong nga ba i da shah-shkor bha
 dngiang ha ka jingkren ba hapoh iingmane. bad
 da kawei pat ka khmat teng-teng ha u nong-
 ialap bad teng-teng ha u ksai khwai, nga la iai
 pynkhih kaweh la u khwai jong nga, bad la rah
 joit mian-mian sa shisien pat, ha kaba, da kaba
 sngewsalia ia kaba khwai kumta, nga la pashat
 ia u ksai khwai, bad da kaba bat pynskhem ha
 u pin ba ha ka ti-kmie jong nga, nga la kawang
 phak ; joit u la kiew ; nga la kynjut pa kynjut
 khek shi khek, da kaba leh sumar bha, tad
 ynda kawei ka jingkynjut da kaba sniew-bok
 ka la phah ia u pin khwai halor ka khlieh u
 Billy Bennet ; u la lait noh. Te ka jingkwah
 leh ka la long ban iohi katno sien ngan lah
 pashat ia u halor ka khlieh jong u khlem don
 ban lah kem. Hadien ki jingkhwai ba iai leh
 búnsien, nga la leit kham pajut tynggeh khyn-
 diat bad ba u la leit neh halor ka "tupia

dá-khlieh" kham sha khmat than kat ban pynweng bak ia ka. Kumta ba nga la dei ban pajut ia u ksai, bad kumba ka bok sniew-nusip de imat ban wanrah halor jong nga, u pin-khwai um man wan kylla satia ; nga la pajut kham tynggeh, da kaba leh sumar bha eh, tad haduh ba u la dait skhem bha sbak. U pin u la leit sahkut haei re haei. Mynta nga la tip, ba lada lap kem, ngan shah pynshitem jur eh.

Ka jingpynshoi ban pajut lang ia kata ka tupia ka la jur katta katta ba imat *ka la dei ia nga ban leh ia ka* ; ki shynriahti jong nga ki la buid ; nga la jan khynñuh kmen da ka jing-sngew shitrhem mynsiem. Nga la peit ha i pa jong nga. Im iohi ei-ei. Baroh ki la dang shah-shkor bha dngiang ha uta u nongialap. *Nga dei ban leh ia ka* ; kumta da kaba khmih beit phak ha u pastor, bad da kaba ai kawei ka jingkyngjut kynsan thak kaba stet, joit kiew ka tupia dá-khlieh shajrong suin. Nga pynnoh ia u ksai ; u Billy bapli u la rypsied na la ku jaka shong jong u, bad da kaba ksoh baroh ar ki kti ia la ka khlieh la jong, u la kyang pyrta, "Trai-trai-trai babha !" kaba la pynkyndit shuit ia ka kynhún leit jingiaseng. Hynrei hangto ha ka jaka shong jong ngi la thiah ka tupia dá-khlieh, bad u pin bad u ksai ba la teh pynsnoh, kum ka sakhi bathikna pyrshah ia nga. Kawei ka jingpeit lieb ha ka khmat i pa jong nga ka la pynsngewthuh nia ia nga ba nga la "leh ia kata," bad ba nga dei ban "ioh bainong ia kata," bad ia

kaba ioh nga la da ioh shisha I pa jong nga i la ap tad haduh ka Lah Sngi u Blei, bad mynstep i la leit ialam ia nga sha iing u Billy Bennet, bad la pynlong ia nga ban kyrpad pán máp sngewrit eh. U Billy u la long uba bha mynsiem shibún . eh, bad ha ka jingshisha u la pyrshang ban pyllait suk ia nga na kaba pán máp ; hynrei i pa jong nga i la pynbna shai ba in “pvnmad dieng ia nga na ka bynta jong nga ;” bad i la leh ruh kumta ; lane, la kumno kumno, in da la pynmad dieng ha ba ngan da suwan hi khop, hynrei i la shu pynnguid ia nga, kumta ba kata ka “jingai dieng” kam shym da bha palat na kata “ka jingshoh”, hynrei ki tyrpeng jong nga bad u ingdong jong nga ki la “shah shitom khyndiat” bad nga shong hok ban ioh ia kata. Baroh shilynter ka jingim jong nga kane ka jingkwah “leh thawlr kynsha” kam shym la pynmyntói ei-ei ia nga ; la ka la ai ia nga shibún ka jingrkhie sahu ba naduh ka dohnúd.

Haba nga la kumba khyndai snem ka rta, i pa jong nga i la rung kam ha u Rev. J. D. Glennie, u phajri jong ka Balang ka ri Bilat, bad u shapleñ ia u Lord Darnley, uba da shong da sah ha nongkyndong, bad uba da pyntrei dat ha ka kam iing mane da kaba suk ba la tei da u trai kynrad jong u—ba la ju don, naduh mynshuwa, tang kawei ka jaka mane hangta, kata ka iingmane Methodist barit. Ngi la iashong

iasah hangta lang, sa ba i pa jong nga i la shong shakri mynsngi mynsngi, bad i thiah pat ha la iing. I la long u Methodist ; i mei jong nga pat ka Baptist, bad i la long, katba dang don na London, ka membar jong ka iingmane Surrey, hapoh ka jinglong pastor jong u Rowland Hill babnanám. U Rev. Newman Hall u long u pastor ba shimti ha kane ka por (1869) (Naduh kata ka por ka balang bad u pastor ki la iakynriah noh sha ka jingtei bathymmai bad ba-itynnat, "Ka Balang u Khrist," ha ka Surok Jyngkieng Westminster). I mei jong nga i shait leit jingiaseng, ryngkat bad i pa jong nga, ha ka iingmane Methodist ; la katta ruh i shait iaid teng-teng sha Folkstone ne Hythe, ban leit jingiaseng ha ka iingmane ba ha la ka jong ka jait niam. Nga kynmaw bha shibún ka jingiaiaid kiat ba nga la pynlong bad i ! Ka Hythe ka la long tang lai mail ka jingjngai ; bad kaba donnám eh ka la long ia nga shimet ; ka la long kawei na ki jaka rich-lieng Cinque lane ki santylli ki Jaka rich-tngen, kiba—ba ki long marpyrshah ia ka France—la kyrteng kumta na ka bynta ka jingdonkam ba palat jong ki ha ka por thma, bad ha kata ka por ka jingiasah shún bad ka France imat ka la long ka jinghiar pateng ba long tynrai jong ki briew.

Ha ki por ba la jngai eh, ia kine ki Jaka-riehlieng ne ki Jaka-rieh-tngen la ai iarap da ka tyngka syiem, ryngkat bad shibún ki bok ki

kabu bakordor bad ki jingpyllait-ei. Hapdeng
 kine ladon : ka jinglait siew na baroh ki khrong
 ki dan ; ka bor ban pynshitom pynsaja
 ia ki nongwei nongar ne myndér-ri kumjuh
 kum ia ki trai-shnong trai-ri hi, kiba kit-pop na
 kaba tuh ; ban pyndonkam ka jingpynshitom
 da ka phrah, bad ka jaka shong ba khih padoi
 shane shatai, na ka bynta ka jingpynsaja ia ki
 jingkren tla-briew ne ia ki kynthei thaw iakajia
 —“lada ia kiba kum kita lah ban shem hapoh
 ka distrik.” Hynrei kum ka kylliang ia kane,
 ki Jakariehlieng ki donkam ban pyndap pynbiang
 katto katne ki lieng, ha ka por thma, bad katno
 de ki rangbah briew, ban leit hajir ia ka kam
 syiem ha ki khatsan sngi, na ka jinglut jingsep
 jong ki hi. Ki Jakariehlieng ki la long : ka
 Dover, Sandwich, Romney, Hastings bad
 Hythe. Ka iingmane jong u St. Leonard ba ha
 Hythe ka la long ka badonnám, hapdeng kiwei
 pat kiei kiei, na ka bynta ka jinglum thup ba-
 radbah jong ki shyieng ki shruh briew. Hapoh
 kawei ka krem-tep ka kynton ka la long arphew
 phra phut ka lynter, phra phut ka pyngkiang
 bad kaba katjuh ka kynjang. La ong ba ki
 la long ki shyieng jong ki nongialeh ba la pyn-
 iap ha ka thma hapdeng ki Briton hyndai bad
 ki Saxon, kumba ha ka snem 456, ha ka rúd
 duriaw ba hapdeng Folkestone bad Hythe.
 Man ba ngi leit jngoh kai ia kata ka shnong,
 ngi ju ialeit ban leit khmih ia ki shyieng. Ki
 la long beit ka jingpynleit khmih ia ka jaka.
 Nga la leit iohi da ki bún kuri sien.

Ha kane ka por tang khyndiat la jia ban pynkhie-dew ia ka jingjaijai ba na sla jong ki jingim jong ngi. Ngì ìaleh kumba ìaleh lem bún kiwei kiba im duk—ngi ìaleh ban ìoh ka bám ba man ka sngi. Ha ka por synrái, i mei jong nga, i hep kynthei jong nga bad ma nga ngi shait ìaleit khlur kew ìa kiba sah iehnoh lyngkrang ha madan jong ka lyngkha kew, ynda la 'pynkit' ìa u kew, bad búnsien ngi la ju wan-phai kiba la dang kit bad ki song kew ba la shu lum shu tám kumta. Nangta, ha kano re kano ka por nohphaisngi, Sngi Saitjaiñ haba ka skul i mei jong nga "kam long skul," ngi shait ìapynkhuid ìa baroh ki jyngbuh jyngsat na ka kamra (tang khyndiat ki don), ngi ìaphriang ìa ka jingkynshew kew halor madan, bad da ki dieng tangon ngi ìa-pduh ìa u, bad peh ìa u da ki shijur ki kynsok. Ngì ki khyannah rit ngi khein ka long ka kam leh biria basngewmuja palat. Hynrei ka jingkmén bakhraw duh jong nga ka la long, haba la shah ìa nga ban leit rah shipla u kew sha u mawtyllyiat shimail ei-ei ka jingjngai. Kata ka la long shisha ka jingjia baphylla! Ma nga, kumba ìalong lem ki khyannah shynrang baroh, nga sngewmuja bha ka shongkulai, bad nga la lah búnsien ban ìohshongkulai halor u kada shynrang; hynrei ban ong ìa u kulai—kata ka la long ka kliar duh jong ka jingangnúd jong nga! Ha ka lynti ba dei leit rah ìa u kew ba la pynkhuid sha u mawtyllyiat, ìa u Mr Laker la pán jingtip shisngi ar-sngi shuwa, ba un ai kylliang ìa u kulai lieh

jong u ; bad tad haduh kata ka step bahir-hir
 mynsiem jong nga, nga shait pyrkhath baroh
 baroh shi sngi, bad phohsniew baroh shimiet,
 ba nga shong ha ka rukom jait shong baphér
 baphér bún bún rukom, halor u kulai lieh,
 katno uba iphylla uta u kulai u la long ! Uba
 matlah, badkoh, baheh-shyieng ; barobor uba
 nguh ka khlieh sha khyndew, imat kumba u
 lehraiñ ìa lade ; hynrei la katta ruh, sha nga, u
 dei u Bucephalus hi, u kulai-thma u Syiem
 Aleksandar ! Kaba katno ka jaka ba la kyn-
 tiew hajrong, ba la pynshong halor ka byrni ba
 la pashat pyngkiang ìa ka ingdong jong u, bad
 la ki lakam tyllai ha ki kti jong nga, bad u
 dieng batylli ; i mei bad ka Mary ki da ìaïeng
 peit ìaroh ha jyngkhang ban khmih ìa nga ba
 nga leit ! Katno ba nga shait pynìaid tawiar
 sawdong ka nongrit ban pyni ìa lade halor
 ingdong kulai ! Nangta bak sha ka jaka tylliat
 —ban aiti ìa u kew—bad ban pyni la ka jing-
 stad shongkulai jong nga ; ìa kaba nga la shait
 leh stad bha eh, ba ñiar ngan lah ìaid pat shi-
 sngi arsngi ; naba u la long u kulai bapashop
 rædbah tynggeh eh, bad u ingdong ba kum ka
 shaku lit-let. Hynreinga la shah la ka jingshah
 pynsaja jong nga da ka jingwiat puh samrkhie
 ba kynjai la jong jong ka jingsngew kiew-
 skong.

Nangta ka Sngi Iew Sngewtyñnat ka la
 wan man ka snem ha ka 23 tarik u Naitung ;
 bad na ka bynta kata, baroh ki damli ba lah

ban tyngkai jong ngi la pynlang jingkyshew
 sumar bha, tad haduh ba nga kynmaw ia kawei
 ka sngi ha kaba ngi la iañiew phra anna hapdeng
 jong ngi—i hep bad ma nga. Kine ki iew ki
 long kiba la rim naduh mynbarim bajah ; teng-
 teng ba la khot ki jingkhawai dawai, ne ki jing-
 pyni-kai, la pynlong ha ki por ki por jong ka
 snem. Ha ki por hyndai, ki iew ki lah ban
 don la ki jingmyntói ; hynrei ki la hiardor
 sngewdiaw eh. Kumno ngan lah ban ai jing-
 batai ia ka iew nongkyndong ? la ka surok
 bah la iaïd lain riang da ki basa, ia kiba la pyn-
 dap da ki jingïalehkai khynnah, ki ribon, ki
 tiar bâm tiar dih, tiar shet tiar tiew bad u pu-
 sying ba la suitrong ksiar. Nangta halor madan
 jyrngam—bad kane “ka madan jyrngam ka don
 thik ha khmat iing jong ngi)—don ki basa ba
 kham heh, bad ka jaiñ byrni ba la ai-rong pyn-
 thaba, kaba pynbna sha u paid ba ang-múid ba
 ia ka theïdohkha bad ia u ramhah lah ban iöhi
 hapoh. Ha kawei pat, ngi pule ba ka mem ba
 da ka khmat sniang bad u khynnah thoh-roïñ
 ki la dang shu poi na ka Khongweng Duriaw
 Khmut-Bitor, ba ha ka dewlynnong jong ki
 India Sepngi. Nangta don i khún masi ba ar-
 khlieh ; bad ka masi “duriaw”, ka bam lah ban
 im ha ryngkew, bad ka iap hapoh um,—baroh
 ba lah ban iöhi tang na ka bynta ka jingháp-
 siew dor kaba shiana paisa ! Hangne don ka
 “Jingpyni ia ka jingïaid prosesheon jong u Syiem
 ka Injy halor u hati jong u.” Don ki nongdie
 nongthied tat-dor ba halla shaphang ki tiar ki

tar jong ki. “Hangne don kaba kum kata ka kurat ba phim la ju iohi kurat mynno mynno, ha ki sngi baroh ba phi la leit iohi ; don u dieng sympat ba da kat u dieng sympat shisha ; ym shym la ju don mynno mynno lait noh na ki ar ba la shna, bad uta u briew u la iap noh, bad rah noh ia ka buit shna ryngkat bad u. Balei de une u shabuk un pyniaid ia u kulai jong nga ; —bad phi tip dei uei *uta*. Baroh ki jait pynikai ki jingiasnohpadoi, ki jingiashad tyllun lyngwiar lyngwiar, ki jingiapyntyllun ban pynkyllon, ka jingiakiew ia u siej kyllan-khleif, ka jingiamareh bsuh hapoh ki byrni, ki jingpynmareh thong ia ki kada,—ka kada ba suki tam ka ban jop, bad ym shah iano iano uba dei trai kada ban shong hi. Ki basa ki nonglehbajikor, ki jingialang lynter jong ki “Khie kiew kloi ! khie kiew kloi !—Kumne ban sa sdang noh.” Ki jingiapyini tang da ki kti ki kjat—bad ki Bula, ki Rangphong thoh-puid, ki Shado ki shadia bad ki Thei riam thoh-shuid thoh-puid. Ka put ka tem ka sawa na man ki dong. “Ka put ka tem, ka rwai ka siaw kyrhai ban pynbyrnia,” bad kumta ter ter. Ki ksing ki nakra, ki jingiatied bol, ki jingput shakuriaw, ki jingpah miaw, ki jingtem bela, ki masok shipai, ki bikur, ki baje tied,—baroh lang kiba iaput pynsawa ha kajuh ka por—ki pynlong kaba kum kata ka jingput jingtem ba lah ban iohsngew tang ha ki iew ki hat nongkyndong,—ka jingpynher mynsiem ia ki kmie babun khun-rei, bad ka bneng ia ki khun rit.

Ha ka 5 tarik u Naiwieng (November) la poi ka Sngi Leh sngewbha Lok. Haba nga dang khynnah, la rakhe ia kata da ka jingshit-rhem bajur da baroh ki khynnah shynrang. Ha ka shnong nongkyndong jong ngi la shait don san ne hynriew ki Lok ialehkai sngewbha. Kumba shidorjon ei-ei ki khynnah kin iakut lang ba don uwei uta u Lok, bad kin jied uwei na kita ban pynriam pynbeit ia u na ka bynta kata ka jingjia ha ka phrok kynthai baheh jynsur bha, ba la tynsat da u langiap ; ka tupia ba isaitmet, lane—khambha—da ka tupia rim u shipai ; u tyndong dih sikret ba la pynam ha ka shyntur jong u, ka jyngkah khmat ba la phong ha ka khmat jong u, ka waitlam ba la pynkham ha ka kti jong u, bad kawei ka lynten iong bad ki jingpruid-ding ba la pynksoh ha kawei pat ka kti. Kumta ba la pyni bakla nadong shadong, ban pynshong ia u halor u kada, ba la btin da ar ngut na ka kynhün ; ar ngut kiba lam na khmat, kiwei pat kiba nangbúd nadien, ar ngut ar ngut ; ki da sangeh ha man ka phylláw iing, —ha kaba ki nongbúd nongrap kin ia ieng tawiar sawdong uta u Lok leh sngewbha, bad kin iaspel jingrwai ia kaba ki khot ka “luri-lura.” Haba nga dang iasngewmuja ia kine ki Leh-sngewbha, kane ka la long kata ka “Luri-lura” :—

“Kynmaw, iai kynmaw ka San u Naiwieng
 Ka shet ka phon u bakhor !
 Ngam tip ia ka daw balei yn lah klet
 Ka tamasa biria bakor.”

Bad kumta ter ter ia laiphew ar lain.

Ia ka jingkynshew paisa la lum na man ka iing, bad ia ka tyngka ba ioh kumta la pynlut ha kaba iasiat pynbthei ding kai, bad ka lyngbung jingthang ban pynheh ding janmiet.

Kine kiei kiei baroh, ne lajan baroh ki la iaaid lait noh, bad ngim lah ban sngewbabe kyl-la ia ka jingkhlah noh jong ki ; la ha ka por ka jinglong khynnah, ki la long ki jingiia jong ka snem—barobor ngi la ju ap khmih khmih-lynti lypa ha kito kiei kiei da ka jingsngewkwah hir-hir, bad la iapynkhreh na ka bynta ka jingsngewshongshit.

Nga don sanphew ar snem ka rta mynta ; (ia kane la thoh ha ka snem 1869), hynrei katba nga poi kynmaw biang ia kine ki jingiiohi ha la ka jingmut, nga sngew kumba nga khie samla biang.

Katno ngi ialeh smat leh sting, da ki sngi bad wat da ki taiew lypa shuwa ka Sngi Nyngkong u Jymmang, ngi da iapynkhreh pynkhrum na ka bynta ka jingkhawai syntiew ! Katno kiba sarong ki khynnah shynrang ngi la long ban dei rah dei rong ia u kpieng syntiew ! Ka Sngi Jymmang ; ka Sngi Lehsngewbha Lok ? ka Sngi iew ; ka Sngi-Thohdieng Bakhuid bad la ki bon-diengphna ; ka Sngi Mihpat ; ka Sngi Pentekost ; bad ka Sngi Krismas Basngew-

bha—ki long ki dak ba shat sngi ryngngi ha ka jingkyrmaw jong nga. Bad pynban, nga la tip katto katne shaphang ki thma ka jingim, kumjuh ia ki sngi shuti jong ka, bad nga la mad shibún na kaba kthang bad kumjuh ia kaba thiáng. Kawei ka jingphaidien bajlán ha kine ki sngi, shuwa ba ngan phai sha ka kam ba eh ba khlem shuti ; kawei ka jingpyrkhat ieit ba sah lyngngiar ha ka jinglong khynnah jong nga, shuwa ba ngan iaid lait noh ban iathuh shaphang ki jingshisha ba eh bad bapyrkhing jong ka jingim, kumba nga la shem ia ka ha bún bún ki snem ki bathait lwait. Lehse nga la pynlyngngiar slem than ha ka lynti ka jinglong khynnah, ha kaba ki khyndiat khynsoit ki syntiew ki phuh bha kyrhum harud ka lynti iaid, bad ha kaba, da kaba sngewsting dohnud, hateng-hateng nga ju kyllain kpieng ia ki. Ki kpieng syntiew ki la iapstai ; ki syntiew ki la tlor noh—hynrei ki jingkyrmaw ia ki sawphew snem ba la lah ki iai neh sah hi.

000000 000000 000000
000000 000000 000000
000000 000000 000000

LYNNONG III

KA JINGKYLLA badonkam eh ha ki jingshem kupar jong nga mynta ka la wan jia. Nga la dap khatar snem ka rta, bad i pa jong nga, ba im lah ban pyndap pynbiang ia ka bairung skul-trei jong nga kaba donkam ia nga ia ka ban hikai trei, bad ba ym i don lad don lynti ia nga da kumwei pat lait na kaba long u shakri-briew ha iing u riewdonburom, i la pynlong ka jingiakut bad kawei ka iing ba na ka shnong nongkyndong jong ngi, kaba lajan leit phet shnong noh sha America, ba ki, ha ka jingpyrkhat bha shaphang ka tyngka kaba shiphew jini ba la siew da i, kin ialam ia nga ryngkat bad ki, kin hikai kam trei ia nga, bad pynbiang ia nga tad haduh ba ngan da dap arphew wei snem ka rta. Hadien kaba bün ka jingleh artatien, i mei jong nga, na ka jingsngewthuh-briew ia ka kamram, i la pyndem ha kane ka jingiakut. Ma nga, ba dang kum u khynnah, nga la sngewkmen mynsiem ha ka jingwanjia shadien kaba ha khmat jong nga. Ynda ia ki jingpynbeit pynbiang khyndiat khynsoit la pynkhreh, ha ka 4 tarik u Jylliew, ka snem 1829, nga la peit kumba nga la pyrkhat ha kata ka por—ka jingpeit khatduh ia la ka shnong ka thaw ba la kha la long ia nga. Ha

ka janmiet ba nga lajan dei khlad noh, kawei ka paramarjan ka la khot dih sha ia nga ha iing jong ka, ia kaba nga la leit. I mei jong nga i la kren kynthoh ia nga hadien : “Nga kwah phi la dei ban dih sha bad la i mei, John ;” bad kane ka jingpynjia barit ka la long ka tyllong jong ka jingsngewpang mynsiem bajur ia nga ha ki snem ba hadien habud.

Ka jingkhlad na la ki kmie ki kpa baieit thep-mynsiem jong nga ka la long ka bakthang mynsiem. I mei bapli jong nga i la kdup khop ia nga hapoh shadem ; nangta in bat ia. nga shiklah kti ka jingjingai na i, bad da ki khmat batuid ummat, i peit shain ha nga da kaba i-ieit eh ha ka khmat jong nga, i da pule, ia kaba tang ka kmie ka lah, ia ka kitab jong ka lawei jong nga. I la wah hajrong, ha u prek jingwah jaiñ ba ju wah, ia ka tupia rim ka jong nga bad ia ka jaket, bad ia ka pla leit-skul ka jong nga, bad hangta ki la sah haduh ba—bún bún snem rat hadien—i la ieh ia la ka iing. Khatduh khatwai ia ki ktien iakhlad la iakren, bad nga la iehnoh la ka iing jong ka jinglong khynnah jong nga.

Ka jingiohi baktah mynsiem ka la long, katba nga la nang iaid lyngba ka shnong rit, sha ka jaka buh kali, ha kata ka janmiet. Katba nga la nang iaid lait lyngba ki surok, bún bún ka kti basbun ka la kaweh kti khublei ia nga, bad ym khyndiat shuh ki sur ryndang ba ju

iamlien ki la sawa ki jingkren khublei ba naduh la ka dohnúd, "To u Blei un kyrkhu ia phi !" La don kawei ka tymmen ba la dot-dot, na kaba nga la thied switmit la búnsien búnwat ha ka dukan die jingdie jong ka, bad ia kaba la shait khot ieit I Meirad Hogben ; ka la khot ia nga shapoh dukán, bad ka la kynton jingkit ia nga da ki jingkwah babha, ki switmit pepper-mint baheh, ki kék bad ki switmit kjup ; la—ka mynsiem bapli hasngewieit !—ka lah da kaba shitom eh ban pynbiang ia katta. la ka iing-thiahbasa la poi—bad, ha ka jingiasynrán lang bad uwei u khynnah samla uba, hapoh ka jingsumar jong kajuh ka iing ka sem kum ma nga, u la dang mih shabár ban iakynduh ia uba ha iing—nga la kiew ia ka tnúm jong ka kali iaíd miet London. Ha kaba iehnoh ia ka shnong rit, nga la phai sawdong ban ai ka jingpeit khatduh ia ka, bad nangta nga la iohi ia ka dur kynthei ba pár na syndah ka kynroh ba tbian, hajan ki kor sum-briew. Ka dohnúd jong nga ka la iathuh ia nga shisyndon ba i la dei i mei jong nga—iba la shim kabu ia ka jingpyndier por bashiteng kynta ha ka jingkhong iingshongbasa, ba kumta i la iaíd katto katne ka jingngai ban ioh peit lieb sa shisien pat ha la u khún rit ba la khlad noh na i. Ngam pat ju la sngewthuh, tad haduh ka por, ba la ieit ia nga pléng jin haduh katta.

I mei jong nga i la sngewktah mynsiem jur eh da ka jingiakhlad jong ngi. I hep i la ju

ĩathuh ĩa nga ba i shait shong, kumba i pyrkhat jylliew, i da peit jngai jngai shabár, kumba i ĩohi ei-ei jngai jngai sha shuwa ; bad teng-teng i hep i shait ĩohi ĩa i mynmiet, ba i ĩeng harúd jyng-khangĩit, i da peit sha ka duriaw bún bún kynta. Haba kren ĩa i shaphang kine ki por, i shait leh kyndit thret-thret bad úd pyrsad jylliew, nangta in leit pár leit thiah noh jar-jar.

Haba ngi poi ha Ashford. la buh ĩa ngi hapoh ka kali. Hapdeng bún kiei kiei kiba la shoh ĩa nga ha ka jingleit lynti jong nga, la long ka jingjia jong kawei ka kynthei duk bakhynĩiuh rih, ba ka pán jingai isnei ha ka jyng-khang kali por shiteng synĩia, ĩa kaba nga la sngewktah mynsiem jur. Ha Footscray la buh biang ĩa nga shabár ka kali. Ha kaba leit shajan ka nongbah, ki jingĩohi baphylla phylla ki la nang bún man la ka khyllipmat ; bad, haba ngi la don leit hapoh ka sor bakhraw, shaphang kaba nga la ĩohsngew shibún eh, nga la jan shoh tyndep da ka jingbún u paid briew bad ki jingĩabún jait kiei kiei kiba ring ĩa ka khmat. Ka jingĩasangah hapdeng ar ngut ki riewĩaleh ka la long lajan ka jingpynsngew-byrngia ba nyngkong nyngshab eh jong nga ha shnong.

Katba nga dang sah ha London nga la iohi katto katne na ki jingĩohi bakynsai baring ĩa ka khmat,—kum ka St Paul, ka lingmot, ka jaka ĩapein sbái Syiem, ka lingpaki-dulan, bad

u Mot jrong—sha ka kliar jong une uba hadien nga la leit kiew bad nangta nga la ioh jngoh sawdong ia ka lyngbung jingtei maw-it baredbah, bad ia ka tдем, bad ia ka jingiathep tiar thep tar bad jingiaiaid jhad !

Ha ka 10 tarik jong u Jylliew, ynda ia man kawei pa kawei la lah pynbeit, ngi la iaking lieng ha ka wah Thames ha ka jhad ba kyrteng ka *Helen*. Da kaba iaiaid lait ia ka shnong Dover, ngi la iapoi sha lyndet ka Sandgate, ha kaba ka sngap thanda jai, bad ia ki angkhor jhad la pynhab. Nga la ai katto katne ka jingpyn-sngewmuja ia kito kiba tawiar sawdong jong nga, da ka jingleh shitrhem da kaba nga la kynrup ia ka teleskob, bad ka jingsngewshisha da kaba nga pynshisha ba nga la lah ban iohi la ka shnong ka thaw rim la jong. Hamar kata ka sngi, kawei ka lieng hadien kawei pat ki la wan mih noh sha ngi na sharud ka duriaw ; bad ki lok ki jor jong ka iing ka sem ba nga la don ki la wan iajngoh ia ki ;—hynrei ia nga ym don ba peit salia ; ki kur ki jait jong nga kim shym la wan. Hadien ka jingiai ap kaba slem bad bathait, nga la iohi ia uwei u briew ba u ieng joit ha kawei ka lieng, bad ka jingkyllain lieh sawdong ka tupia jong u. “I la dei ma i !—itai-tai la dei i pa jong nga !” nga la pyrta. Shen-shen i la kiew halor ka madan jhad, bad lajan pyniap op ia nga da ka jingdoh jong i —na kaba nga la lam kynran, ba u niuhmoh jong i u la pynsngewthar shisha shisha ia nga ha ka snieh-doh ba dang jlih jong nga. Nga la

iohsngew ba i mei jong nga bad i hep ki la lah
ialeit sha ka jaka ban mane, katto katne ka
jingingai na Sandgate ; ia kaba nga la sngew-
pangnud eh. Haba ka por janmiet ka la poi,
ki nongwanjngoh kai jong ngi na ka rud
duriaw ki la ialeit phai noh sha la ki lieng ki
jong ki, kiba—haba dang katto katne kot na
ka jhad—la pynlong ka shiteng lyngwiar jylli.
Ki lok ki jor jong ngi ki la iaieng riang halor
kita, bad najrong ki um bajaijai la pynpér
ki jingsawa rwai baiashoh milai lang, katba ngi
la nang iarwai :—

‘Suk long jingieit ba teh-song lang,
Ban nym pynkhlad ia ngi ;
Ingai ingai ki met ki lah ban klang—
Ngi long shimynsiem hi.”

Kawei ka lieng hadien kawei pat nangta ki
la nang jah Ingaid ha ka jingingai bangun-gut
bad nga la leit thiah noh. Kumba shiteng
synñia nga la iohsngew ba khot ia ka kyrteng
jong nga, bad, da kaba leit kiew halor madan
jhad, hangta nga la lap ia i mei baieit jong nga
bad ia i hep, kiba—ha kaba iohsngew ha ka
jingleit phai kylla jong ki, ba nga la don ha ka
pud ba dang lah ban iohi—ki la iasiew shiteng
jini (ka jingioh tyngka kaba eh ia ka ban ioi,
pynban la pynlut sngewbha mynsiem) sha
u nongkinglieng, ban king ia ki sha ka jhad.
Ki la pynlut shikynta bad nga (O, katno kaba
sngewlyngkot ka por ka la paw ha nga !)—bad

ki la khlad da ki jingjawummat. Ynda la pyneh ka peit ki khmat jong nga tad haduh ba ym lah iohi shuh ia ka lieng jong ki, nga la leit phai pat ban leit thiah, bad nga la iam suk-shi-suk haduh ban da shai pher.

Nga la sngew ba kane ka la long ka jingsngewsih khuslai shisha banyngkong eh jong nga. Ka jingsngewsih, la kumno kumno, kan sa shu jah la ka jah hi ; bad hadien shipor nga la iohthiah noh. Haba nga la kyndit mynstep—ka lyer pyngngad hir-hir ba ka da wan beh—ngi la iadon jngai jngai hapoh duriaw. Ngam ju la mad ka jingpang duriaw kaba kumno kumno ; bad, ban da la pynioh ia ki jingkhmih lynti jong nga shaphang ka iing ka sem kaba nga la iadon shisha, nga la dei ban sngewsuk la kumno kumno jai-ly-jai. Teng-tengkhat, ha kaba khmih biang ha ka kynton rit jong nga ia ki mar ki mata pyrthei, ngan shem ki kot-rit kot-ria, ne ki kot-sada, kiba don ki dkhot na ka jingthoh bakhuid, ba la pyndait pin sha ki tiar ki tar ba ha la ka jong ka jong. Ha ka Baibl jong nga. ki dkhot kotbah la pynruid na ka bynta jong nga ia ka ban spel kynmaw. Hapdeng jong kita, nga kynmaw, la long ki lynnong baar, balai, basaw bad basan jong ki Proverb. Katba ngi la nang iaid lynti jhad, shen-shen nga la sdang ban sngew ka jingsngewpher ha ka rukom im thymmai jong nga ; bad bunsien nga la ju

pyniapher kthang mynsiem eh ia ka rukom leh ba nga la iohpdiang, bad kata kaba nga la ju mlien ha la iing. Nga la kwah ban leit phai biang ia lade, hynrei ia ka jingiathong la pashat, bad kumta nga la shu shah bad ka jingbamiasngewháp jingmut bha mynsiem katba nga lah synei. Nga pynrung hangne ka jingshim lyngkhot na ka shithi jong nga, ba la thoh katba nga dang don halor jhad :—

“U George bad ma nga ngi ialong tang ma ki kiba iatyllun arsut ka jyngkhang klep bashapoh jhad. U George u la kyllon ar wat. Shisien u la mynsaw ka krung khyndiat, bad nangta u la mynsaw jur eh ka khmut. Nga la ur bad u ketli ba da ka um khluit, hynrei nga la rah joit ia u ketli, bad la nga la shah phalub sngewtynnatt eh, ngam shym la ing umthnam. Nga sngewkwah i mei in lah ban sait ia nga mynta ka miet. O, haba nga pyrkhat katno nga pynkhynwin shnong haba i sad ia u ñiuhkhlieh jong nga, nga sngewleh-raiñ eh ia lade, bad nga shu sngewkwah ba in lah leh ia kata mynta ; naba kam eh ban leh hi ia kata da lade ban ia kaba ka la long ia i ban leh ia ka.”

Ha ka step jong ka 3 tarik u Nailur—sanphewsaw sngi naduh ka por ba iaiaid jhad—ngi la iapoi sha lyndet ka Sandy Hook ; bad O, katno ba ngi thrang hir-hir, katba ngi la nang iaiaid jhad artet ia ki khim (Narrows),

ban don noh halor madan jhad, bad ban peit
 phai sawdong ia ka jingitynnat jong ka Pyrthei
 Thymmai ! Ia kane ym shym la shah ia nga
 ban leh naba, katba nga lah ban iohsngew ia
 ka jingpyrta kyang jong ka jinglehlyngngoh
 bapynsngewtynnat kaba bthei na ki rymmian
 shyntur jong ki nongiaid lynti kiba la iasop
 ia ki krung ka jhad, la set ia nga shapoh, ba
 la ai kam ha kaba pyniong jlih ia ki but bad
 juti jong ka iing ka sem, khnang ba lah ban
 pynkiew ryngkew ia ki "kiba jylluñ lymphuiñ,
 bad thik thak," Ngi la iaiohi ryngkew ha ka
 por lai baje mynstep, ba la pynkiew ha ka
 jaka hiar jhad ba ha New York ha ka por lai
 baje por nohphaisngi—kaei kaei tói ka bam
 ju kham jia, naba ia ki jhad la shait ju
 pynsangeh katto katne por ha ka Dewlynnong
 Staten. Nga la sngew ngiah ia u biskit, ba
 nga la sngewkwah jur eh ia katto katne "ki
 kpu kyllain bajem," bad nga la dang ktha ia
 u ha ka jingmutdur, haba ki nongkhmih sharai
 jong nga ki la ialeit harúd duriaw, ki da iehnoh
 ia nga shadien. Nga la nang apkhmihlynti
 ban thied katto katne ki jingbám bang jingbám
 thiang kumta kumta hi ; naba, ynda la ioh-
 pdiang katto katne tyngka na kaba die ia ka
 jár buh kubi ia kaba nga la shna halor jhad,
 nga la iohbat kynti katto katne ka tyngka ba
 nga donkam. Ka seng jong nga, la kumno
 kumno, kam shym da heh eh katta kumba ka
 la dei ban long, naba nga—kumba ialeh lem
 kiwei kiwei baroh ki riewdonseng—nga la
 iapynbeit ka jingshim kylliang tyngka na

u khansohma ba'long, sha uba nga la ai boina kawei ka san tyngka Phareng. Ka trai bad ka sut ka sah haduh kane ka sngi khlem siew ; ym dei ka jingjia ba da khyllah eh, la shait iathuh ia nga naduh kata ka por, ha kaba iadei shaphang ki kam ai kylliang sha ri nongwei.

La iehnoh ia nga halor jhad baroh shimiet, ba ki lok ki jor jong nga kim shym wan phai ; bad hamar ka por ka jingjah jong ki, nga la wad jingpynsngewtamasa ia lade da kaba shu peit sah na ka jhad ha ki jaka hiar paidbah ba lum paidbah. Nga kynmaw bha ia ka jing-lyngngoh jong nga ha kaba iohi ia uwei u khynnah, uba kumba kat ka rta jong nga, ba u thep shilyngkhot u dumasla ha ka shyntur jong u ; hynrei shen-shen nga la kylla mlien bad kum kita kiei kiei ba kum kine ; bad shihún ruh kiba nang kham pynsngewphylla shuh shuh. Ngi la iasah kumba ar bnai ha ka sorbah New York. Ym don ei-ei na kano kano kaba da donkam ia kaba la jia. Nga la iaid lyngér kumno-re kylleng kylleng ki surok bah, man katba nga ioh ka kabu ban leh kumta,—tad ynda ngi la iamih leit noh sha ka pharm ba ha ka distrik Oneida, ban rung ha kawei pat ka jait kam ha ka jingim ba la kylla ka jong nga. Nga la sngewbha shikatdei eh bad ka jingiohi ba ha ka Wahbah Hudson, kaba la palat liam ban ia kano kano ba nga la ju iohi mynshuwa. Ngam pat shym long u nongiaid-lynti bakhraw, ngam pat shym la don arphew

mail na la iing—lait noh ka jingshongkulai ba
sah jingkyndaw sha Maidstone bad ka jingphai
kylla pat ; bæ l kane kan long jingaidaw katto
katne na ka bynta ka jingai jingbatai bashitrhem
jong nga ha ki shithi ba nga la thoh sha iing.

Nga khein ka long kaba bha hangne ban
buh katto katne ki bynta balyngkot na ki
shithi ba la iohpdian na iing, bad ki jingshim
lyngkhot lyngkhot na ki shithi jong nga hi, ba
la thoh hamar ki ar snem jong ka jingshem
thymmai jong nga. Nga sngewkwah ban ai
jingmut katto katne shaphang ka longbriew
manbriew i mei baicit jong nga, kumba la pyni
ha ki shithi jong i sha la u khún jong i, bad
ruh ban ai ia ki jingsngew shoh jingmut ba
dang nyngkong jong nga shaphang ka Pyrtnei
Thymmai, bad ka jingim thymmai ha kaba nga
la rung.

Ka jingshim lyngkhot lyngkhot na ka shithi
jong i mei jong nga, ba la buh tarik Lber,
1830 :—

“I pa jong phi i sngewkwah ia nga ban ong
sha phi mynta, ba ka long ka jingsngewkwah ba-
kyrpang jong i ba phin nym teh ia lade hi da
kano kano shuh ka jingiateh sha la u kynrad
jong phi, lane la iano iano uwei pat, tad ynda
phi la iasylla syllep lang bad i ha kata ka bynta
da ka shithi, bad ba phi la ioh jubab na i ;
hynrei ka long ka jingsngewkwah shitrhem jong

ngi ia phi, ko khún baieit jong nga, ba phin ïai leh don-akor barobor sha la u kynrad bad ka kynrad jong phi da ka jingsngewshaniah bakhraw tam, ka jingleh minot bad ka jingsngewburom. Minot bniah ïa ka jingpynsuk ïa u, bad pyrshang ban pynneh ïa ka jingsngewïoh jingmyntoi jong u da ka lad baroh katba shong ha ka bor jong phi. Ka dei ka kamram bad ka jingïóh ,jingmyntoi jong phi ban leh kumta ; bad ym don jingteh jingkhúm ka ban teh ban khúm skhem katta katta kum kito ki jong ka jingsngewieit bad jingsngewnguh.

“Nga sngewkwah, baieit jong nga, ynda phi thoh biang, ba phin shah ïa nga ban tip la phi la spel lyndet kano kano na ki lynnong ba nga la kdew ha phi ha ka shithi ba nga la thep hapdeng ki jaiñ sopti jong phi. Phin shem ïa ki ka jingmyntoi bakhraw ïa phi; khamtam eh, lada phi dei trei kam ha ki madan lyngkha, ha kaba lehse phin long búnsien tang marwei hi. Nangta phin shem ïa ka ka jingpynleit jingmut basngewtynnat bad basngewïoh jingmyntói ïa ki jingmut jingpyrkhat jong phi, ban lah ban ïai spel sha lade hi ïa ki dkhót na ka Ktien u Blei. Nga kren na la ka jingshem, baieit jong nga. Nga la ju pynïaid sngewtynnat búnsien ïa ka por jong ka jingtrei shitom jong nga, da kaba ïai spel ha lade hi ïa ka dkhót na ka Jingthoh Bakhuid ; bad nga lah mynta ban kynmaw bha tam ïa kito kiba nga la nang ïa ki shuwa ba ngan dap kat ka rta ka jong phi.

“Nga thrang ban tip, baieit jong nga, kumno phi ïaid lyngba ka tlang bajur ; ka la khriat jur eh hangne. Hynrei nga tharai phin shem ïa ka lyiur kaba shit kat kaba phi shem ïa ka tlang kaba khriat. Ngin sngewsuk mynsiem ban iohsngew na phi búnsien búnwat katba ka bit ka biang ïa phi ïa ka ban thoh sha ngi.

“Khún baieit tam jong nga, nga dei ban kren khublei ïa phi hangne. To u Trai Kynrad un kyrkhu ïa phi bad un ri ïa phi ha ki lynti jong phi baroh ! — long ka jingdwai shitrhem mynsiem jong ka kmic baieit ka jong phi.

“JANE GOUGH”

Na ka shithi kaba 2 tarik u Iaiong, 1831 :—

“Nga kyrmen, baieit jong nga, phi shait phi khiah bha ha ka met ka phad bad ka mynsiem kumjuh. Nga kren skhem ha phi, ngi baroh ngi ïakynmaw ïa phi da ka jingieit ka bam duna ; bad ka khyndai tarik jong man la u bnai ka wallam jur ha ka jingmut jingpyrkhat jong nga ïa ka por ha kaba nga ïakhlad bad phi ; bad nga kyrmen, lada ka long ka mon u Trai Kynrad, ba ngin ïashem biang pat sa shisien ha kane ka pyrthei, lada ïa ki jingim jong ngi yn ripynim. Phi la leit mynta lajan ar snem, bad ka por kan sa shu ïaid stet noh.

“I pa jong phi i la sngewbha ba phi la pynshitom ban thoh ka shithi khatduh bha

katta katta. I kwah ìa phi ban pynmlien kaba thoh man kat haba phi ìoh ka lad ban leh kumta ; bad ruh shaphang kaba khein ba diah jong phi ; ba ka lah ban long kaba myntóì shikatdei eh ìa phi ha ka jingim lawei laar jong phi.

“Nga kyrmen, khún baieit jong nga, phi dang wad shitrhem mynsiem ìa kawei kaei kaei kaba donkam. Phi tip, u Trai u la ong — ìa kita kiba wad kin sa shem ? Ka long, ko khún baieit jong nga, ka jingkwah shitrhem mynsiem bajur eh jong baroh ar ngut na ngi ki kmie ki kpa, ba phi lah ha ka jingim ba dang khynnah samla jong phi ba phin aiti ìa lade sha u Trai ; ba phi lah ban long u Shakri u jong U — shakri ìa U : bad kumta, ko khún baieit jong nga, ìai sah jan sha ka Baibl jong phi. Man ba phi ìoh ka kabu ban pule ìa ka, ñiewkor ìa ka hajrong kiwei kiwei ki kot baroh ; bad to u Trai un pynlah ìa phi kumta ban pule bad ban sngewthuh ìa ka, ba phi lah ban kylla long u bastad sha ka jingim ba bamjukut.

“Bad nga kyrmen ba phin nym khein sting ìa ka jingdwai rieh. ‘Pán, te phin sa ìoh-pdiang,’—ka long ka kular badap jingaiei tam ; bad Uta uba la kren ìa kata, Un pyndep ìa ka. To u Trai un dá un ker bad un ri un sumar ìa phi ha ki lynti jong U baroh, bad un wallam ìa phi khatduh khatwai sha la ka hima bakynja bneng jong U ! Khublei, khún baieit jong nga. To u Trai un kyrkhu, un ri un

sumar, bad ri-pynim ia phi bad ia i sumar ia phi
ha ki lynti jong U baroh ! — long ka jingdwai
jong ka kmie ba ia i ieit lynter jong phi.

“JANE GOUGH”.

Ka jingshim lyngkot na ka shithi ba la
thoh da nga katto katne taiew hadien ka jing-
wanpoi jong nga ha Amerika :—

“Ha ka 17 tarik u Naitung, katba nga la
dang khmih wad ia ‘ka Jingkiew bad Jing-
roi u Doddridge,’ nga la lap ia kata ka shithi
baieit ia kaba i mei baieit jong nga i thep
ha kawei na ki soptipoh jong nga. Ngam
man lah satia ban pule ia ka slem slem por, bad
ngam lah tad haduh ynda nga theh ki ummat
babún bah jong nga ; hynrei ngan ri kyndong
ia ka kum ka jingkynshew bakyrpang, ba don
shibún bah kiei kiei ki ban long ka jing-
myntói bakhraw ia nga mynta, kumjuh ruh
ia kaba hadien habud. O, katba nga la nang
dem thiah ba la kynting shane shatai halor
ka duriaw bah baïar, nga la pyrkhat sha-
phang i mei bapli jong nga, bad katno da
kaba sngewsih eh nga la leh ia i, kumjuh ruh
ia i pa baieit jong nga ; bad nga la pyrkhat, ban
da nga la don ha iing, katno da kaba sngew-
shngaiñ mynsiem ngan jin da la iatrei kam
na ka bynta jong i, bad ban nym khūium nym
ktuk, bad ban nym iaïd da ki jingjám bam mon

sat kumba nga la ju ïai leh. Hynrei nga kyrmen, pa bad mei baieit jong nga, ba phin ïamáp ïa baroh kaba la dep.

“Pa mei baieit jong nga, ha ka Sngi u Blei, ka 2 tarik jong u Nailar, ngi la dang ïakhmih kai shabár ïa ki sharak ba ha ka Sandy Hook—da kata ka jait jingsngewhéer mynsiem da kaba i pa baieit jong nga i tip bha — hadien ba ngi la ïadon sanphewlai sngi ha duriaw ; hynrei ngim ïalah ïohi ryngkew — tad haduh 3 tarik, kat ka por mih ka sngi. Ngi la nang ïashur shajan shi shajan, bad ka lyer hir-hir bapyngngad, kaba la wallam ïa ngi sha Sandy Hook kumba khatar baje, ha kaba u nongkinglieng u la wan kiew jhad. Ha kaba shibaje prem-miet ngi la ïapoi ha ka Dewlynnong Staten, ha kaba u doktor u la wan kiew halor madan jhad bad eksamin ïa rgi ; kumjuh ruh u nongshonkot, ban shim jingthoh shaphang ka jingïaidlynti duriaw jong ngi. Kumba lai baje prem-miet ngi la ïapoi ha New York, ter ter.

“J. B. GOUGH.”

Kawei ka shithi nga la thoh, kaba búh tarik na Pharm Sandgate, Westmoreland, Kyl-lalyngkot 26, 1829 :—

“Ko i Mei i Pa Baieit Basngewburom,—Ba nga lap ka kabu ban thoh sha phi, ngan pyrsiang ban pynroi ïa kata da kaba ai jingbatai

nyngkong nyngshaḅ eh sha phi ïa ka jingleit-lynti jong ngi na New York, sha kane ka jaka, kaba long ka Pharm basngewsuk kynjai eh, kumba khatar mail na Utica.

“Ha ka 30 tarik u Nailar ngi la ïamih ban iehnoh ïa ka New York ban leit sha Albany, ha kaba ngi la ïahiar arsut sha ka lieng-jynhaw-tdem, bad ha ka por san baje por nohphaisngi jong ka Sngi Saitjaiñ, ngi la ïa mih noh, bad ngi la ïadon kaba kum kata ka jingïohi ba ikhaiñ sat baroh shilynter lynti artet ka wahbah Hudson, ïa kaba ngam lah batai ha phi. Ka long sha ba palat ka jingai jingbatai. Ngi la ïohi ïa ki lúmrit baheh ba da u mawsiang tylli, bad ki dieng kseh bad kseh Bilat kiba mih napdeng ki jingang bad jingpdang mawsiang. Ha ka sngi ka babúd ngi la wanpoi ha ki Lúmbah Riat-noh-miaw (Catskill) bad Alleghany, kiba la palat liam ïa baroh kat kiba ngi la leit ïohi mynshuwa ; hynrei pynban ngi la ïaïohi ei-ei ba nang kham ikhaiñ shuh shuh ïa ka ban leit jia ïohi. Kumba hynriew baje ngi la ïapoi ha Albany, ka sorbah baheh bad ba-itynnat. Ha ka Lah sngi u Blei ngi la ïapynmih shabár ïa la ki jingkit jingbah jong ngi na ka lieng-jynhaw-tdem sha ka lieng-phud-um, ha kaba ngi la ïasah ha Albany haduh saw baje, bad nangta ngi la ïamih ban leit sha Utica. Ngi la ïashongsuk kynjai halor madan lieng tad haduh por sepsngi. Suki-pa-suki, ngi la ïawan mih lyngba ki jyngkhang tala, ïa kiba nga tharai

phi tip la rah iā ngi bún bah phut. Nangta ngi la iāleit hiar ban thiah noh. Baroh ngi la iāthiah suk kynjai, lait noh ka Sarah, iā kaba la pynwit pynthut da ka jingsawa jong ki um kiba shop kyntur shapoh ki jyngkhang tala—naba ngi la iāāid lait bún bah na kita hapteng Albany bad Schenectady Kawei kaei kaei kaba nyngkong eh ba shoh bad ring iā ka jingpynleit jingmut jong ngi ha kane ka por step ka la long ka Wahbah Mohawk, kaba tuid na krung na krung jong ngi. Ka long ka wahbah baiar bad bajyndon. Kumba khatwei baje ngi la iāryngkang sha shiliang ka Mohawk, najrong kawei ka jyngkieng iāid um, bad la iāleit mih ryngkew ban iōh katto katne ki soh apyl. (Ha kane ka ri ki briew ki lah ban leit sha ka kpér soh bad kheit soh apyl katba ki lah ban bām.)

“Ym don ei-ei basngewmet ban iāthuh ba la jia tad haduh kawei pat ka sngi. Haba ngi la iāpoi ha ki Kshaid Rit, ka jingīohi ka la long kaba kham iphuh iphieng ban iā kano kano ba ngi la lah iōhi mynshuwa. Iā ka nongrit la tei halor u mawsiang tylli. Ka long ka bam myntōi iā nga iā ka ban ai jingbatai iā kata ha phi, namar ka long palat than iā ka bor jong nga ban leh iā kata. Ngā da ngeit kein ba ka Bilat kam lah ban iākob ka jingīohi kaba kat kata—jar ong nga ieit katba nga ieit iā la ka ri ba la kha la long iā nga. Phim lah kot jingmut jingpyrkhat shaphang ka jingīohi ba i-rngai ba

baroh sawdong, lymda phi don da lade hi
 hangne ban iohi. Ngi la iapoi ha Utica por shi-
 teng synñia; hynrei ngim shym ialeit kiew ryng-
 kew tad haduh ka Sngi Palei. Ngi la ialeit shong-
 iingbasa ha ka iing uwei u briew, uba kyrteng
 u Brown, ha ka Surok bah Bleeker, ha ka dor
 7 dolar shibnai; hynrei ngi la iehnoh ia ka
 ynda ngi la iasah hangta lai taiew, bad ngi la
 iawan poi sha ka pharm kaba u kynrad u la
 thied. Ka kali-kit-mar jong ngi ka la wan poi
 bad wanshaw ia ngi shata. Ka pharm ka long
 kaba sngewsuk kynjai, kaba don shispah saw
 akar ka dew-pháng-pháng, bad sanphew akar
 ka dewkhlaw bad ka brisoh ba-itynnat ba bad
 ka kpér, ka iingshong kaba sngewsuk kynjai,
 ha kaba ngi iashong iasah, bad kawei ka sem-
 dieng ba-itynnat. Don ruh kawei ka iing-kpér,
 kawei ka kali-kit-már bad ka sem-buh-kali
 pynsyntuid, lai tvlli ki sem sniang, kawei ka
 iingbuh thiar, ka sem kulai, ar tylli ki iingbuh-
 kba, ar tylli ki sem masi, kawei ka iing-
 thang-ñiut, bad ka kor-kynshait-um babha.
 Kaba ngi don baroh ka kynthup ia ki lai tylli ki
 masi kynthei—hynrei u kynrad u ong ban
 pynñoh khatphra ne arphew tylli ha ka lyiur;
 ar tylli ki kulai, lai tylli ki niang-jawa ba la
 pynsgaid, hynñiew tylli ki niang-khún, san-
 phew tylli ki langbrot, uwei u masi-kyrtong,
 bad iwei i khún-masi. Nga sngewtynnat kaba
 ñiah ia ka shihar ki jygri la jong kylleng
 kylleng. Ka shihar ha kane ka ri ka long
 ar tylli ki kulai. Ka kali-kit-már jong ngi

kam khia wat shiteng na kaba long ka kali Bilat. Ia ki kulai la bsuh kumba bsuh ia ki ha ka kali ba ring shijur ki kulai. Nga sngew-tynnāt shibún eh kaba ñiah kylleng kylleng ha kane ka rukom. Nga la don ha Clinton saw wat naduh ba nga la poi hangne, ka jingjingai kaba kumba lai mail na ka pharm jong ngi; bad sha Manchester, kumba lai mail. Nga la shongkulai halor ingdong kulai ar wat sha Manchester, bad sha Clinton shisien; hynrei nga la don ha Clinton laisien bad la ka kali-kit-már jong ngi.

“Nga da pyrkhat eh hi kein, mei pa baieit, shaphang la ka iing ka sem da kə dohnud bakhia búnsien eh; hynrei nga da pyrshang ban pyrkhih im la ki jingsngur mynsiem jong nga. Nga da kyrmen sngur mynsiem ba ngan dang iakynduh biang ha kane ka pyrthei; hynrei lada kam long ka mon bakhuid u Kynrad, nga kyrmen ngin sa iakynduh ha Bneng, ha kaba ym don jingĩakhlad shuh. Nga sngewsih ban pyntip ia phi ba ngam lah ban iaháp jingmut bad ka jingkwah jong phi, namar ba ym don Skul Pynpaw ba hajan jong ngi, lymne kano kano ka jaka mane Methodist kham jan ban ia ka Pdeng Vernon, kumba ar mail, lait sa tang shisien shibnai ba don ka jingĩalap niam ha ka iing bamarsyndah. Hynrei don ki iingmane Baptist bad Presbyterian kham hajan; hynrei nga shait leit jingĩaseng ha ka Pdeng Vernon.

“Ngi sngewsih eh ban iöhsngew ba phi iöhs
 ka lyür basniew. Ngi don ki jingkylla kiba
 kynsan eh ha ka jingkylla ka suinbneng;
 hynnin ka sngi ngi la iatrei kiba la ialoit
 lyngboit haduh ka soptipoh, la ka long u
 Nái Kyllalyngkot; bad mynta ka sngi ngi
 iaiöhs ka jingháp iör kaba jur. Ngi la dang
 iaiñiah la ki masi-dab jong ngi, ngi da iawad
 diengiäp, ba u kynrad u la thied shihar ki
 masi-dab myn ha kawei ka sngi; nga dang leit
 hikai ban ñiah ia ki. Ka long ‘ho bad hi’ hangne,
 ha ka jaka ban ong ‘sho bad shu’ kumba long
 ha ka ri Rim jong ngi. Iathuh ia ka Mrs Bettie
 ba ngan nym lah klet ia ka jinglehsbun jong ka
 ia nga, ha kaba phah ia u pu-sying bad dud.
 Nga kyrmen ba lymne ma ka ne u Mr Bettie,
 lymne ki khün kin jia kyrduh kano kano kaba
 bha ha ka pyrthei; bad ba ki lah baroh ban
 poi suk poi sain khatduh khatwai ha ka burom.

“Mei baieit, ngam lah ban ai ia ka
 Mrs Brown ia ka jingai jingbatai bapura
 shaphang ka Amerika, hynrei ngan pyrshang
 ban ai ia ka, bad ia phi, ki kmie ki kpa baieit
 jong nga, khyndiat khynsoit ki jingiathuhbniah.
 Nyngkong nyngshab eh, don shibün bah ka
 kam ia ki briew ia ka ban leh; bad lada kin
 tang shu trei, ki lah ban im ka jingim basngew-
 suk kynjai. Ka baar pat, don kyrhai ka
 diengiäp ia ka tlang; ar tyngka dolar shikhúm
 na ka bynta ka diengiäp kaba sawphut. Kane
 ka tyngka ka long thik marshiteng ia ka tyngka

jong ngi. U kynrad u ong ba u sngewkwah
 ba katto katne na ka diengiap kaba don saphret
 saphrong kan don noh ha shakiar iing jong phi.
 Don diengiap kaba don kylleng kylleng ka
 pharm kat ban biang ban pyndap dieng ia ki
 spah iing ; ki dyngkhong dieng bad ki dieng
 ki iadon kylleng sawdong ki khlaw, ia kiba kim
 salia ban thang ding, namar ba kim shim lait
 tang ki dieng bha ban thang. Kim ju pyrkhat
 ia ka ban phut ne kynjut ia ki dyngkhong dieng
 haba la khet dieng, hynrei kin shah ia ki ba
 kin shu ieng sah bad ba kin sa shu pyut hi
 kumto. Ka balai, ki jingbám jingsa ki long
 kiba tat eh. U kpu u long shi shiling shi gallon;
 6 pen da ka tyngka jong phi ; ka dohmasi,
 na ka 1½ penny sha ka 2 penny shiteng ser ;
 ka dohsniang 1½ penny shiteng ser. Ki bret
 noh ia ki snier ki snap sniang ; bad phi lah
 ban thied ia ki kjat bad shkor sniang da ka
 shang. Ki masi shohdoh ki long kiba tat eh.
 Phi lah ban ioh kawei ka masi bha na ka bynta
 12 tyngka da ka dolar ha ka por pyrem, bad
 naduh 12 dolar sha ka 15 dolar pat ha ka por
 thnem-dor ; kawei ka syiar bha lane ka 'iar-lud
 na ka 4 sha ka 6 penny (kumba shipiah paisa) ;
 ki radha bad piru, shi shiling da ka tyngka
 jong phi.

“Nga shem nga dei ban pynkut noh, nga
 da kyrpad ia phi ban ai ia ka jingieit jong nga
 sha u Mr bad ka Mrs Valyer bad kiba ha iing

ha sem, bad ia baroh ki lok ki jor kiba iakylli. Ruh pdiang, ko mei ko pa baieit, ia man la ka jingsngewkwah babha jong nga bad ia ka jingieit sngur jong nga. Nga la khmihlynti ban ioh tói ka shithi kaba kham jrong, bad katto katne ki lain na i pa baieit jong nga. Nga thrang ban iohi ia ki dak jong i biang sa shisien.

Nga long, mei pa baieit, u khún ba iai sngewieit lynter jong phi hi,

“J. B. GOUGH.”

Ka jingshim lyngkot na kawei pat ka shithi :—

“Nga la pynsngewmuja bad la ka jingsngewkoit sngewkhiah bad ka jingsngewim mynsiem shibún bah naduh ba nga la don hangne. Nga la nang bún bah kiei kiei. Nga lah ban lúr lyngkor, ban shoh-kba, ban thung ban tep bad tih mohkhiew, ban thung phan, ban shna um-soh, bad ban leh bún bah kiei kiei ba ngam ju la tip mynshuwa. Nga la don ha ka jingtrud khyndew bad ki masi-dab, mynba nga la iohsngew ba la don katto katne ki shithi na ka bynta jong nga ; bad shen-shen hadien, ka Elisabet ka la wallam ia ka song shithi sha nga ha lyngkha. Hynrei ngam man lah trei shuh baroh shisngi ba kmen. Nga iasngewtynnat shikatdei eh bad ki Yangki. Ki long kiba kren phak-phak, laitluid, bad bahur-hur mynsiem. Ki pyndonkam búnsien eh ka ktien ‘tharai.’

Kumta, lada ki mut ong 'Nga leit sha jingiaseng,' kin ong noh, 'Nga tharai nga leit sha jingiaseng.'

"Hynnin ka sngi nga la leit sha ka jir.giaseng ba ha madan, ia kaba la pynlong shisien shisnem da ki kynhún ialang baiapher jong ki Methodist. La shait pynlong ha kano-re-kano na ki khlaw. Haba ngi la iapoi ha ka jingiaseng kaba shapoh khlaw, ha kaba la pynlong ia kane ka jingiaseng, ngi la iohsngew ia ka jingsawa baiakren haw-haw ; hynrei kawei kaei kaei kaba nyngkong nyngshab kaba la shoh bad ring ia ka jingmut jingpyrkhat jong ngi ka la long ka jingbún bah ki iingjaiñ lane ki iingdara, kum kito ba pyndonkam ha ki iew ki hat. Kawei pat, ka la long ka jingsawa jong ka jingdwai na man ki dong. Kumba khatsan ngut ki iadwai jam ha u Blei ha kajuh ka por, ha ki kynhún dwai baiapher, kiba kynthup kumba khatsaw khatsan ngut rangbah briew bad kynthei briew lang hajuh, bad kawei ka dienglyngkot ban pyniakhlad ia ki shynrang na ki kynthei. Ynda ngi la iadon hangta kumba shikynta shiteng, ka turoi ka la sawa na ka bynta ka jingialap ha ka jaka madan. Ka jingdon ka la long ryntih hapdeng san bad hynñiew hajar briew.

"Hadien ka jingialap, ia ki jingiaseng dwai la pynlong kumba ar kynta ha ki iingjaiñ. Ha ka por dang ieng bha ka sngi, nga la leit khmih

ia ka iingdara ki India, ha kaba nga la iohi ia ki parabangeit saw-snieh-doh ba ki iadwai bad iakhot kyrpad ia u Blei. Nga la iohi ruh ia ki ba ki kyllon khrup ha khyndew, bad ki dem dwai hangta kumba shikynta shikynta tam ei-ei, ki da i kum kiba khlem jingim.

“Sa shisien pat, hadien ka bam jamiet, ka turoi ka la sawa na ka bynta ka jingialap ; bad biang ki la ialum lang baroh ha khmat ka jaka iengialap ban sngap ia ka jingialap. Ka rukom jong ka jingiaseng ka long, ba haba ka turoi ka sawa mynstep ha ka por mihsngi ka dei ia ki ban khie joit ; haba ka sawa ha ka jaka ieng, ka dei ia ka jingiadwai iing ; haba ka sawa biang ha ka jaka-ieng, ka dei ia ka jingialap. Ki shynrang bad ki kynthei ki shong khlad ha ka jingiaseng, ki rangbah ha kawei ka liang, bad ki kynthei ha kawei pat. Ka jingiaseng ka neh kumba san sngi, bad ha kaba wai jong kane ka jingiaseng la don sawphewsan ngut ba la kyrsiew.

“J. B. GOUGH.”



LYNNONG IV

NGI la ìaleit sha ka phárm ba ha ka District Oneida, ha kaba nga la sah ar snem, ha kata ka por ym pat ju la phah ìa nga sha kano kano ka skul Sngi u Blei ne Pohia. Nga la sngew khia mynsiem shibún ìa kane, jait ba nga la don ka jingthrang bajur ban nang lum jingtip. Ba sngewthait ìa ka jingim bam sngew myntói kum kata, bad ba ìohi ruh ba ym i-don lad don lynti ìa nga ìa ka ban shah hikai, ban pynìoh la ka kam ka duk, nga la die la ka shaku na ka bynta ban ìohsiew bai stamp ìa ka shithi sha i pa jong nga, ha kaba nga la pán bor na i ban leit noh sha New York bad ban hikai trei-kam trei-jam. Nga la shu phah tuh ìa kane ka shithi ; namar, haduh kane ka por, ìa ki shithi jong nga baroh kiba sha ìing la ju da pule da ki nongsumar jong nga shuwa ba yn phah ìa ki, bad ngam kwah ba kin ìalulia lusha ha kane ka kam. Ha ka por babiang nga la ìohpdiang ka jubab ìa ka shithi jong nga. I pa jong nga i la ong ba nga la biang ìta mynta ìa ka ban bishar hi ìa lade. Nga lah ban leh kat kum ki jingkyntu jong ka jingbishar la jong hi.

Nga la sngewbha la keinnoh hi kein ba nga la lak ban bat kynti ìa la ka nusip la jong ha la ki jong ki kti, kum ban ong noh ; bad ha ka

12 tarik u Kyllalyngkot, 1831, nga la mih noh
 na ka Distrik Oneida ban leit sha ka sorbah
 thymmai New York. Lah ban mutdur da
 kaba jem eh, ba nga la iehnoh la ka kam ka
 jam da ka jingsngewbabe mynsiem kaba khyn-
 diat eh ; naba, lada ki katto katne na kiba ha
 iing ha sem jong nga ki la leh ia nga da kaba
 pyrkhath bha lem bad ka jinglehsbun, pynban
 na kito na kiba nga la khmihlynti kumba dei
 ban long na ka bynta ka jingai jingsuk bad
 jingtngen, nga la ioh ka jingleh kaba iapher
 bak-ly-bak na kato na kaba la peit khmihlynti
 da i pa jong nga, ha kaba i la buh shaniah ia
 nga ha ka jingsumar jong ki. Hangne nga
 kyrpad ban pynlong ka kynja jingkynthoh,
 kaba la niew ba ka long kaba donkam ha kaba
 la ong ba nga iengpli ia ka iing ka sem kum
 uba pynsyrrwa bad babuaid tanglang. Kaba
 kum kane ka jingrah ktien ym ju la pynlong
 mynno mynno da nga ha kano kano ka por,
 ne ka jaka ; lymne la ju don ka nongrim ia
 kaba kum kata ka jingpynsawa ktien. Ia ka
 iad-um bad umsoh apyl la pyndonkam da kiba
 ha iing ha sem, hynrei ym jyndei. Ha ka
 jingkren said-da basngur mynsiem nga pynlong
 ia kane ka jingiathuh-ktien. Ngan nym da
 la kdew sha kane ka bynta, ban nym dei ba u
 riewmushlia ha na ka sorbah New York u la
 pyntrei smat ia lade hi shaphang ki kam ki jam
 jong nga, u kren pynsniew ia ka jinglong
 shisha jong nga bad u kynnoh ha nga ia ki

jingthmu ia kiba ngam ju la bub jingmut
mynno mynno.

Katba nga dang iadon bad ka iing ka sem
ba nga la dang shu kdew, ka ribaibal niam ka
la wan jia ha ki rud ki kiar jong ngi. Ia ka
jingmut jingpyrkhat jong nga la shon jur, bad
la pynrung long dkhoh ia nga, kum ka jingpyr-
shang, ha ka Balang Episcopal Methodist.

Ha ka jingleit poi jong nga ha New York
nga la don tang shiteng dollar ha ka pla sopti
jong nga ; bad baroh ki mar ki mata ba nga la
iohkynti ha ka pyrthei ki kynthup lut ha ka
synduk rit ba da ka tin ia kaba nga iai rah.
Nga la ieng ha ka kjat jong ka Surok Cortlandt,
hadien ba nga la iehnoh ia ka lieng. Da ki
spah ki briew ki iaiaid bün kam da ki kjat
smat, khlem peit salia ia nga ; bad nga la sngew
tmang shisha shisha. Hynrei hapdeng kata
baroh ka jingsngewtmang sngewkynjah jong
nga, ki jingshoh jingmut niam ba nga la dang
shu kdew—bad khamtam shuh shuh da kito
kiba nga la ioh kyliang na ki jingbthah jing-
bthing ba nga ioh na i mei baieit jong nga—ki
la pashat katto katne ki kjat sngi jong ka
jingsngewtngen mynsiem, kiba shat thaba
lyngba ka jingsngewdum mynsiem. Katba nga
la dang ieng, nga da puson shano ngan pyndem
ia ki jingjam kjat jong nga, uwei u briew u la
wan haduh ha nga, bad u la kylli shano un

pynrah ia ka synduk tin jong nga. Ynda hangta, da shisha, ka jingsngewshah iehnoh bajur ia nga ka la wan lap ia nga, bad ñiar eh ba ngan kÿnmaw mynno mynno ba ngan shem ka jingsngewkthang mynsiem ba kham palat ban ia kaba ha kata ka kynti. Mutdur hi ia nga, ko nongpule, u khynnah uba dang khatsaw snem ka rta, u nongwei, ha ka sorbah baphylla ; bad khlem mano mano ban btin lynti ia nga, mano mano ban ai buit ai' sylla, bad khlem kawei ruh ka mynsiem ban ieit, ne ba ngan ieit kylla. Hangta nga la don, lai hajar mail bak-ly-bak na la iing la sem bad na la ki lok ki jor ; u "riewiaidwir ha ka jingatphyllung ka jingim," ba marwei lngang hapdeng ki hajar, bad da ka dohnud kaba pang mynsiem hir-hir ia ka jingsngewlem ba leh sbun, hynrei ban nym lap iano iano. Katba nga la nang puson duriap ha la ki kupar la jong, baroh shisyndon ka dkhot harum ka la wan rung ha ka jingmut jingpyrkhat jong nga, bad ka la ai jingpyntngen ia nga : "To shaniah ha u Trai, bad leh ia kaba bha : kumta ba men ioh shong ha ka ri, bad da shisha yn sa bsa bâm ia me." (Salm xxxvii : 3).

Da kaba bah la ka synduk tin ha la ka tyrpeng, nga la rung ia ka sorbah : bad ynda nga la iehnoh ban aiti la ka jingkit jingbah jong nga ha uwei u briew, nga la leit sha ka Brown Jug, ka iingshong paidbah ba ha ka Surok bah Paila (Pearl Street) ; ha kata ka jaka nga la sah haduh ka step Lah Sngi u Blei ka babúd, ha kaba la ai jingthoh iaroh ia nga ban pán kam

na u Mr Dando ba la ñiewburom, uba la long
 te u ejen jong ka "Christian Advocate and
 Journal." Ha une u rangbah nga la iathuh la
 ka jingshem la jong ; ynda haba u la iohsngew
 ia kata, u la ialeit bad nga sha ka Methodist
 Book Concern (kaba la don ha kata ka por ha
 ka Surok bah Crossby), ha kaba ynda la iakren
 iakhana katto katne, la iapynbeit ba ngan
 leit hajir ha ka Sngi Balang ka babád, kum
 u khynnah rah khubor, bad ban hikai ka kam
 suh-kot ; na ka bynta ki jingtrei jong nga nga
 dei ban iohpdiang ar dollar bad arphewsan 'cent'
 shitaiew, bad ban sa shet sa tieu hi ia lade.
 U Mr. Dando u la ai shithi iaroh ia nga kum
 u nongbambnai sha ka Mrs M—. ba ha ka
 William Street, ha ka dor ar dollar shitaiew ;
 bad la ka tat ha ka jingiakut-ktien, ki nongpule
 kin iaháp jingmut bad nga kumne kumne ha
 kaba pyrkhat ba ka la bún than ban kren na
 ka liang ka jingai jaka shong jaka sah ia
 nga. Da ka jingsngewlyngngoh ia nga, nga la
 shem, ba haba ka por pynjahthait ka la poi,
 ba nga la dei ban thiah lang kawei ka jyingthiah
 bad uwei uba na Ireland, uba la thiah pang
 jur eh na ka khieshoh bad ka jingkhynñiuh-rih.
 Uta u lok bapli u la iathuh ia nga ia la ka
 jingshem la jong bamynshuwa jong u ; bad
 nga la lap ia ka jingshisha jong ka jingong ba
 "ka jingduk ka pynithuh ithaw ia ngi bad ki
 lok nongwei ba iathiah lang." U la wan phet
 shnong sha Amerika, la kynrup da ka jingpang
 ia kaba nga la iathuh, bad mynta u la long

khlem paisa-tyngka ha ka met, hynrei man ka sngi u da don ha ka jingkhmihlynti ban iohpdiang ei-ei na la ki lok ki jor jong u. U paralok jong nga u la khynñiuh jur, bad um shym lah thiah lah dem baroh shimiet, haduh ba la pynwit pynjynjar sat ia nga ; bad ha ka sngi ka babúd nga la iathuh ia ka trai khyndew ba ngan nym lah kein ban iathiah ha kajuh ka jyngthiah sa shisien pat bad une uba na Ireland. Kumta de, ha ka miet ka babúd ka la pynlong ia nga kawei ka jaka thiah ba sngewjynjar, ha kajuh ka kamra, hapoh ki shan-khung. Ka la long kaba eh bha, bad ia kaei ba la khot ka jyngthiah tyr-a tylli ; bad la buh pynjynjar sat katta katta, ba man ba nga knér la ka kti jong nga ban tán nep ia kaba la shu ai khlen. dap bha, ki shynriahti jong nga kin iakynduh bad ki snúr thapbawa babit thit pneij-pneij—ka jait khñiang ia kaba naduh dang khynnah khúnlung (bad haduh mynta hi) nga don kata ka jingsngewsaitmet bam lah batai hynrei kaba suh-thied jylliew bha. Ba la thait-ian kumba nga la long, na ka jingduh thiah ha ka miet bamynshuwa, shen-shen nga la shoh samthiah noh ha ka jyngthiah, tói ka bam suk satia jong nga ; hynrei ha ka por ba la miet bha ngain, ki jingud ba sngewngiew ba la pynmih da u paralok baiathiah pang jong nga ki la pynkyndit thret ia nga. Nga la kyndit thret bad lap, ha ka jingsngewlyngngoh ngain jong nga, ba uta u lok u la khie ieng joit. Nga la hér mynsiem her ka bam don pyrthei shuh,

khamtam shuh shuh haba u la ai jingtip ia nga ba u sheptieng un sa iap noh. Nga la kyrpad ia u ban shah ia nga ban khot nong-iarap ; hynrei u la khang ding-ding dang-dang ia nga, bad nangta u la leit bad shong ha ka rud jyngthiah. Bad mynno mynno ngam pat ju la iohsngew kiba kum kita ki jingkyang basngewkordit khop babthei na ki rymmiang shyntur jong uta u briew ba ha tmier ka jingiap, katba u la nang khot, da ka jingsngewshitrhem mynsiem basngewshyrkhei, ha u Khrist ban pyllait im ia u, bad ha u Blei ban sngewsynei ia u. U imat syier ban tip ia ka kynta. Nga la iathuh ia u nga tharai ka la sa ban step, namar ba u syiar u la kynih. Hadien katto katne shuh shuh ki jingud bajam, kynsan kynsan u la kyllon kram-ram-ram halor jyngthiah. Nga la iohsngew ka jingsawa ud bakhor-khor pdot bad ba kyriat bniat ; bad nangta jar kynjah. Nga la shu sngewthuh ba u briew u la iap, la ngam lah ban iohi ia u ; bad nga la tip ba nga don marwei hi bad u Jingiap, kaba nyngkong tam ha ka jingim jong nga.

O, katno suki jai ba ki kam jaituh ki kjat kynta ha kata ka step haduh ban da shai pher ! Bad, haba ka jingshet jyngshai bangut-nget ka iaksaid ban prong lynti lyngba ka jyngkhangit barit ba ha tnúm iing, bad suki-pa-suki ka da pynpaw ia ki kynroh bad ki jyngbuh jyngsat na kaba kah dum, hangta la thiah u baiap da

lyndang, ka shyntur jong u kaba ang-sah shahub bad ki khmat marbl kiba la peit mat-lieh, hynrei kiba peit-seh paklew tang kumba peit ki khmat myniap. Da ka jingpyrshang dohiap, nga la khie joit na la ka jyingthiah, la lum la lang la ki jaiñ ki nep ha ka jyngsong, nga la riam ia lade shabar ka jyngkhang jong ka kamra, bad la kyrsiew ia ka kynthei jong ka iing. Ka la pdiang ia ka jingai jingtip jong nga da ka jingileh kynjai mynsiem i kumba u Jingiap u la wanjngoh kai ha ka iing jong ka ha ka rukom kaba kumba ju leh bad ba la khmihlynti artat, bad ka la shu kren kynthoh, "Niuma, mynsiem baieit ! u la long uba iaishah eh, bad u la leit sha ka burom." Hadien ka jingiap jong uta u briew bapli, ki jingpoi paisa kumba la khmihlynti ki la wan ; hynrei, ani wow sangsot ! ka la dier than eh.

Kane ka la long ka jingshem banyngkong eh jong nga ha ka iingbám-bnai batat-dor ha New York : hynrei ym kaba khatduh eh, la kumno kumno. Na ka bynta ka jingduna ka jingpynsuk, na ka bynta ka jingkyrduh ia baroh kaba pynsgewmuja ia ka jingim, ka iing bám-bnai batat-dor ha New York ka ieng ha khmat eh. Hynrei, lehse, kajuh ka jingkren kynthoh kan iadei de ia ka jait iing baiasriem dor kumjuh la hangno hangno.

Shen-shen hadien nga la leit sha la ka jingtrei, bad ka kam ka jam jong nga ka la long ban thep synduk ia ki songkot ban phah sha Cincinnati. Katba nga la dang trei, nga la háp sha ka jait jingpyrkhat kaba iadei shaphang ka jinglong tmang la jong; bad, katba nga la dang pyrkhat puson, ki ummat khluit ki la háp ha ki jyngjaw haheh halor ka kotsada ba nga la dang pyndonkam. Sha ki jingjylliew jong ka jingsngewsih kthang jong nga kawei ka dohnud basbun ka la peit thuh; naba, katba nga la dang jaw ummat brep-brep-brep, kawei ka theidonburom samla ka la wan sha nga, bad ka la kylli ia nga la jia aü. Ka sur kren basbun bad ka jingpeit sngewlem jong ka ka la ring ia ka jingsngewshaniah jong nga, bad nga la iathuh ia ka ia kiei kiei ba dei shaphang ka jingim khyndiat bamynshuwa jong nga. Haba nga la pyndep la ka jingiathuh, ka la ong, "Khynnah rit bapli bashah jynjar! phin ialeit sha iing bad nga mynta ka miet." Nga la leh kumta de; bad haba nga la poi ha iing jong ka, nga la iohi ia ka kmie jong ka, kaba la bún kam ha kaba sdieh kpu halor ka miej stob. Kata ka khynnah samla ka la ialam la ka kmie jong ka sharud, sha ka kamra ba kham shapoh, bad kumne kumne ka kmie ka la wan mih shabar, bad ka la ong ha nga, "Khynnah bapli! Ngan long ka kmie ia phi." Kine ki ktien ki la háp kum ki umjer pyngngad mynsiem ha ka dohnud lung mynsiem jong nga; bad ka kmie bad ka hynmen kynthei,

da shisha, ka Mem Egbert babha mynsiem bad ka khún kynthai jong ka ki la pynpaw ha nga. Shen-shen hadien kane, nga la pyniasoh ia lade bad ka Balang ha Allen Street ; bad, hadien kaba sah bad ki Egbert katto katne bnai, nga la kynriah bad la iabám-bnai bad u nongialam ha ka klas jong nga, u Mr. Anson Willis, bad hadien pat, bad kawei ka Mem Ketchum. Katto katne ki rangbah kiba don jingiasnoh bad ka Balang Methodist ki la pynlong ka jingpynbeit na ka bynta ka jingpynshongskul ia nga. Nga ai ka jingshim lyngkot na ka shithi ba nga la thoh sha iing ha kane ka kynti, ba la buh tarik Rymphang 18, 1832 :—

“Ki briew jong u Blei ki la ithuh ia nga. U pastor jong ka Balang ba ha ka Allen Street u la phah khot ia nga, bad u la iathuh ia nga, namar ba ki pastor had ki rangbah balang ki la iohsngew ia nga ba nga kren ha ka jingkhawai jingieit, ki la pyrkhath ba u Trai u la kyrkhu ia nga da ki jingiohbor na ka bynta kano re kano ka jingthmu, namar ki la don ha ka jingpyrkhat ban ai ka jingpynshongskul ia nga kaba bha bad balaitluid war. U la pán ban iohi ia ka jingthohdak jong nga, bad u la ong ia nga ba nga la thoh bha eh. Shen-shen hadien, ha ‘ka jingiaseng ki rangbah balang,’ la tyrwa ban phah ia nga shisnem sha Wilbraham, ba ha Massachusetts, bad nangta lai snem sha ka Skulbah Middleton, ba ha Conecticut, ban pynshongskul, lada u Trai un

khot ia nga, ban long pastor. Lada em, kin pynbiang ia nga da ka kam ka babit babi-ang. Baroh ki lok jong nga ki pyrkhath ia kata ba ka long ka jingtyrwa bakhraw, bad kan long ka jingmih babha bakhraw shibún bah ia nga, bad kan pynkhreh ia nga ia ka jingim kaba wanrah jingmyntoi ha ka pyrthei. Kumta phi iohi ba u Trai um shym la wallam jngai ia nga katne katne khlem kano kano ka jingthmu. Nga tharai phin nym don kano kano ka jingujor, kumba nga ngeit ka dei ka kti ka jong u Trai. Thoh sha nga, bad kumta ter ter.

“J. B. GOUGH.”

Nga la iohpdiang ka jubab ia kane, kaba buh tarik laiong, 1832, ha kaba, hadien kaba pynpaw la ka jingsngewnguh sha kito kiba la pyni ia ka jinglehsbun ia nga, i mei baieit jong nga i thoh :—

Ko khún baieit jong nga,—Phim don eiei hynrei phi la shu pdiang kum ka jingaiei na u Badonbor Baroh. Man la ka sap talent ba phi ioh kynti ka long ka jong U, ba la ai ia phi ba yn pynleitkam ia ka burom jong U, bad ia ka jingbha babamjukut jong phi hi, bad shaphang kata Un pán jingkhein ha kata ka sngi, haba ki khún u Adam kin sa ieng ha khmat jong U. O ban da poi long ba la pynkhreh ban ai ia ka da ka jingkmén, bad ban iohsngew ia ka jingkhoh pdiang sngewbha,

‘Kaba bha, me u shakri babha bad uba lah ban shaniah !’— bad ka dohnud ka kmie jong phi kam kwah tam palat shuh. Máb, khún baieit jong nga, ía kine ki jingai mahám. Ngam pat la ju íohi dak ei-ei ha ka rukom jingleh jong phi, lane íohi kano kano ha ki shithi jong phi, kaba la ai daw ía nga ban sheptieng na ka bynta jong phi ; hynrei nga tip phi don u nongshún-bah ba phi dei ban íaleh pyrshah, uba, lada um lah ban pynjot ía phi, un pynjynjar bad pyrshang ban khanglad ía ka jingsuk bad jingdonkam jong phi ; bad phin shem ba phin donkam ha man la ka jingjám kjat jong ka jingíaid pilgrim Khristan jong phi, ban ong, ‘Trai, to bat ía nga, te ngan lait im.’ Bad lada phi shaniah ha U, da íai sharai da ka jingdwai, phin íai shem, ‘Kumba long ka sngi jong phi, kumta kan long ka bor jong phi ;’ naba ‘ka ktien jong u Trai ka la kren ía kata.’

“JANE GOUGH.”

I pa jong nga ruh i la thoh sha nga, da kaba sngewieit eh hi kein, bad ka jingai jingsneng babha ha ki jingkyrmen ban nang kiew ba la buh ha khmat jong nga, bad i la da ai la ka jingmynjur jong i ; hynrei shuwa ban poi kine ki shithi, ki jingpynjia—lane kham beit shuh, ka jingíapynlong ki jingpynjia—ki la íalam ía nga sha ka jingai jingpyrkhat ba yn pynduh ; sha ka jingkynriah noh jong

nga na ka balang, bad, shen-shen hadien kata, sha kaba iehnoh ia la ka Kam Trei Kot ha ka Surok Sohlyngdkhur, bad da kaba lap kam da kawei pat, kumta ba ka jingkyrmen jong nga ia ka ban ioh shongskul hi ka la shu wai ha madan, bad naduh kata ka por, nga la iehnoh dak ia baroh ka jingkhmihlynti, ia ka ban dang ioh shuh ia ka. Nga la ioh jingtrei bad u N. J. White (Nga tharai ha ka tduh jong ki Surok William bad Paila), ba, kumba ka jingkyrmen kiew jong nga ki la nang san nang roi, nga la phah ia i pa i mei, bad ia i hep de ban wan iashong iasah noh bad nga ha kane ka ri ; la nga dei ban ong, ba ynda la shah ha ka jingpynshoi, nga la kylla long bathurmur bad bapathar jinglong shaphang kine kiei kiei bakynja niam. Ha kawei ka janmiet Sngi Saitjaiñ, ha u Nailur, 1833, ia kane ka jingthoh lyngkot la wallam sha nga :—

“SNGI PALEI.

“Ko Khún shynrang baieit jong nga,— I hep jong phi bad ma nga ngi iadon ha ka jhad kyrteng ka *President*. Alle halor jhad ka tang shu poi ha ka jaka pynsangeh jhad. Ngì iashait iakhiah bha. Ka kmie baieit jong phi.

“JANE GOUGH.”

Kumne kumne nga la ieh la ka kam jong nga, nga da thmu ban leit sha ki, bad nga la don ha ka lynti jong nga arsut ka Surok bah

Foulton, ha kaba ka sla-jat juti jong nga ka la lait, bad nga la jám noh ka kjat (sha ka jaka syrdep juti jong u Burlock bad Wilbur sha kaba nga la bthah ia ki kha ki man jong nga ban sa phah khot ynda poi ma ki), ban ioh kawei ka shaku ban ot noh ia ka, ha kaba nga la ioh jingtip ba i mei jong nga i la leit peit ha ka jaka jingkynshew khyndiat por shuwa jong nga, bad ki la iamih ban leit sha ka Surok bah William. Nga la phai ban leit sha kata ka surok iaaid paidbah, bad la iohi kawei ka kynthei rit-met, ba ka da iaaid stet, ia kaba nga la ithuh kum kawei ia kaba nga la dang leit wad. Ka la khmih, man ka teng, ha ka kotsada rit, ia kaba ka la bat ha la ka kti, bad ka la iakhmih iakhmih búnsien búnwat na ita ha ki khmat iing, kum ban pynthikna ban lap ia ka nombar iing bakyrpang aü-re-aü. La shikatdei eh nga la kwah ban kren ia ka, nga la pyrkhat ba ngan shu pyrshang khmih thuh la kan dang ithuh ia nga ne ém ; kumta nga la leit na shadien jong ka, nga la iaaid lait sha khmat katto katne jám, nangta nga la phai kylla ban pyniakynduh khuk bad ka ; hynrei kam shym ithuh nga dei uei. Nangta biang nga la leit na shadien jong ka, bad la pyrta, "Mei !" Ha kata ka jingsawa ktien ba ka tip thikna bha, ka la phai wang bad ha ka shikhlip ka khmat ka la piam ia nga ha la ki ksangti jong ka, bad la kdup ia nga ha ka rukom ka kmie hi—khlem salia ia kiba ia peit shain ba iaaid nangta, kiba tang khyndiat eh

ki ju mlien kaba leit iohi ia ki jingpynpaw jingieit madan ba kum kata ban pynsngew-tynnat ia ki. Nga la wanphai bad la i mei jong nga sha ka lieng kynda khnang ban pynioh ia ki jingkit jingbah jong i; bad, ynda hangta, la pynkyndit ia nga da kawei ka khynnah samla baheh kaba rynsied ha ki ksangti jong nga, kaba la kylla katta katta naduh ka por ba nga la leit iohi khatduh ia ka, ba nga la don ha ka jingeh katto katne ha ka ban ithuh ka dei ma ka para la jong. I pa jong nga im shym la wan synran bad i mei ne i hep, naba i la sngewsalia ban leit duh la ka penshon ba la kamai shitom jong i, bad i la don ha ki jingkyrmen ban pynlong ka jingiapynbeit pli bad ka sorkar, bad ban iohpdiang katno re katno tyngka, ha ka jaka ba yn shu siew man ka snem.

Ha kata ka por ngi la iadon ha ka jinglong ban iohpdiang lai dollar tyngka shitaiew, da kaba nga kyrshan ia lade; bad ryngkat bad ki mar ki mata, ki tiar ki tar khyndiat khynsoit ba i mei i la wallam, ngi la iaiaid sha kaba iashong iing hi. O, katno ba nga sngewbha mynsiem ha kata ka janmiet, haba i mei kaba nyngkong eh ba i pynkhreh sha na ka iingshong la jong. Ki lai tylli ki khuri bad peris jong ngi ki la pynlong ka jingiohi kaba da i-khainbriew shisha shisha, bad, ha ka jingmutdur, ngi la long kiba riewspah ha ki jingiadih iabam,

la ka jingbám jong ngi ka long kaba im-kyndiap antad.

Kumta ngi la ïa im suk im sain lang ryngkat, khlem kano kano ka jingjia phylla ban jia tad haduh u Naiwieng u ban wan ; ha kaba, na ka jingkyrduh kam, bad ka jingïabám shitom lang jong ka por, nga la shah beh kam na la ka jaka trei. Kane ka la long ka jingtangon ka bajur ïa ngi baroh, bad ka jingtangon jur ka la nang jur shuh shuh da kaba i hep jong nga, iba la long i nongshna tupia-tráw, i ruh i duh la ka kam. Ka baiwai-ïing jong ngi ka la long shidollar la shisuka shi taïew ; hynrei, ba ngi shem ba ka long ka bam banse eh ban nang pynrit la ki jingpynlut pynsep jong ngi, ngi la ïaiehnoh noh ar tylli na ki kamra jong ngi, bad la ïapynlong tang kawei ban pynbiang ïa ka jingdonkam jong ngi ; ngi da ïapynbynta kamra ha ka por miet, da kaba wah ki pyrda mata madei. la ka baiwai ïing jong ngi la pynduna sha ka shiteng dollar shitaïew, bad baroh ki mar ki mata ki tiar ki tar ki don lut hapoh kata ka kamra rit, ïa kaba ngi la ïaïneh kaba pyndokam ïa ka tad haduh ka jingïap jong i mei hi.

Kiei kiei ki la nang sniew nang sniew. Ka tlang, ha ki jingshyrkhei jong ka baroh, ka la dang wan halor jong ngi, kiba la dang pynkhreh sohsat na ka bynta jong ka. Ban pynlang sha ki jingpynjynjar jong ngi, ka

diengiap, hamar kata ka somoi, ka la long kaba
 la kiew dor rem eh ; bad, nalor ka jingkyrduh,
 ngi la iashah shitom jur shyrkhei eh sa na ka
 jingkhriat. Nga la ioh jingtrei tang patung
 pateng ha ka rukom bam thikna, bad tang
 khyndiat por; kum u khynnah rah khubor
 ha ka dukán die-kot ba ha ka surok bah
 Nassau, bad ha ka jaka suh-kot ; hynrei, wat
 bad kane ka jingioh jingiarap, ngi la iashitom
 eh bad shah ksam pynpang mynsiem eh.
 Kumta kata baroh ka tlang batmang ka la long
 ka jingshah jynjar ba lynter. Ia ka jingsngewsih
 jong ngi la nang pynjur shuh shuh da ka
 jingiohpang i mei bapli, bad ki jaiñphong
 sopti jong ngi ki la nang duna nang duna
 ban pynsngewsuhsat. Nga kynmaw ba i mei
 shisien i kwah dih syrwa dohblang aü re.
 Ba ngam sngew lah shah ba in kyrduh ei-ei
 ia kano kano ba i kwah, nga la shim la ka
 soptilor babha tam jong nga, bad, ynda la
 buh bynda ia ka, nga la pynioh ia i katto katne
 ka dohblang, bad kumta nga la pynbiang ia
 ki jingdonkam jong i, katba nga lah synei.
 Bún búnsien, haba ngi kyrduh dieng-ïap, bad
 bam don paisa tyngka ban pynioh ia ka, nga
 la leit ïaid shi mail ar mail shapoh nong-
 kyndong, bad la wan paring sha iing katto
 katne lyngkhot dieng katba nga lah ei ban
 shem kiba dem thiah kylleng kylleng harud
 surok. Ia ka jingbám ruh teng-teng kyrduh ;
 bad shisien, ba nga iohi ia i mei ba i jaw
 ummat, nga la pynthikna ba ym sah kpu ei-ei

shuh ha iing. Ngam lah shah ban iohi ia kaba kum kata ka jynjar, bad nga la iaid shang makia arsut ka surok bah, nga da iam kyrhuh suk-shi-suk katba nga la nang iaid. Uwei u nongwei u la wan kren bhoh ia nga, bad u la kylli ia nga kaei ka daw.

“Nga thngan,” nga la ong ; “bad kumjuh ruh i mei jong nga.” “Niuma,” la ong uta u nongwei, “ngam lah ban lehsbun shibún, hynrei ngan iarap ia phi khyndiat.” Haba nga leit rah sha iing ia u kpu ba lai naya paissa ba u la ai ia nga, i mei jong nga i la buh ia ka Baibl halor ka miej kseh rim ba la khih, bad, ynda i la plie ia ka, i la pule shibynta na ka Jingthoh Bakhuid, nangta ngi la iadem khoh-siew khrup, ngi da ai ainguh ia u Blei na ka bynta ka jingbha jong U, bad ngi da pán ia ka jingkyrkhu jong U ha kaei ia kaba ngin dang iashim bynta. Ha baroh kine ki jingshah-shitom bad jingshah jynjar i mei nga i i la shah da ka jingaiti Khristan ; bad mynno mynno ruh im ju la kren diaw baroh shilynter jong kata baroh ka aïom basngewtmang mynsiem. Ka la long shisha ka tlang ba khriat tasam. Búnsien nga la ju leit shang shapoh ki surok bah bad ba nga da pán kam.

“Phin sngewbha shah ia nga ba ngan ot kurat ia ka dieng jong phi ?”

“Hangno ka kulai-rat bad ka kurat jong phi ?”

“Ngam don.”

“Phim lah ban ot kurat khlem ka kurat.”

“Phin sngew bha shah ia nga ban pynkit ia u dewiong jong phi shapoh iing-khrum ?”

“U hangno u mohkhiew jong phi bad ka khoh ?”

“Ngam don.”

Bad kumta nga la shu duh bún ki kam tang namar ba ym don ki tiar ki tar, khoh star. Kito ki bam pat shym la iohmad ia ka jingshem jynjar mynno mynno ba kum kine, kim lah ban sngewthuh ia ka jingktang mynsiem jong ka jingim jong ngi baroh shilynter jong kata ka por basngewshyrkhei.

Katba ka pyrem ka la nang wan, ma nga bad i hep kynthai jong nga ngi la iaioh kam biang, bad ka jinglong briew jong ngi ka la kham bha shipor. Mynta nga la lah ban ioh san dollar shiteng shitaiew, had ka la pynlah ia nga ia ka ban ioh biang la ka soptilor jong nga. Ka sngi kaba suk ka la long kata mynba, ynda nga la phong ia ka, nga la iaieit bad i hep kynthai jong nga sha ka jaka leit iingmane. Ngan iathuh tam hangne, ba hamar kata baroh ka por tlang ba shah

shitom ngim shym la ioh pdiang kano kano ka jingai jingiarap leh isnei na kano kano ka dong. Shisien, bad tang shiwat, i mei jong nga i la kren shaphang katto katne ka dieng-ïap ïa kaba la ai sha ki baduk ba na ka Hol-Shnong ; hynrei nga la kyntait ban shah ïa i ban aplai jingiarap ei-ei nangta, nga da tip bha ba in shah kylli ki jingkylli ba pynsuhsat mynsiem na ki rangbah shnong ba eh-dohnud, kiba la shim kabu ha ka kam ka jam jong ki ban kren ibein briew ïa ki khún sniew-kupar jong ka jingkyrduh khait. Ka long kaba sngewsynei ba ki kam sbun mynsiem ym shym la lah barobor ban leh ha ka mynsiem sbun mynsiem ; hynrei búnsien eh, kaba kum kata kam long satia ka kam trei ha kane ka pyrthei khriat mynsiem. Kaba sngewbha eh ka la long ba haduh kane ka sngi la khanglad ïa i na ka kam shah pynsuhsat mynsiem da ka jinglehheh mynsiem, ïa kaba ngam lah ban shah ban pyrkhat ba in shah háp shop kumta.



LYNNONG V

BAD mynta wan lap kawei na ki jingjia basngewshyrkhei tam jong ka histori jong nga—ka jingjia kaba lajan pynnguh ngon ia nga haduh ka dewmet.

Ka lyiur jong ka snem 1834 ka la long kaba khluit tyngeh, bad saba ka kamra jong ngi ka la long beit beit hapoh ka tnúm iing, kaba la don tang kawei ka jynghangiit rit ne khalki hapoh kata, ka jingshit ka la long lajan bam lah shah shuh, bad i mei jong nga i la shah shitom shikatdei eh na kane ka daw. Ha ka 8 tarik u Naitung, ka sngi kaba kham khluit phér ban ia kano kano; i la kylla ud na ka jingsngewtlot rynieng, hynrei jait ba i la ju shah shitom mynshuwa ruh na ka jingsngewtlot, ngam da sngewma katta katta na ka jingmynsaw, bad da kaba ong ba ngan leit sum noh, nga la kyrpad ia i ban pynkhreh ja bad dud katto katne ia nga, kumba hapdeng hynñiew ne phra baje, ynda nga la wanphai. Ha kata ka sngi ki jingsngew mynsiem jong nga ki la long sngewbha mynsiem khyllah kumno re; nga la iarkhie bad iarwai bad la ki paralok samla jong nga, kumba ym don uwei ruh u lyoh ban kah dum ha baroh ka sahit bneng jong nga, ha kaba uwei u la dang

lum lyoh ha kata ka por ia kaba yn sa pynbthei da ka jingriewpyrthat bapyniapler jak halor ka khlieh jong nga.

Kumba phra baje nga la wanphai sha iing, bad nga la dang kiew artet ia ki mawkyrdon ka iing, nga da siaw iaiaid, ha kaba i hep kynthai jong nga i la iakynduh khuk bad nga ha tyngkong iing, bad da kaba kynrup ia nga na ka kti, i la kren pyntip, "John, i mei im don shuh!" Aiu ba nga la leh, aiu ba nga la ong, ngam lah kynmaw shuh mynta ; hynrei ki la iathuh ia nga hadien hadien, ba nga la kem kynrup ia ka ksangti i hep jong nga, nga la rkhe patoh kumba lamwir ha ka khmat jong i, bad nangta ia katto katne minit nga la shu kyllon khrop ha kata ka jingpyntip basngewshyrkhei. Ki tang shu shah ia nga, nga la leit jngoh ia la ka kamra rit jong ngi—mynta ka kamra-ia—bad hangta halor madan la dem thiah baroh kaba sah na i mei jong nga ia iba nga la ieit lung mynsiem katta katta, bad iba la long ka lok ka jor haba baroh kiwei pat ki la iehnoh ia nga. Hangta i la dem thiah, ia ka khmat jong i la teh skhak da ka rumar :—

"Da kti nongwei ia khmat tymmen ba peit ;
Da kti nongwei ia kti ia kjat pynbeit."

O, katno da kaba shai kdar ki la wan sha ka jingmut jingpyrkhat jong nga, katba nga

la nang shim ia ka kti badait-thah jong i ha la ka jong ka kti, bad nga la peit shain shit-mynsiem ha ka khmat bajaijai jong i, ia baroh ka jingieit bajemnud bad baiashah jong i, ha ka mynsiem bam ju ud khñiu.m ka jong i, ha ka jingdem aiti lut ha i pa jong ngi bad ha la ki khún rit la jong! Baroh kata ka la dep mynta; shano pat yn ioh? bad pynban, katba baroh shimiet iashai nga shong ha krung jong i, u nongap bamarwei harud ka myniap, nga la sngew ba dei ban shu pynkie lut kum-ei re sha ka jingpyniaid pynieng jong ka jingstad bananeng, bad nga lajan sngewnguh ba ia i "la shim ban weng noh na ka jingsniew ka ban sa wan" ka jingsngewkhuslai bad jingshah-shitom ka la long ka bhah jong i baroh shilynter jingim; mynta i la lait war na kita baroh ar; bad, da kaba ieit ia i kumba nga la ieit, nga la shem ka jingtngen mynsiem ha kaba pyrkhat ba "im shyni la jah, hynrei i la shu nang leit sha shuwa."

Nga la iathuh ba nga la shong baroh shimiet nga da ap ia i mei dait-thah ba la iap jong nga. Kaba kum kata ka la long shisha ka jingshisha. Nga la ksoh-bat ia ka kti iap jong i ha la ka jong tad haduh ba ka lajan syaid biang, bad ym don ba lah iathuh lait noh na nga bad u Blei haduh katno ka miet jong ka jingpang dohnud ka la long. Ki briew jong ka iing ki la iashongkai pynbyrngia ia i hep kynthai jong nga harum. Haba ka step ka

la phngoid ha ka kamra thiah bakynjah brieve
 jong nga, nga la buh jem jai ia ka kti ba shah
 bat ha nga harud ka krung i mei jong nga,
 bad nga la ia id shang makia sha ki surok kiba
 dang dum ngut-ngut ha kata ka por. Nga la
 phai la ka khmat jong nga sha ka jaka pynhiar
 jhad, bad nga la poi hangta, nga la shong khop
 harud ka jaka hiar jhad, nga da peit seh da
 ki jingpyrkhat sngewjew mynsiem halor ki
 um ba shat phyrnai. Baroh kaba la ia id lait
 ka la i ha nga la kum ka jingphohsniew
 basngewtieng, bad da ka jingeh ba nga lah,
 patung pateng, ban pyngeit ia lade hi ba ka
 jingiap i mei jong nga ka la long ka jingshisha
 basngewtieng. Shikynta ar kynta ki la ia id
 lait ha kane ka jingpyrkhat pyrdain baphoh-
 sniew ruma shiteng lamwir bieij, bad nangta
 nga la ia id suki jai pyrshah la ka mon sha
 ka iing shem jynjar ba sangsot jong nga.
 Ngam shym la bam ei-ei naduh ka janmiet
 bamynshuwa ; hynrei ka jingthngan imat,
 kum kiwei kiwei ki jingsngew, ki la kylla iap
 sap. Ha ki jingpoi jong nga ha ki iingthiah-
 basa jong ngi, nga la lap ba ka jingkylli tohkit
 u rangbah sorkar la pynlong ha ka met-iap
 i mei jong nga, bad ba ia ka jingthoh lyngkot
 la iehnoh da u rangbah sorkar, kaba ong ba
 dei ban tep noh por shiteng sngi jong ka sngi
 ka babud. Aiu te ka dei ia nga ban leh?
 Ngam shym la don tyngka-paisa ei-ei, ym don
 lok don jor, bad kaei kaba la long lehse kham
 sniew ban ia baroh, ym don mano mano ban

iasngewlem sngewsynei bad nga ne bad i hep kynthei jong nga, lait sa tang ki briew kiba baroh sawdong jong ngi, kiba la ialah ban pynmih jingang-ktien teng-teng, "Ki bapli synei !"

Sa shisien pat nga la shu ialid ruma rutit ia ki surok bah, khlem kano kano ka jingthmu bathikna ha khmat jong nga. Nga la don ka jingpyrkhat ba nger-nger ba i mei jong nga i la iap, bad ba dei ban tep, bad tang khyndiat ka jingsngew sha lyndet kata. Teng-teng nga kylla klet wat ia kane ka jingshisha basngewsih. Ba la thait-lwait bad ba la noh mynsiem, khatduh khatwai nga la wad sa shisien pat ia ki jaka shong iingbasa jong ngi, ha kaba i hep kynthei jong nga i la dang ap syier mynsiem na ka bynta jong nga. Nga la ioh jingtip na i ba hamar ka jingjah jong nga na iing katto katne ki briew ki la wallam kawei ka synduk dieng-kseh sha iing, ha kaba ki la iabuh ia ka met i mei jong nga, bad la iarong noh ia ka ha ka kali ia ka ban leit tep. Ki la dang shu leit, i la ong. Nga la iathuh ia i hep ba ngi dei ban ialeit bad ban khmih ba tep ia i mei jong ngi; bad ngi la iaphet kyrkieh hadien ka kali met-iap, ia kaba ngi la ialap shen-shen.

Ym shym la don "jinglehnám bad jinglehniam lehrukom" ei-ei sawdong ia kata ka jingleit-ontep bapoh kyrdan briew; hynrei

ym pat ju la leit met-briew sha ka jyngtep ĩa kaba la kham iet palat shisha, bad ba la kham ĩám-briew sngur mynsiem palat ban ĩa i nong-leit lynti bajarjar sha "Ka Lyngkha u Nongthaw Khiew," ka jaka jong ka jyngtep jong i. Tang ar ngut ki dohnud ba la shah tar bad bajngem snám kiba la ĩám ud na ka bynta jong i. Hynrei katba ka kynhun leit-ontep lajan bam ĩohi shuh ka la ĩaid lait lyngba ki surok bah, ki jingjawummat jong ka jingsngewsih khuslai ba kham khuid mynsiem la pynjaw ban ĩa kaba ju háp búnsien ha kaba—

"Khún sarong pyrthei āiu-re
Sha la dewmet ki jia leit phai."

Shen-shen ngi la ĩapoi ha ka jaka-tep. Ha kajuh ka kali bad i mei jong ngi la don kawei pat ka met-briew kaba ka mynsiem ka la kup ĩa ka jingbamĩap. Ka synduk tep-briew jong i khynnah rit ka la don ha syndah jong i iba la long ka nongĩaid pilgrim basngewsih da ki bún bún snem, bad ki baroh ar ngut mynta ki la dang ĩadon markhap markhap ha ka "ĩing khim." Haba ĩa ka synduk ĩap-briew jong i khúnlung la weng noh na ka kali, i hep jong nga i la bthei ĩám phur, bad u khashwán, u riewtohmet-khmat, da ka rukom lehsbun kaba la ktah ĩa ngi, u la kren kynthoh ha i, "I bapli synei ! ka kham bha ĩa i haei ba i don." Nga weng na u ĩa ka jingshah-thok jong u ha ka jingleit pyrkhat ba don ka jingĩa-

dei-kur dei-jait ne dei iing dei sem ba iajan
bad ine i khúnlung bad nga la pyntip ia u ba
ym dei ia i khúnlung hynrei ia i mei jong ngi,
ia iba ngi la iám-briew. Ia ka synduk i mei
nangta la shim noh bad la thep ha kawei ka
kharái, bad khyndiat khyonsoit ka khyndew la
shu bér japhrut-japhret hangta.

Kumta la tep ia i, khlem ka jaiñ-tap, ki
juti jong i ha ki kjat jong i. Kawei na ki
jingthaw u Blei—ka tnga baieit, ka kmie ba aiti
lut, ka lok ka jor ba lah ban shaniah, bad ka
Khristan baduk ! tang katta. Kumta ba ym
shym la don ka jingpule jingdwai iap-briew
ei-ei ; ha kata ka thliew kharái la bret khlem
ka jingdwai. Bad kane ka la long ka bakut,
hadien ka jingim ba slem jong ka jingshakri
hok na ka bynta kiwei pat—ka jingim jong ka
jingiaksaid baiaishah, ha kaba ia ka thma ka
jingim la ialeh da kaba donburom, da ka
jingieit sngur mynsiem, da ka jingkmien. Kane
ka la long ka bakut. Êm, ém, ainguh ia u Blei !
ym ka bakut. Ka met ba la lwait jong i ka
thiah jahthait ha ka jingkyrmen, bad Uta uba
la iám ha ka jyngtep jong u Lasaros U ap ia
ka dewmet ba dang iohthiah jong ka shakri
jong U. Hooid, ia ka jingim bad ka jingbamiap
la wallam sha ka jingshai lyngba ka gospel. I
mei bapli jong nga i iohthiah jaijai la kumba tep
hi ha ka synduk maw marbl ba la ot-shrong
itynnat ; bad, ainguh ia u Blei, in mih pat kaba
donburom hi haba Uta uba la kylla long

“U Sohnyngkong na kita kiba la iohthiah,”
Un khot la ka synrán balongrit jong U ban
wan bad iadon lem “junom junom bad u Trai.”

Na kata ka Golgotha bakhraw ngi la iawan
noh lang, bad, khlem leh suidñiew da u paidbah
iaid búnkam, ngi la iaiaid sngewsih sha la
ka kamra ba la kynjah jong ngi mynta, ha
kaba ngi la iashong khop bad peit seh saw-
dong sawdong ka kamra ba la pynkynjah.
Iwei hadien iwei na kiei kiei ba la rim
ba ju iamlien ki la ring ia ka jingpeit ki khmat
jong ngi. Hapdeng kiwei pat ki tiar ki tar,
uwei u suspon rit u la sah halor ki rnga ding
ba la lip ha ka dpei ding, bad u khaw bad ka
dud ba la ingkhong ha trai u khiew. Kane
ka la long kaei ba i mei jong nga i la pynkhreh
na ka bynta jong nga ha ka jingwanphai jong
nga na kaba leit sum ; bad kata ka jingiohi ka
la pynwan biang ia ka jingsngewkynmaw jong
nga ia ka jingkitkhia jong i na ka bynta jong
nga, kaba la leit jia kumta ha kaba i la pynlut
bor na ka bynta jong nga ha ki khyllipmat
bakhatduh eh jong i. Ia nga hadien hadien la
la iathuh ba la lap ia i iba la thiah iap halor
madan, da uwei u samla uba la jia iaid lait ia ka
jyngkhang kamra jong ngi ha ka lynti jong u sha
la ka kamra la jong, bad u la iohi ia i ba i dem
thiah lyngktop hangta. Ka paw ba i la pyn-
leit jingmut ha kaba thlieh ia ka lyngkhot dieng-
kseh da ka wait ; bad la tharai ba, katba i dang
dem halor kata bad pynngam tynggeh ia ka wait,

la kem ia i da ka jingsangeh kynsan ka jingtuid
snám lyngba ka jabieng khlieh ba kumta
kumta hi i la shu dkut mynsiem noh.

Katba ngi la dang pyrkhath sngewsih ia la
ka jingshem bad jingjia, bad da kaba poi kyn-
maw ia kiba bún ki jingong bad jingleh jong i
mei baieit jong ngi, nga la sdang ban pyrkhath
shaphang sa aïu pat ngin leh hadien, bad nga la
ong ha la i hep kynthai jong nga,

“Mynta, Mary, aïu ngin ialeh ?”

I la ong aïu-re-aïu, nga klet noh aïu ; bad
kylliang ktien pat, nga la pynlong ka jingong
ba kum kane—katba nga lah ia ka ban kynmaw
—ba ngi la lah ban kit ia baroh ka jyngbuh
jyngsat ha la ki ingdong ; ha kaba ngi, baroh ar
ngut, ngi la iabthei da ka jingiakhie-bhur bajur
jong ka jingiarkhie, kaba la neh bún bún minit;
bad nga mynno mynno ruh ém, mynshuwa ne
hadien kata, ngam kynmaw ba ngam man lah
shuh ia ka ban synshar ia lade kum ha kata.
Ka la long kaei kaei kaba phylla ban iohsngew
ba kata ka kamra ba ju kynjah haduh kata ka
por—ha kaba da ki kynta, ñiar ba ngin iakren
jam nalar kaba shu pasiaw siaw-siaw—ba kan
khie sawa kylla biang pat da ki jingsawa
bam dei rukom kum kata. Hynrei kumta ka
la long ; bad ngam lah ban batai balei, lynda
ka long na ka daw tynrai jong ka jingwan
kyrtoh kylla. Bad pynban kam shym la long

ka jingrkhie iakmen : hynrei khamtam pynban
kum ka jingiasngewbha tieng shiteng jabieng
jong ki dohnud ba la sngewsohsat, ha kaba, ia
shipor, baroh ki jingsngew ka jinglong samla la
shah set koidi, lait noh tang da kawei ka jing-
pyrshang tynggeh riewkhlaw ba la bthei phur,
kaba da pynrisa jam da ka jinglehkmen ba shu
mih la ka mih khlem phah.

Ha kata ka miet Sngi Balang, ngam lah
shuh ban sah ha iing ; kumta nga la iaid lngér
shabar, bad la pynlut ia ki kynta bajlân jong
ka jingdum ha surok,—ban dem thiah nga
sngew ka bam lah, haduh katta la long ka jing-
sngewkhia jong ka jingshem kordit. Ha ka
sngi ka babud pat, nga la shu leh lwait ha ban
da biang, bad mynmiet nga la iohthiah tang
khyndiat eh ; hynrei naduh ka por nohphai-
sngi jong ka jingiap i mei shilyngkhot jingbám
ruh kam shym la rung lyngba ki rymmian
shyntur jong nga. Nga kylla isaitmet ia ka
jyngbám, bad dei tad haduh ka janmiet Sngi
Thohdieng ka babud ba la pynkohnguh ia nga
ban bám ei-ei. Kawei pa kawei ba baroh
sawdong ka la iai pynkynmaw jur bad pynpang
mysiem ia ngi shaphang jong i ia iba ngi la
duh, haduh ba i hep bad ma nga ngi la iakut
jingmut ban shu kynriah iing noh ; bad, ynda
la iapyllait noh la ka jyngthiah snér jong ngi,
bad ki katto katne khyndiat khyensoit sha ka
tra iing, ngi la iasiew ka baibám shitaiew lypa
ha ka iing ba ha ka Surok Pyrem. Mynta nga

la sdang ban sngew ia ki jingktah na ka jing-
apmiet jong nga bad ka jingkhein sting ia ka
bám ka dih, bad nga la kem pang jur katta
katta, haduh ba u doktor sor u la hajir ia nga
lai ne saw sngi. Nga tang shu la khie koit
biang, nga la kylli tohkit shaphang ki lok rim
basbun jong nga, ki Egbert. Ki la iadon hapoh
sor, bad nga la leit beit sha iing jong ki ha ka
Surok bah Suffolk, ha kaba la pdiang syaid
mysiem bha ia nga, bad la sumar sbun eh ruh,
da baroh ka jingsumar jong ka kmie bad ka
hynmen, hamar ka por batlot kaba la bud ia
ka jingbamshait bha jong nga. Ia i hep bad
ia nga la pyniakhlad bak, ba i hep i háp leit
shong báam shong dih ha ka jaka ba i trei, ha ka
bynta ba kham shaneng jong ka sor.

Nga tang shu la khie koit bha pat, nga la
trud ka wad tyngka ia ka máw ka dieng katba
nga lah ban ioh synei, bad nga la leit jngoh
kái ia ka iing ka sem kaba bad kita bà nga la
iamih lang na England. Bad ki nga la iasah ar
bnai, bad nga la iohpdiang bún bún ki ktien
pyntngen ha ka jingiadei bad ka jingiap i mei,
bad ka rukom im bamarwei jong nga ; hynrei
hadien hadien bad da shisha hamar kane ka
por, ngam banse khlem da sngew ba ia ka jing-
jah jong nga yn nym da sngewbabe eh, kumta
ba nga la pynlong ki jingpynkhreh pynkhrum
ia ka ban phet noh na ki. Katba dang dou ha
nongkyndong, nga la pynlut la ki khyndiat sngi
jong nga bad u Mr Elijah Hunt, uba, ryngkat

bad ka Mrs Hunt, ki la long kiba sbun eh ia nga. Namar ba ka jaiñphong sopti jong nga ka la paw kaba la ran kyrñiom, u Mr Hunt, ha ka rukom basbun eh, u la pynbiang ia nga da ka sut kaba arphew-san dollar, u da shaniah ha ka burom jong nga ia ka ban siew pat, ynda ka shong ha ka bor jong nga. Lano lano ngan nym lah klet ia ka jinglehsbun jong u bad ka iing ka sem jong u ia nga ha kata ka por. Nga la mih leit noh sha New York kumba ha u Nailar, bad nangta nga la leit trei na ka bynta u Mr John Gladding, uba barobor u la leh sbun eh ia nga.

Ka jingtah ha ka jingmut jingpyrkhat jong nga na ki jingshem jong nga ba nga la iaïd lyngba, ka la long ban pynmih ka jingkthang mynsiem, da kaba eh ba lah ban ai jingbatai ne ban sngewthuh. Ka la kylla long kaba ishyr-khei katta katta ha nga ba nga la kum pyn-mong búnsien ia ki jingsngew jong kiwei pat, da ka jingsngewibein briew da kaba nga shait kren shaphang ki jingleit ontep bad nongiam briew. Kaba tied baje iapbriew, bad baroh ki jinglehniam lehrukom kiba iasnoh bad ki ba-ïap, ki la long ha nga ki jingiakrenbein khyllad. Nga imat ba nga la duh ka jingiāsngewlem bad la ki para briew. I mei jong nga i la long ka kynthei babba, hynrei ym shym la don jingpule jingdwai iap ba la pynlong halor jong i. Nangta nga la pynbna ba ngan nym phong lano lano i lyngkhot jaiñ ba ai dak iap-briew na ka bynta

ka jingduh iano iano ba iap ; bad kata ka jing-pynbna briew ba nga la pynlong ha kata ka por ka shu dang sah haduh kane ka sngi. Kane ka jingshem bapynsngewtriem ka la pynmih ka jingktah ha nga ia kaba ym lah rat shuh lano lano, la la kham pynbha shibún, naduh ka jingleit jngoh jong nga ia la ka shnong ba kha, ha ka snem 1854, ha kaba ia ka jingsngewkynmaw ia i mei jong nga la pynsngewlung mynsiem da kiba bún katta katta kiba la tip ia ka dor jong i ; bad ha kaba i la iehnoh la ka jingiwbihi jong ka kyrteng babha, kaba iai sah thymmai mynta ka sngi.

Nga la shong bá m shong dih ha ka Surok bah Bakhraw ha kane ka por, bad shen-shen hadien nga la pynshet ia ka nongrim jong kiba bún bún ki jingsngewsih ba hadien habud jong nga. Nga la don ka ryndang babha ba la shu bit, bad nga la rwai bha antad antad nga da don ruh ka jinglahbor ban pyrthuh ia kaba nga la da kham pynroi bha than eh hi kein ; bad, ba nga da pynlang bha shibún ki jingiathuhkhana kái bapynsngewbyrngia la pynithuh ithaw ia nga ha ka seng kynhún jong ki samla briew bapyrkhat pathár bad bapynlut kái sha kiba ki sap jinglong jong nga ki pynlong ia nga ba yn pdiang sngewbha. Kine ki paralok ki la long ia kaei ba la jer kyrteng "Kiba donburom," tangba ki dih ki bá m. Mynta nga la sdang ban leit rung búnsien sha ki thiatár, bad nga la sngewkwah nám kaba ioh kám kjat ha ka por

jong nga halor steij. Suki pa suki la mian pa mian nga la nang klet ĩa ki lynnong jong ka jingstad kiba i mei jong nga i la hikai ĩa nga, nga la duh ĩa baroh ka jingbang na ka bynta ki jingshisha bakhraw jong ka niam, nga la kheinsting la ki jingaiti niam jong nga, bad la pyrkhat ba ka kam u aktor kan long ka ne *plus ultra* jong ka jingkhraw.

Nga kynmaw bha, ha ki sngi jinglong khynnah jong nga, ba nga la pynngam jingmut, lyngba ka bor ring i mei jong nga, ĩa ka jingsgewshyrkhei ĩa ki thĭatár ; bad shiwat, katba nga la nang kiew artet ĩa ka Bowery, bad ap khmih ĩa ki paidbah ba ki ĩaĭaid shaneng sharum ha ki kyrdon lynti jong ka ĩingpyni jingĭalehkái hangta,—ĩa kiba nga la leit kiew khnang tang na ka bynta ban kham ĩohi bha ĩa ka jingĭohi ba ĩaĭaid búnkam,—kane ka dkhot na ka Jingthoh Bakhuid ka la wan sha ka jing-kynmaw jong nga : “Naba ĩa ka khyndew yn pyndap da ka jingtip ka burom u Trai, kumba ki um ki tap ĩa ka duriaw.” (Hab. ii. 14) ; bad ĩapoh mynsiem nga la ainguh ĩa ka jingdwai, ba kato ka por kan lah ĩa ka ban poi klohi hi noh. Khyndiat por hadien hadien—nga la hiar ngop haduh katta katta, bad la sngew dukhi khait ha kaba phaidien noh—nga la ĩeng kaba pán kam kum u aktor bad u nongrwai bapynrkhie biria ha kajuh hi kata ka jyngkhang jong kata kajuh ka ĩing thĭatár, ĩa kaba, san snem mynshuwa, nga la kwah ba yn pynjot thĭaw,

kum ka templ jong ka pop ! Ngam kwah shuh ba yn tei iing mane kano kano ha ka jaka ba tei iing-thiatar ; kata kajuh hi ka jaka jingpynsngewkhih mynsiem, lajan ka jaka jingpynsngewbha tamasa ka la kylla long ha kaba nyngkong eh ka jaka ba la jied, hynrei mynta pat ban iashah liang bad ka jingpynsngew khiih mynsiem lajan ka jaka badonkam pynban ia ka ban iai leit iai wan.

Ngam shym la rung ha ka iing-thiatar ha kane ka por, ba ngam ioh lad ha ka jingpyrshang jong nga ban pynioh ka jingiatreikam trei-jam hangta ; hynrei shen-shen hadien nga la rwai kawei ka jingrwai pynrkhié, ba la ai kyr-teng, "Ka Kynhún iaid wah," ha ka Thiatar Franklin, ha ka surok bah Chatham, ha kaba u William Sefton u la long u manejar ka steij, bad ha kaba u John Sefton u la pyndonkam shikatdei ia lade h1 ka jingshim bynta ia u Jemmy Twitcher, ha ka drama kaba kyr-teng "U Nongrep Suit-rong ksiar." Nga la shim ia ka kyr-teng jong u Gilbert. Ia ka jingpynikái jong nga la pyrta ban leh biang sa shisien, kumta ba la pynshlur ia nga ban bud noh ia ka kam u aktor. Hynrei ngam shym la leh kumta ha kata ka por.

Hamar kane ka por, nga la trei smat bha ha la ka kam ; hynrei haduh katta la long ki jingmlieñ balutphut jong nga, ba, lada nga ioh san dollar shitaiew, nga la shu pynlut kái man la ka shipaisa, bad nga la don lynter

ha ka ram. Ki jingnangiaid shaphrang jong
 nga, ruh, ki la kylla myllen da ka jingleh thur-
 mur bam pat shym sngewthuh haduh kata ka
 por. Ha kawei ka step uwei u samla u la wan
 sha nga, bad u la pyntip ia nga ba ka ding kaba
 heh ka la klang arsut ia ka surok bah. (Nga la
 dei kam ha ka kompani balontiar pynlip ding,
 bad ruh sha ka seng pynialehkai, kaba la don
 la ki jingialang ha ka dong jong ka Surok
 Anthony bad Broadway, bad kaba la lam shi-
 katdei eh ia nga ban nang pynroi la ki jing-
 mlien bamtista jong nga). Nga la iaiaid lait ia
 kata ka jingai jingtip ha ka rukom bam leh
 suidñiew bad nga da kren ktien bam salia, "Ai
 kan ing ! kan nym pynmysaw ia nga !" Haba
 nga la pyndep la ka bam jastep jong nga, don
 mano re mano ba la ai jingtip ia nga
 ba ka ding ka la búr shaduh ka rud ka kiar jong
 ka dukán ha kaba nga trei. Kane ka la pynhér
 syrngiew her ia nga ; bad nga la phet sha kata
 ka jaka-trei jong nga, ha kaba nga la poi thik
 ha ka por ban iohi ba ki thylliej ding ki la
 kaleb lyngba ki jyngkhangit ka dukán trei jong
 nga. Da kane ka jingshempap, la tang khyndiat
 eh ba nga la leit khmihlynti, nga la duh ia kaei
 ba nga la iaieh shitom ban ioh,—ka obarkod
 bad katto katne ki kot : bad kham sniew ban
 ia kane, la beh kam ia nga ; kumta ba nga la
 da mysaw da ka ding, ia kaba nga la pyrkhat
 sngewshngaiñ katta katta ba kan "nym lah pyn-
 mysaw ei-ei ia nga."

U Mr Gladding, hadien ka ding, ba u kut jingmut ban kynriah noh sha Bristol, ka Dew-lynnong Rhode, bad ba u la pynieng jingtrei hangta, u la wér ĩa nga ban ĩasynrán bad u. Namarkata nga la iehnob ĩa ka New York, bad la sah ha ka kam bad u kumba shisnem, ha kata ka por ym don ei-ei kaba da donkam kaba la jia. Ha u Rymphang ne u Lber, 1837, la kumno kumno u Mr Gladding u la pulom, bad namar ba la pynbor ĩa nga sa shisien pat ban wad kam, nga la leit beit sha Providence, bad hangta nga la nang mlien la ki jingmlien dih jong nga. Nga la jop ha kaba pyniōh kam ĩa lade ha u Mr Brown, ha ka Lain Iew, bad nga la iōhmad shibún ka jinglehsbun na ki kti jong u. Hangne nga lah, bad nga dei, tói ban leh bha, hynrei tang na ki jingmlien bapynsyrrwa kái basniew-bok jong nga, kiba la nang roi mian pa mian, bad kiba man ka sngi ki ĩai kynshew ka jingpynjynjar ĩa nga.

Ka la leit jia ba, ha kane ka por, kawei ka kynhún ki aktor ka la dang ĩaleh pynikái ha Providence. Nga la kylla ĩa ithuh ithaw bad ki, bad ba la sylla jur da ki ban pynlong ka jingpyrshang ba halor steij, nga la kohnguh ĩa ka jingkwah jong ki, bad la bud ĩa la ka jingsngewdem ka mon la jong hi ha ka jingiādei shaphang kane ka kam. Ka bam lah ba yn khmihlynti ba, haba la ĩadei bad ka steij, ngan lah bud jai pa jai ĩa ka kam ba kham adkar ka longbriew. Lymne nga lah : naba

nga la treí tang pateng pateng ha ka rukom bam thikna, búnsien eh nga da jah treí bún bún sngi shisien jah, bad, kum ka jingmih bam banse ba bud nangta, nga la pynmih daw ía ka jingbamsngewbha u nongaikam jong nga, uba shen-shen hadien u la beh kam noh ía nga na la ka dukán, u da ai daw ía ka jingbam pynleit jingmut jong nga ha la ka kam. Mynta nga la bret lut ía lade tylli sha ka kam steij, bad nga la íoh katto katne ka nám na ka bynta ka rukom ba nga la pynikái ía ka rukom im ki riew-pohjait. Uba phyrnai la nga long, kumba nga pyrkhat shaphang la ka jingim shadien jong nga, la katta ruh, la thoh-nusip ía nga sha ka jingdukha jingmut ; naba, ym slem nangta, ka thĩatár ka la sangeh kam noh, bad nga, ryngkat bad la ki para baĩatrei lem bad kata ka kynhún, ngi la duh kaba íoh bainong baini ei-ei na ka bynta ki jingtrei shitom jong ngi.

Kumta ba la pashat biang pat ía nga sha ka ban wad lad hi noh ía lade ; bad, ryngkat bad ka nám basniew, ka jinglong ki kam ki jam jong nga ki la kham sniew ban ía kaba la ju long baroh shikatta. Nga la pyrshang ban íoh jingtrei, hynrei ym íoh ; bad, la nga la kwah ban mih noh na shnong, ngam man lah ban leh kumta ba duna paisa-pailain. Ki sopti phong jong nga ki la i-jot rathéw, bad la sngew lait pop kaba phong sopti palat ía ka shiriam. Kham sniew ban ía kane, ka jingthrang ka dihiad-thnam jong nga ka la nang jur, bad ba

la kylla mlien jyn duh—ka jingmih nangta lajan bam lah pynhun shuh. La pynring tyrkhong ia nga, sha ka jingkyrduh iap. Ka ram ka shah ia ka jingshong bam-hnai ka la pynpoi sha ka jingpeitkhmat bam sngew-tynnat satia, bad palat ia ka shiwat, nga la ioh ka jingai jingtip babyrngem ban mih iing noh. Ha kawei ka miet la pynring tyrkhong ia nga shaduh ka tmier ki pud, bad nga la kylla duk katta katta, haduh ba la pynbor ia nga ban shu iaid sakma kylleng la kylleng ki surok, naduh mynmiet haduh jan shai mynstep, khnang ban pynsyaid met ia lade. Ha ka jingkhein dohiap babeit sak, nga la kylla leit poi sha kawei na ki jait hotel bapohjait pohrati tam, ha kaba nga la ioh ka iaka shong jaka sah bajynjar mynsiem. Ka la jia, ha kane ka por, ba uwei u briew u la wan jngoh ia ka Providence, uba la kwah ban pynrung kam ia katto katne ngut na ki nongpyni ialehkai na ka bynta ka thiatar ia kaba u la dang mut plie, shipor ar por ha Boston. Sha une u briew, uba ka kyrteng jong u ka la long u Barry (bad uba hadien hadien u la jah, ryngkat bad ka kynhun lut jong u baroh kawei, katba u la dang leit lynti sha Texas), la pynithuh ithaw ia nga ; bad ia uba, ha kajuh hi ka por, la ai jingtip shaphang ka jingkyrduh khait jong nga. U Mr Barry, da ka jingshun kaba u mut bha, u la ong ba un shim ia nga sha Boston bad u, ha ka jingkirkhlieh jong u hi, bad ban pyndonkam la ka bor ka buit jong u na ka bynta jong nga.

Nga la iehnoh ia ka Providence ha ka step Sngi u Blei, bad nga la jop kaba ioh jingaikam ba ha Boston, ha ka Thiatár Sing, ha kaba nga shait pynikái ia ki bynta pynrkhie briew bapohia poh-akor.

Kaba phylla shisha, ka jingwanpaw banyng-kong eh jong nga ha Boston ka la long ha ka long-briew manbriew jong u nongsumar ia ka iing pyrshah kiad, ha ka jingpynikái ba kyrting “Ki Mynsiem ba la khlad ; lane, Ka Kam Pyrshah Kiad Kái,” ba la pynbeit da u Barrymore, ha kaba u Tymmen Basan Moses Grant, u Dr Lyman Beecher, bad kiwei kiwei ki rangbah pyrshah kiad bapaw-khmat, la pynlong kam thamura pynibein-briew. Ha kawei ka jingpyni ba ha kane ka jingpynikái, yn don ka ding ha hotel. La pynphah khot ia nga mynmiet da kiei re kiei ki nongiaid lynti, bad, katba ngan dang iakren saidthma bad ki na ka jynghangit, bad la ka mombati ba la tbeh ha la ka kti, nga leit kum wiang ding ia ki jaiñ pyrda ; uwei u briew nadien jong nga un long ba la kloi bad katto katne “ka jingmehding ba saw hi lep,” katba ki pyrda ki la nang kem ding—ba la pynjhieh da ki umphniang tyrphin—ban pynmeh ding ha ki kynja ba kem ding kloi hadien jong nga ; bad ka jinglehbiria bakongsan jong kata ka jingpyni ka la long, ba habi la wallam ia ka enjin shapoh bad “ka um shisha”—kumta ba ki kot thoh jingpynikái ki la pynbna lypa, kum kaei kaei ba jia kyrpang,—bad nga nga la leit

mih na ka jyngkhangüit ba la jhieh phar rym-phat, da kata ka um ba na ka enjin. Ka la long shisha ka jinglehbiria ba ñiar kum kata ha ki nongwankhmihkáí, bad ha kiwei kiwei de ; hynrei kam long jingbiria ía nga, nga kren shai ía phi. La ai kam ía nga ha ka tulop kaba san dollar shitaíew,—íá kaba ngam ju la íohpdiang, namar kata ka thiatár ka la sangeh noh ha ki khyndiat taíew. Ba la pynduh tulop ía nga, sa shisien pat la pashat ía nga la kum ía ka bol ha ka lynti shnong jong ka pyrthei, sha ka jingleh isnei jong man la ka kjat kaba íaid.

Ka dur ka dar ka riam ka beit jong nga ka la paw pohbriew bha mynta. Ia baroh ka jing-pynlang tyngka barit jong nga la pynlut mar shu íaíohpdiang ; bad, sa shisien pat, nga la poi ha ka kyrduh khait. Kum búñ kiwei kiwei pat, baíashem pap kumjuh, nga la shem, ha ka jingkylla lieng jong nga, ka jinglehsbun na ka kynthei. Ka Mrs Fox, bad kaba nga íabám bnai, ka shemphang bha ía ka jinglong khlem kam jong nga, bad da ka jingbha mynsiem ka la pynbiang ía nga ka iingshong bad ka bám ka dih tad haduh ba ngan da la íoh jingtrei sa shisien pat. Ia kane ha kaba khatduh khatwai nga la lah, ha ka jingtrei u Mr Benjamin Bradley : bad ha ka jingaikam jong u nga la íaineñ tad haduh u Kyllalyngkot, 1838, ha kaba la beh kam biang ía nga. Ka daw ba la ai da u Mr Bradley, na ka bynta ka jingbehkam ía nga, ka la long kaei ba lah ban khmihlynti na ka jing-

tip ia ki rukom jingmlien jong nga. U la ong ba nga la long uba i-pohia eh ka riam ka beit ban i-ia dei ia ka dukan jong u, bad ka la long ka jingsngew jong u, kumjuh kum ka jong kiwei kiwei de, ba nga la dih than palat. Nga la siew ia ka baibam jong nga ha iing ka Mrs Fox haduh kata ka por, hynrei, nga la long biang mynta khlem kawei ruh ka naya paisa, bad nga la don ha ki jingjylliew jong ka jingshem jynjar, tad ynda nga la leit iohsngew ryngkhat ba u briew ba ha Newburyport u la donkam nongsuh-kot, ia uba u kloï ban ai hynriew dollar shitaiew kum ka bainong sngi. Rit la ka long kane ka jingai bainong baini, ñiar eh ba nga donkam ban ong ba nga la kynrup pynkloi ia ka jingai tulop ba la tyrwa, bad da kaba leit lynti shiteng shiliang da ka kali kulai bad shiteng shiliang pat da ki kar kali, nga la rung ia ka Newburyport ha ka por dum jong ka janmiet jong ka 30 tarik u Kyllalyngkot. Ha kawei ka step nga la sdang trei kam ha ka kam thymmai jong nga ; bad, ia katto katne taiew ei-ei, da ka jingpyrshang dukhi khait, nga la lah ban pyllait war ia lade na ka khuri ba pynsyaid met pynsyaid phad. Nga mynta nga la kham thanda shirukom, bad la ai ka jingpynhun mynsiem ia u nongaikam jong nga ; hynrei ka rukom jinglong ha kiei kiei, da ka bam suk kein kam shym la neh slem, naba nga la don ka jingsngew thrang mynsiem ia ka jingialanglok lang jor, bad, nga sngewpangnud ban ong ba shen-shen nga la thaw lok ba ia ithuh ithaw

bad ki paralok ïa kiba la khein ba kin pynjot
 thiaw ïa kino kino ki jingrai jingmut jong ka
 jingpynbha pat ïa kiba nga la thmu. Nga la
 pynïasoh bad ka kynthún ïalang pynlip ding ;
 bad, ym slem nangta, la don pa la don biang ha
 ka lynti bah jong ka jinglong lyngkár,—kaba
 khein sting ïa la ka kam ka jam jong nga. kaba
 pynduh ïa la ka nám babha jong nga,—ïa kaba
 la lah pynjot lypa,—bad kaba pynrew la ka
 met ka phad na ka liang ka jingkoit jingkhiah.

Ka kam ka la nang duna shaduh u Naitung
 jong kata ka snem ; bad, hamar ba ngam lah
 ïoh kamai kat ban biang ban kyrshán ïa lade hi
 ha ka kam jingtrei jong nga, nga la kem kynrup
 sa da kawei pat ka jait kam, bad la rung hapoh
 kata ka jingïapynbeit bad u kapten jong kawei
 ka lieng-tong-dohkha, ban leit lynti duriaw bad
 u arsut ka khongweng bah Chaleur. Ki jing-
 shem jong nga ha duriaw ki la long kiba
 sngew shitom kumno re kumno, kumba yn sa
 ïohi shen hadien ; hynrei ba ym don kano
 kano ka jait kiad halor lieng, la pynbor ïa nga
 ban long thanda, bad kaba, la kumno kumno, ka
 la pyllait im ïa nga na shibún bah ka jingshah
 shitom. Haba, la kumno kumno, nga la leit
 sha ryngkew harud duriaw, nga la shu pynbiang
 na ka bynta ka jingtyngkan jubor jong nga da
 ki jingdih ba haduh shiser shiteng ei-ei, bad ka
 jingleit jngoh jong nga ïa kawei pat ka lieng ka
 la pynbynrap búnsien eh da ka jingïadih khawai,
 lada kumno re kumno leit ïoh ïad-thnam. Ka

jingmih na kaei ba shait ong "ka jingdih buaid",
 ka jingim jong nga ka la long, ha kawei ka por,
 ba la buh ha ka jingmynsaw bajur. Bún bah
 na kiba iashong lieng lem bad nga, ryngkat bad
 nga hi. ngi la iadon halor lieng jong kawei ka
 lieng bamarkhap; bad, ha ka jingialeitphai kylla
 jong ngi mynmiet mynmiet, nga la long, kumba
 lah ia ka ban khmihlynti. uba la buaid jakrak.
 Ia ka lieng la king sha ka rud jong ka lieng
 maswa jong ngi, bad nga la long katta katta
 hapoh ka bor jong ka dih, ba khlem lap ba
 sngewthuh, nga la dem thiah ha trai jong kata
 ka lieng. Kumba ju long ka rukom, katba
 kiba sah jong kata ka lieng ki iadon halor lieng,
 ia u bnoh la pynskhem ha ka ryntieh jong ka
 lieng, ia kaba la patán artet. Ka jingmih na
 kane, katba ia ka ryntieh lieng la kynting da ka
 jingpynkhih kynsan, ia nga la phanang jur
 tynggeh tynggeh, na ka jaka ba nga la dang
 dem thiah, sha ka kjat lieng, bad ka jing-
 jur jong ka jingñiat kynsan ka la pynkyndit
 thret-ret-ret ia nga. Nga la pyrta kyang kliang,
 bad la pynma syrngiew ia la ki lok jong nga,
 tang kat ban iabiang por thik ban khanglad na
 kaba shah bret shabar lieng, bad la pyllait im
 shen-shen ia nga na ka jinglong bama. Ka paw
 ba kim shym la iohi ia nga ha kata ka lieng
 kaba ki la dang iehnoh, bad ki la tharai, ha ka
 jingiaksaid ha ka badum, ba nga la poi suk
 halor lieng. Kumta ba ia ka jingim jong nga sa
 shisien pat la pyllait im da ka jingpyniaid ba-
 stad-kut naneng; hynrei la spain bha khak ia

nga da ka jaiñkup jong ka jingham poi pyrkhat,
ba nga la ïaid lait ïa kata ka kam da i jingpyr-
khat barit jong ka jingsngewnguh.

Bad pynban, ha kane ka por, ngam shym
ñiew satia ïa lade hi ba nga long—ïa kaei, ha ka
jingshisha, ba nga la long—u buaid. Bha eh hi
kein nga la tip na ka jingshem bakthang myn-
siem, ba ka longbriew manbriew, ki jingïoh kam
ïoh báam bad ka jingkoit jingkhiah ba la leit buh
ha ki jingmysaw, la long ka jingmih na ka jing-
ieit jong nga ïa ka ïad-thnam bakhlain. Nga la
sngew ruh kata ka jingsngew suda ba pynpang
shadem ïa nga, bad ka jingïatiplem ka la ïathuh
ïa nga ba nga la don ha ka lynti bah baiar sha
ka jingjot, hynrei ba nga la long ïa kaei ba ki
briew baroh ki la ibein—bad ba nga long ha-
pdeng jong ki uba la i-saitmet—ngam man lah
pynwan ïa lade hi ban ngeit. Nga shait thaw
bún ki daw pynksan lade—nga da ïasaid ïa la
ka kam la jong ha khmat ma lade, kum u nong-
bishar bad ka kynhún ïabishar lang, tad ynda
nga la ïoh, ha ki kti jong nga hi, ka jingpyllait
suk ba mon sngewbha. O, haduh katno tang
khyndiat eh ba u samla u phohsniew ba u dang
ïai shukor ïa lade hi, la ym ïa kiwei pat, katba
dang ïabeh ïa ka lynti ba lam sha ka jingïap
ba kum ka jong nga! U isih ïa ka kyrteng
jong “u buaid,” katba ym don ktien da kawei
pat ka ban ïabit ïabiang bad ïadei thik-thak
bad ka jinglong ba kum ka jong nga.

Ba la pynñoh, ka jingthmu jong ka jingleit lynti duriaw jong ngi, ngi la ãapynkhreh ha ka ban king lieng beit sak sha la ãing la sem, bad ngi la dang ãaphai beit beit sha ka jaka rieh-lieng ha kaba ka eriong bajur ka la khiedew halor jong ngi. Ka la long ka er ba na shathie lam mihngi ; bad ha ka pud bama ka jong ngi shabar la Keb Sable ym don na ngi ban khmihlynti ãa ka ban pynpoi bha ãa ka. Da ki kynta ngi la ãasheptieng ba ngin ngam shapoh shaduh sha trai, bad ñiar eh dang sah jingkyrmen ban pynshngaiñ mynsiem ãa ngi—u kapten hi u da khein ba katto la kut lut baroh. Ngi la lah ban ãohi shynna ãa ka duriaw ba ka bthei jur tynggeh halor ki Mawsiang Brazil, saw mail shiteng na ngi, bad ngi la sdang kie stet sharud ryngkew ; hynrei ha kata ka somoi ba ishyrkhei, kaba phylla ban ãathuh, nga la shah shitom tang khyndiat eh, lada don ei-ei kum kata, na ka jingh r ne jingsyier mynsiem. Ha kaei sha ban pynkit ãa kane ka jingsngew—lane khamtam eh ka jingbamdon jingsngew ei-ei—ngam tip ong ; hynrei kumta de ka la long, ba, na ka jingpyneh snieh tyrkhong lane na kano re kano kawei pat ka daw, ngam shym la sngew sheptieng wat shisohphit eh ruh, la katto katne “ki riewtymmen ba la mlien” ki la ãasyier mynsiem ishyrkhei rem. Nga la shong jajai mynsiem kumba nga kynmaw ba nga la ju leh ha ka jingim jong nga, katba kawei ka jingkhie-dew hadien kawei ka jingkhie-atphyllung ka la lyngshop halor ka

lieng bashroin, ka da pynlong ia man la u dieng
ban riew kriet shi kriet, bad ia ka metbah
hi baroh kawei ban khiih kyiih kir shi kir, la
kumba pynpangmet jur jur. Da ka jingisnei u
Blei, la kumno kumno, ka lycr ka la phai noh
shaphang sepngi, bad tang da kawei ka lyngkhot
lama ba la iehnoh sah bad ngi, ngi la shu
iohlah ia ka ban par noh ia ka ban lait im.

Kane ka la long ka erlong erngit basngew-
shyrkhei. Ki jingpait lieng ki la ialum saphret
saphrong ha ka rud duriaw ; kawei ka lieng ka
la ngam jar shapoh ryngkat bad baroh ba don
halor lieng, tang khyndiat eh ka jingjingai na ngi ;
bad kawei ka lieng ar mustul hastet her kaba
la iamih lang ryngkat bad ngi na ka Khongweng,
ka la kiew ryngkew, bad man u briew u iap.

Ha kawei ka step ha ka por shat jingshai
sngi ngi la ialeit sha ryngkew, bad kumba
shiteng sngi, ngi la iapynhiar angkhor ha ka
khongweng Sherburne, Nova Scotia, ha kaba
ngi la iasah slem kat ban pynbujli ia ka lama ba
la duh, bad ban moramot ia ka lieng ba la jot
jong ngi. Kawei ka jingiohi ba halor lieng
hamar ka erlong erngit, ka la long kaba kum
kata ka jingpynialang lang jong kaba samrkhie
bad ba sngewthala, ba la bynrap ruh de bad ka
jingduna jingtip, jingbamman, bad jingngeit
bieij, ba lah ban mab ia nga ba nga iathuh sha-
phang kata. Ngi la don uwei u rangbah briew
halor lieng uba la budnam katta katta ha ka

jingrunar, ba ngi la khot sin kyrteng ia u, "u Algerine ne u mentuh poh duriaw." Ka jing long riewthala jong u kaba la sha ba sngewshyr-khei palat palat. Ba u bam tip ding-ding-dang-dang, baroh ba u tip shaphang ka jingdwai na ka jingthoh Bakhuid, ka la long ka dkhot banyngkong eh jong ka lynnong banyngkong eh jong ka Kitab Jenesis, bad ka shibynta jong ka jingong banyngkong eh na ka Jingdwai u Trai. Hamar ka por babha ka bneng, u la long u riewkopia bakhraw bad u riewthombor ; haba ka eriong ka la nang jur haduh katta katta ba ngi la don shisha ha ka jingmysaw, u la sdang ban pyni dak ia ka jingsheptieng, bad shen-shen ngi la iohsngew ia u ba u kren thnum, "Ha kaba mynnyngkong u Blei u la thaw ia ka bneng bad ka khyndew—O—O u Kpa ba ha bneng—O—ngin sa ngam jar—O—O—O—. Ha kaba mynnyngkong—O—ka jing-pyniap briew—U Kpa jong ngi uba ha bneng." Haba ka lama khmat ka la hér noh, la hukum ia u da u kapten ban leit shabar bad uwei pat u briew halor ka dieng ryntieh. "Em—ngan nym leit—U Kpa jong ngi uba ha bneng—Em—ngam treh,"—bad hangta u la thiah tar-ly-tar u Jake bapli halor madan lieng. "Khie joit, me, yiw u jaituh," la ong u kapten. "U Kpa jong ngi uba ha bneng," la ong uta u Jake. "Phi donkam ban da sdang da u syrdoh tyllai ha tduh," la ong uta u kapten. "Ha kaba mynnyngkong u Blei u la thaw ia ka bneng bad ka khyndew." "Yiw ka bieij ! khie joit ! phin

shah shop nalog lieng," la ong u kapten. "O—O—U Kpa jong ngi uba ha bneng." la ong u Jake, katba u la nang pár sha kawei na ki lyng-wiar jingang jong ka madan lieng, bad u la snoh iaiap ia kata da baroh ar ki kti. U Jake bapli! Nga tharai nga iohi ia u mynta, katba, tói hapdeng ka jingkhie duriaw baradbah bad ka jingma shimet shimet ka jong ngi. ngim lah khlem da iarkhie. Ba uba khlem bor tdit-tdot da ka jingtieng iap, baroh ba ngi la lah ban ioh na u ka la long, "Ha kaba mynnyngkong," lane, "U Kpa jong ngi uba ha bneng,"—bad ka smai ka spod de teng teng, ba la bsuh ktien de hateng hateng da ki jingud basngewngiew tam ki "O" shi "O." Bad kumta ka la long tad haduh ba ka erlong erngit ka la thanda jai. Haba ngi la iadon khlem lei-lei shuh ha ka Jakariehlieng Sherburne, ba la iashong ha ka miej bad la ki jingdiñ kopfi bad ki doh ata ba la sdieh da ka khlein, uwei na ki rangbah u la ong, "Jake, kaei kato kumto shaphang i kpa jong phi?" uwei pat, "Jake, haw iathuh kai ia ngi kaei kaba la long ha kaba mynnyngkong;" bad ka jing-iabiria ka la nang iaid ter shi ter, tad haduh ba u lajan khie lamwir da ka jingdom, bad kumta u la byrngem ia ngi, ba ngi la iapyrkhat ba ka bha ban shu iehnoh noh ia u marwei hi; hynrei i jingkren barit ria eh shaphang "u kpa" u Jake ne sha "kaba mynnyngkong," ka la biang ban pynkhie bitar shla ia u la ha kano kano ka por pat hadien habud.

Ngi shen-shen ngi la iaking lieng, bad nga la poi ha Newburyport ha ka Sngi u Blei banyngkong eh ha u Naiwieng, uba sngewbha bha ban ioh laitluid na ka jingshahteh koidi ha ki lai bnai shiteng, ha ka lieng rit kaba kit sanphew ton ka jingkhia.

Sa shiwat biang halor ryngkew, nga la leh-smat ban trei ha la ka kam ka duk jong nga hi, bad nga la leh kumta shipor bad u Mr Tilton. Ym slem hadien kata ba nga la rung noh sha ka jinglong shongkurim kupái, bad nga la sdang kaba sumar iing sumar sem, ynda la ioh kamai kat ban biang ha ka jingleit lynti duriaw jong nga da kaba khwái bad tong dohkha bad ioh thied ioh tda katto katne ki jyngbuh jyngsat ba ikyntiak Ha ka pud jinglong thymmai jong nga nga la dei tói ban leh bha, naba nga la don kawei pa kawei ka jingkyrmen ia ka ban nang kiew, ban nym dei na ka bynta ka jingthrang lok thrang jor eh ka jong nga, ia kaba, wat la nga la don la ka iing ka sem la ka jong, nga la shu dang sngew hi. Wow ko mei ! da kaba klet noh ia ki kamram ka iing ka sem ba dei jong u tnga, sa shisien pat nga la pynsuhsat ia lade ha ka jár jong ka jingim pathár ki lok ki jor, kiba ki jár riam ba shet pyniáp ia nga ki la khúm la syrdoh ia nga ha ban da suhsat ; bad ki la pynlong ia nga u bam bit shuh na ka bynta kata ka jingseibor basmat basting ia kaba la donkam eh ar ban shuh shuh mynta.

Nga la ĩaineh ha la ka kam ka dam jong
nga tad haduh u Jyllicw, ha kaba, ba ka kam
ka jam ka long ba lam long lamh  r, sa shisien
pat nga la ĩai leit ka leit khw  i doh, bad u
kynum uba shipara bad ka tnga jong nga,
u kapten jong ka lieng, sha ki Khongweng jong
ka Fundy. Nga la ĩajah jngai ha kane ka kynti
tang kumba hynriew taiew, bad la ĩawanphai
khlem mynsaw ei-ei, khlem da ĩakynduh bad
kano kano kaba donkam ĩa ka ban ĩathuh.



LYNNONG VI

HAMAR ka jingsah jong nga ha Newburyport, ki jingsngewshoh jingmut basngewkhia mynsiem khynnah khūnlung jong nga khyndiat khynsoit ki la wan khie im biang ha kawei ka kynti, bad nga la sngew katto katne ki jingkynthah sni jong ka jingiatiplem na ka bynta ka jingkheinsting jong nga ia ka Sngi u Blei bad ia ki jinglehniam lehrukom riewblei. Nga la sdang biang ka leit jingiaseng sha ka jaka iingmane bad shipor nga la leit sha ka iingmane u Rev Mr Campbell, da uba, kumjuh ruh da bún ki riewdkhot jong u, la lehsbun shibún eh ha ka rukom ki Khristan. La khot sngewbha búnsien ia nga sha iing u Mr Campbell, kumjuh de sha ki iing ki sem jong katto katne na kiba leit sngap ia u, bad ka paw kumba ka jingphai lynti ne ka tmier kylla bha ha ki jingshem kupar jong nga ka la wan poi. U Mr Campbell u la long uba bha sat ban pynpaw ka jinglehkitkhia bakhraw eh ha ka jinglong jong nga ia ka ban bha, bad búnsien u la ju pynpaw ka jingkyrmen ba ngan lah, la la iáw ha ka rta, ban ioh ka jinghikai skul. Bad ia kane ngan jin da la ioh, ban nym dei ba u ksuid sniew jong nga u la khanglad khang lynti ia ki jingpyrshang jong nga ban ioh kaba kum kata ka jingthmu ba dei ban kwah. Ka jingkwah jur jong nga ia ki jingdih bapynbuaid bad ia ka jingialanglok imat kumba ki wan pynmih ka jing-

khanglad bam lah ban ryngkang sha baroh ka jingnangpynsan pynroi ia nga ; bad hadien khyndiat taiew kawei pa kawei ka jingangnud ia kiei kiei kiba kham bha ka la shu jah noh la ka jah ; man la i shylluit jong ka jingai jingtngen ba la kular la khñiot triap-riap-riap. Sa shisien pat nga la pynsngewsih ia u Mynsiem uba la iai ialeh bad ka mynsiem jong nga, bad ym slem nangta ba nga la kylla long uba kham kyrni sha ka jingpyn-donkam ia ki jingdih ksuid dujok kiba la trei kam lypa ha nga ka jingpynkordit ba haduh katta katta ban ia kaba ha kano kano ka por bamynshuwa jong ka jingim jong nga.

Bad mynta ki pud longbriew jong nga ki la sdang ban long dukhi khait shisha shisha. Leh-noh-ei la long ki jingpyrshang jong nga baroh ban ioh jingtnei ; bad khatduh khatwai nga la kylla ring raikhoh haduh ka shyieng bad ka snep ba teng-teng ngam sngewthuh sngewthaw shuh, ba haba la lut kawei ka jyngbám, ngam tip shuh sa hangno pat ha ka snieh pyrtnei baíar ba ngan lap sa ia kawei pat. Ki jingpynjynjar sat shuh shuh ki la dang iai ap ia nga, bad mian pa mian suki pa suki nga la sdang kylla tipbriew shaphang kata. Ki samla shynrang bad kiba nga nga la íasoh lok ha ki iing dih kiad, bad kiba la kham phong jaiñ kham bha khyndit ban ia kaba nga lah ma nga, iwei hadien iwei pat ki la sdang ban ieh kaba leh ithuh ithaw

ĩa nga. Lada jĩa ba nga ĩaid ha ki surok
 paidbah, nga kloī-lan nga la lap kem ĩa ka
 jingpeit khmat badait-thah slam jong ki sha
 nga, ka khmat ba peit noh shawei, ka jing-
 leh ithuh ithaw ba tang ban dep wut-wat;
 bad sha ka mynsiem ba thut-shen kloī, kumba
 nga don, kaba kum kata ka jingleh ibeīn briew
 ka la long lajan sha ba palat ka bor shah jong
 nga. Ban pynlang sha ka jingshah pynsuhsat
 mynsiem ba la pynlong da kiba kum kine kiei
 kiei, ka la leit jia ba kito kiba la rkhiē pa-
 shait tam eh ha kiba būn ki jingĩathuhkhana
 barit ria bad jingrwai jong nga, bad kiba la
 ĩalehlok lehjor la biang bha bad nga ha ka
 kamra dih, ki la long kito kijuh hi ki khmat
 shynrang kiba la paw imat kiba lehraiĩ tam ĩa ka
 ban leh ithuh ithaw biang bad nga. Nga la sngew
 ba la isaitmet ĩa nga da ka kynhún ba long
 donburom jong ka kynhún ĩalang jong nga ruh;
 bad shisien ha kaba kyrpad ĩa uwei u khynnah
 samla ban ĩaĩaid synrán bad nga ha ka jingĩaĩaid-
 kai, u la pyntip ĩa nga ba i kpa jong u i la
 mahám pyrshah ĩa u kaba ĩalang lok lang jor
 bad nga. Kane ka la long ka jingkren kynthah
 bathar bad pang, bad nga la sngewshonkhia jur ĩa
 kata ban ĩa kaba lah ban batai da ki ktien.
 Bad hato nga lah ma ban sngewphylla ĩa kata?
 Ēm. La nga la lah ban pyndonkam ki ktien
 pynkthang mynsiem pyrshah ĩa uta u kpa,
 ka jingĩatiplem jong nga ka ĩathuh ĩa nga ba
 um shym la leh ei-ei kaba palat ban ĩa la ka
 kamram hòk jong u kum u kpa ha kaba khang

ãa la u khún la jong ba un leit rung sha ki
 jingmlen baleh pathár ba kum ki jong nga.
 O, katno sien ba ka la pynpyrkhat ãa nga bad
 pynkynmaw kthang mynsiem ãa nga ãa shibún
 kiba la leh shadkmen ha ka jingwanpoi jong
 nga ha ka kynhún ãalang ka jong ki kum kawci
 ka jingjia bapynkmen mynsiem. Ki jingkren
 ãaroh jong ki ki shait sawa pa sawa biang ha
 ki shkor jong nga, bad ki jingíarkhie kynha
 shaid shi shaid kin ãai kynud pa kynud biang
 ha ka kamra thiah ba la iehnoh kynjah ka jong
 nga ; nangta ka shait bud ka jingkynjah jlang,
 ba la pynwit tang da ki jingtied kyndeh jong
 u klong-snám ba la shah pynjynjar jingmut
 jong nga, kaba la pynsngew ba kata ka rong
 phyrnai jong ka jinglong riewdonburom surom
 ka la nang jah lngaid noh, bad ka la thad-rong
 shabar ãa ka jinglong seiksai jaiñjot jong nga.
 Ban pynngop ãa kine ki jingpyrkhat kylla bha,
 nga shait dih, ym namar ba nga bang ãa ka
 jingmad jong ka kiad, hynrei ban kylla bieij
 iop-kyr-iop da ki tдем jong ka kat ban pyn-
 kynjah jar ãa ka jingsngewsih khuslai jong nga
 ha ka jinglong-klet shiteng shiliang ; na kane
 ka jingshoh samthiah mutlop bapynjynjar
 jingmut nga shait kyndit bynriew sha ka jingtip-
 briew ba kham dap pura ãa ka pud jinglong
 jong nga, bad sa shisien pat nga shait beh noh
 ãa la ki jingpyrkhat kylla bha jong nga da ka
 jingdih kiad.

Ha kata ka por la im ha Newburyport

uwei u Mr Low, uba la long u nongdie iad-rot, bad nga la pynlut bún bún shiling ha ka pata kiad jong u ; u la tyrwa jingmut ia nga ba un pynthied tiar pynthied tar katto katne, bad ba nga lah ban sdang ban trei ka kam trei suh-kot suh-sla kum la ka jong hi, da kaba shu siew khyndiat pa khyndiat ia u. U la leh de kumta ; bad nga la pyrkhath ia kata ba ka la long ka kam lehsbun kaba khraw shikatdei ha kata ka por, bad shipor ar por de hadien habúd, tad ynda nga la shem ba u la ioh ka jingsiew na nga na ka bynta ki tiar ki tar ia kiba um ju la siew mynno mynno da lade hi, bad la háp pynsiew ia nga ia ka jingkhein jingdiah ba u shem ba um lah iapynbeit pynbiang satia. U la shim kyliang wat haduh hynñiew-phew san dollar na nga hadien ba nga la soi ia kata ka jingiateh kular, ia kiba ym shym la siew shuh lano lano. "Kaba kum kata long ka jingim."

Pyrshah ia kata baroh kaba la jia, ka nám babha jong nga kam pat shym la shu iaid jngai noh katta katta katba ngan nym lah jop thiaw hadien, da ka jingiarap jong ka jingtrei smat ba ialong lem baroh bad ka jingbuh jingmut ha la ka kam ka jam jong nga. Nga la long u riewtreikam uba tbit bha, bad ngam shym la shem jingeh ei-ei ha kaba pynioh kam pynioh jam, bad ngam don wat tang shisohphit eh ka jingartatien, ba ngan dang jop hi ha la ki jingpyrshang jong nga ban nang iaid shaphrang

ha ka pyrthei, hynrei tang na ka bynta ka
 jingieit bajynjar jingmut jong nga ãa ki jingdih
 bapynsngewshongshit, bad ka jingthrang lok
 thrang jor. Nga la long mynta u kynrad jong
 ma lade hi ; baroh ãa ka jingpynwit jingteh
 jingkhúm la weng, bad, kumba lah ban khmih-
 lynti, nga la lah ban leh katba nga mon nga
 mon bad la ka dukán trei jong nga hi. Nga
 la kylla long thurmur, búnsien nga la don ha
 ka pata-kiad ha ka jaka ba ngan dei ban don
 ha ka jingsuhkot jong nga ; bad ha ka jaka ba
 ngan pynlut la ki janmiet jong nga ha la ãing
 la sem, ha kaba pule ne ãakren ãakhana, lajan
 baroh la shu pynlut kái ha ka jingãalang tang
 bad u bitor-ïong, uba la long lajan u blei-ïing
 blei-sem jong nga ba tang ma u hi uwei. San
 bnai nga la sah ha ka kam, bad, hamar kata
 ka por kaba lyngkot, nga mian pa mian nga la
 nang ngam nang ngam bad hiar ha ka kyrdan
 ka jinglong briew. Nga la long mynta u mráw
 jong ka jingmlien kaba la kylla long ka kynrad
 jong nga nadong shadong ; bad kaba la dait
 pynskhem la ki bniat bam don jingpangnud
 jong ka ha ki dkhot met ba bat ãa ka jingim
 jong nga hi. Ka jingpyrkhat ka la long kaei
 kaei kaba la pynsat syllang. Haba nga la
 kyrtiang dien, ka jingkynmaw ka la wan pyni
 ki dur ki dar jinglong jingim ba ishyrkhei ha
 ki jingruid dak jong ka thylliej ding stem
 bapyni-ngiew ; bad, man ba nga nud khmih ap
 kyrmen ãa ka lawei, ka jingkyrmen ka kyntait
 war ban ai jingshai. ãa ka lynti ãaid stet jong

nga. Nga la shong ha kawei ka Mynta ba-
ishyrkhei ; khlem kano kano ban pyntngen
mysiem ia nga,—ei-ei ruh ém ban kdew lynti
ia nga shatei shaneng sha ka jinglong ba kham
bha.

Nga la tip shynna bha ba nga la dang iaid
shaphrang ha ka lynti banoh da arsut sha riat,
bad kaba kám lyngba ka duriaw jong ka
por, kum ban ong, halor ka jyngkieng bama
syngiew kum kata ha kaba la ong hana ba ki
nongbúd u Mahomet ki la dang dei rung sha
ka paradais. Ka jingsngewngiew ka la iai don
sah ba kano re kano ka basniew ka la dang
ieng ap, ka ban sa háp shen-shen halor ka
khlieh ba la aiti ka jong nga ; bad nga shait
khih kyíuh bad khynñiuh-met, sngew kumba
ka waitlam u Damocles, ba la sdien pynap
tang ha iwei i shñiuh, kan sa nang háp ban
khrái pyndkut na u pdot jong nga.

Ki jingmahám kim shym duna ; hynrei
kim shym la don jingawa pyntieng ei-ei ia
nga. Nga la ia ithuh ithaw jan bha eh bad
uweí u samla briew ba ha ka nongbah, bad
nga kynmaw bha ia ka jingwan jong u sha ka
dukan jong nga ha kawei ka step, bad ba u da
pán kylliang khyndai suka, da kata ba un ioh
thied kiad rem. Nga la shah ia u ban ioh ia
kata ka paisa, bad ia ka jingdih iad-thnam la
pynlut khoit shen-shen hadien. U la kyrpad
ia nga ban nang ai shuh sa khyndai suka kaba

arsien, hynrei nga la kyntait war ; la katta ruh hamar i jingjah shipor jong nga, u la dih katto katne ka iad-thnam, kaba la don hapoh u bitor ba ha ka dukán, bad ba la shait pyndonkam da nga ha ka jingtrei jingtah jong nga. U la leit noh, bad kaba bad ba nga iohsngew shaphang jong u, ka la long, ba u la iap shen-shen hadien kata. Kaba kum kata ka jingleit jia basngewngiew ba kum kane ka la dei tói ban treikam bad ngam bha hapoh ka jabiengkhlieh jong nga ; hynrei ka jingiaibrái ka lajan thaw jingda-trab ia nga pyrshah ia ki jingpynsngew ban mut hok noh kumta. Nga la long, ban iathuh ia ka jingshisha, ha kane ka por, ba la nang kham ngam bad ngop jylliew ha ka jingpynpohdor ban ia kano kano pat ka por bamynshuwa, ia kaba nga lah ia ka ban bat jingkynmaw.

Ka rukom jong nga mynta ka la long ban thied brandi ia lade—kaba, na ka jingrit jingioh ka jong nga, ka la pynlong ka jingai jingbatai basniew jew tam—ba yn buh sumar ia ka ha dukán, ha kaba, khyndiat pa khyndiat, nga la dih ia ka, bad la iai dem buh ia lade ha ka jinglong jong ka jingsngewshongshit. Kane ka rukom jingleh ka la pynlong ia nga bam bit ding-dang ia ka kam khai-pateng ; bad ym ba kam jia búnsien, ba haba nga la don ki kot ki sla ban suh, ha ka jaka ba ngan trei la ka kam ka jam, nga shait pynap ia ki nongphah suh, katba ngan nang iadon lang bad ki paralok

parajor ba ialong pathár. Nga la dih lajan baroh shisngi plot, sha ka jingpynduh khyiit khoit ia ki lad ki lynti jong nga ia ka ban nang kiew. Kumta tylli lut ia lade nga la ngam ha ka dih, ba kito kiba na ki paralok jong nga kiba la mutdur ba ki dang iohbat kynti ia ki jingdawa ia ki jinglong riewdonburom, mian pa mian ki la nang pynkynriah noh ia lade na ka jingialang lok bad nga. Ha la iing ruh nga la ju buh sumar shibitor ka iad-rot, kaba nga sngewdonkam lynter. Da shisha kein, leit kat sha ba nga leit, ka jingdih pynshit snám nga dei ban ioh bad nga ioh de kein. Uba kum uta u mráw ia ka kiad nga la long, ba nga la iai leit wad ia ka barobor, bad sep-ei ka jingpyrshang baroh ba nga la pynlong hateng-hateng ban jop ia kane ka jingmlien bapynhiar kyrda briew. Nga la kylla long u kpa ; hynrei u Blei ha la ka jingisnei jong U u la pynkynriah noh ia i barit jong nga ha ka rta ba dang khynnah eh, ba ngam shym sngew satia ia kata ka jingduh kumba ngan jin da la sngew lada i la im kham slem shuh shuh bad i la iohbat ia ki jingsngewieit jong nga.

Kawei ka jingjia mynta ka la iaid 'kaba la kem ia ka jingmut jingpyrkhat jong nga, bad ka la ialam ia nga ban pyrkhat kylla ia la ka pud jinglong briew, bad shano ba nga dang mareh stet. Ia kawei ka lekshor la pynbna ba yn ai da u Mr J. J. Johnson, u buaid banyng-kong eh ba la pynkylla bha uba la wan jngoh

ìa ka Newburyport, bad la wér sngewbha ìa
 nga da ki katto katne ki lok kiba imat don
 jingsngewtynnat, ban leit sngap ìa kaei ba u
 la don ìa ka ban ong. Nga la kut jingmut
 ynda nga la pyrkhat katto katne ban leit sngap
 ìa kaei ba yn ong ha kata ka subjek. la
 ka jingialang la pynlong ha ka ìingmane
 u Rev Mr Campbell, ìa kaba la shlei bha phok.
 Nga la leit sha jyngkhang, hynrei ngam treh
 jám palat : hynrei ha ki shiphew minit ba nga
 la ìeng hangta, nga la ìohsngew ìa u nongkren,
 ha ki ktien bashai bad badonbor, ba u pyniohi
 ìa ka jingjynjar jong u buaid, bad ka jingmih
 basngewngiew jong ka jingleh jong u, baroh ar
 na ka liang ba ka ktah ìa u hi bad ìa kito kiba
 don jingiasnoh bad u. Ka jingiatiplem jong
 nga ka ìathuh ìa nga ba u la kren ìa ka jing-
 shisha—ìa kaei ba ngam shym la shah jynjar ?
 Nga tip ba ka dei, bad nga la phai ban iehnoh
 noh ìa ka ìingmane, ha kaba uwei u samla u
 la tyrwa ìa nga ka jingkular smái ban soi. Ha
 ka jingshisha nga la phai ban soi ìa kata ;
 hynrei ha kata ka khyllipmat syier mynsiem,
 ka jingthrang ìa ka ìad-thnam, kumba ka la
 kut jingmut ban leh jop halor jong nga, ka la
 khie wan jur ha nga da ka bor bah baroh. O,
 katno ba nga kwah biang ìa ka ! Ba nga
 kynmaw ba don shikhuri ka brandi ha ìing,
 nga la pynsangeh noh kaba soi, bad la buh-teng
 sha “ka por ba kham bit kham biang,” ka
 jingleh tòì ka ban da la pyllait ìa nga na kaba
 bún katta ki jingklusai jingmut shadien. Nga

la kumno kumno nga la iasuk jingmut noh
ha kane ka kam bad ka jingiatiplem la jong,
da kaba kut jingmut hapoh mynsiem ba ngan
dih noh ia kata ka kiad ba nga la dang don
bad nga, bad nangta ban *tharai* ba ngan iehnoh
noh ia ka jingpyndonkam jong ka umdih ba
la tim jynduh artat.

“Pyrkhat ia kata !” O, ban da nga *la leh*
noh hangta hangta hi, ka jingjynjar ba katno
ngan jin da la lait ha ki sngi ba hadien habúd !
Uwei un jin da la mutdur ba nga la dap shoin
da ka jingjynjar mynsiem, bad ba ngan jin da
la sngewbha ban shad kmen bad kem kynrup
ban ksoh bat la ia kano kano ka kti ba pyllait
kaba lah ia ka ban knér. Hynrei, ém ; kaba
kum kata kein ka bor synshar ba ka kiad ka la
ioh bat ia nga, ba la ialam mráw ia nga katba ka
mon. Ka la pynjot pynrew ia man la ka bor jing-
khlain, bad ka lajan pynduh thiaw ia kata ka
jingkwah ban im kham bha ia kaba nga la ju
don. Nga la sngew pohjait khait ha la ki jong ki
khmat, bad, ba nga la duh khoit ia ka burom
surom briew la jong, nga la kylla duk, u jyingthaw
ba i-pohjait briew, ñiar uba bit dor biang ia ka
ban pyrshang pynkylla thymmai pat.

Hato nga la ju pyrkhat shaphang kata ? O,
ém. Nga la klet jak ia ki jingshon jingmut
ba la pynlong ha nga da u nongkren ba ha
kata ka janmiet ba nga la dang shu kdew.
La katta ruh, nga la pynjaw sat *lamwir* ia ka

khuri iad-thnam, bad da kaba stet ka jinglong
briew jong nga ka la nang kham sniew kham
sniew ban ia kaba mynno mynno. Shen-shen
nga la sangeh ban pyrkhath shaphang jong ka,
naba ka jingthrang jur jong nga, ba long kynrad
kum u diengduh u Aaron, ka la klún tylli ia
man la ka jingpyrkhat bad jingsngew pyrshah
ia ka.

Ka kam jong nga mian pa mian ka la nang
sniew nang sniew, bad khatduh khatwai ka
met ka phad jong nga ruh ka la nang rew katta
katta, haduh ba wat lada nga don eh ka mon,
ngam don shuh kata ka bor ban pyndap
pynbiang na ka bynta ki jingdonkam ba man
ka sngi jong nga. Ki kti jong nga teng-teng ki
ju khynñiuh kyüuh haduh ba ngam man lah
trei pyndep bha shuh la ka jingtreikam ba
khamni ba iadei ia ka kam jong nga,—kaba
pynjilih bad suit-rong ksiar. Kumno ngan leh
te ban 'thoh' beit, bad la ka kti ba, mehding
bad ba khih-kyüuh na ki dâw jong ka jingdih
than. Teng-teng, haba ka long kaba da donkam
eh hi kein ban pyndep phloiñ ia kano re kano
ka kam, nga la shu rung ia ka dukán da kata
ka jingkut jingmut ba pyrkhing triang ban nym
dih shijáw tad ynda nga la pyndep la ka kam.
Nga la sngewkthang mynsiem ba ka jingbamlah
jong nga ka la long ka dâw jong ka jingiakren
haneng harum hapoh shnong poh tháw, bad
kata ka jingsngewlehrañ suin bamehding ka
shait pynsáw kyr-ang laiñ ia ka rengmat ba

khynñiuh rih ka jong nga, ha kata ka jingsngew-
kynduh ba la ibein ãa nga da ka kynhún
riewdonburom jong ka kynhún ãalang. Hynrei
kine ki jingsngew ki la ãaid lait noh kum u lyoh
step ne ka umjer dang step phyrngab, bad nga
la ãai beh thong ha la ka lynti rim jong nga.

Kumba ha kane hi ka por nga la ãohpdian
kawei ka shithi na u trái nongpynñaid jong
kawei ka hotel bad ka Hol ha Lynn, kaba khot
sngewbha ãa nga ban leit shata, bad ban ai ar
tylli ki jingpynsngewbha ha kane ka Hol : ma
u ba un shim ãa ki jingmih na ka banyngkong,
ma nga ban ãoh ãa ka baar. Nga la leit, bad
la wanphai bad da kumba lai dollar, kum ka
jingmih nangta. Haden kata nga la leit sha
Lowell, Haverwill bad Amesbury, ha ka kynhún
kaba bad u Stanwood bad u Warren. Nga ai,
kum i jingpyni phylla, shikopi na ka kot rim
bapynbna briew ba ha ka kti jong nga :—

KA KONSAD HA AMESBURY.

U Mr W. G. Stanwood bad u Mr C. War-
ren da kaba burom ki pyntip ãa ki mem bad
sahep badonburom jong ka Amesbury, ba kin
ai kawei ka *Konsad* ha *Franklin Hol*,

—* LASHIBIT KA MIET, Lber 22 tarik,
na ka bynta ban pynithuh ia ka ACCORDION
kumno yn pyndonkam,—kumba la pyrkhath da
shibún ba ka long ka tiar put tiar tem ba ym
lah put lah tem. Ka jingíalehkai kan kynthup
ia katto katne na ki sur jingrwai baíabang
paidbah bha na ki jaka pyni paidbah ba dang
shu pynmih shen eh.

— — — — —
U MR JOHN B. GOUGH.

U nongrwái ba la pawnám na ki Thíatar
New York* bad Boston, ruh un wan mihpáw
ha ki jingrwái ba íabang tam eh u paidbah.

— — — — —
KA PROGRAM

BYNTA 1.

Hei risa, Columbia !	<i>Ka Jingspel—Ka Jingphoh-</i>
Yankee Doodle	sniew u Khyannah Riew-
<i>Jingrwai—latchkurim</i>	lieng.. <i>Gough</i>
... <i>Gough</i>	Bünsien ha ka Miet Jarjar.
Iing Baicit.	Ka Jingíaid shakhmat ha
	"Massaniello."
Ka Khoros Nongbehmrád	<i>Jingrwai—Apollo Glee Club</i>
	... <i>Gough</i>
<i>Jingrwai—Ka kynhún íaid</i>	Keinnoh bad ka Jingdiaw
um... <i>Gough</i>	Mynsiem l—
U Kinloch ka Kinloch	Bad ki jingpynkylla.
Ka Shad Sawangki Sweden	Ka Lynti Khongwiang.

* Nga la rwai dang tang kawei ka jingrwái
ha ka thiatar New York, hynrei ía kane la pyn-
rung ba kan kham trei-kam.

BYNTA II

Ka Shad Sawangki Stanz	<i>Jingiakren</i> —Hapdeng u Yankee. u Nong-Holland, u Phrensh, u Ireland, shaphang ka bām ka dih ka kren ka khana... <i>Gough.</i>
Ka Wood-up	Ka Shad sawangki Cinderella.
<i>Jingspel</i> —Alonzo bad Imogene... <i>Gough.</i>	Ka jingjām stet ka kynhún rwai rnong.
Ka jingjām stet Bayadere	
<i>Jingrwai</i> —U Riewlehraiñ bieji... <i>Gough.</i>	<i>Jingrwai</i> —Ka lew Bartholomai... <i>Gough.</i>
Ka Jingjām stet Samthiah Ruma	Ka Jingjām stet ki Nongap Hull Street.
Ka Jingput eng u Nongkhwaidoh	Ka shad sawangki Copenhagen—bad ki jingpynkylia.

—Ki Tiket 25 naya paisa ; Ki Khyannah shiteng dor. Lah ban ioh ha jyngkhang.

* * Ki Jyngkhang ki plie ha ka por 7—ka jingialehkai
* ka sdang ha ka por 7 shiteng.

La ngi la ai ãa ki nongsngap ka list ki jyngbām jyngdih babang bad babha na ka bynta ka

jingsiew tyngka jong ki, bad la ngi la ialeh katba kot ka bor, tang khyndiat khynsoit eh, lada la don satia, ba nga la ioh jingmyntói na ka liang paisa tyngka, bad nga la leit phai kylla sha ka rukom im barim basngewsuh-sat. Sha ki huit aü ba nga la liat, ban buhrieh la ka jingmlien basniew jong nga ia ka ban pyndonkam ki jingdih ba pynbuaid !

Bún-búnsien nga la shim u khiew, bad shi-pela ka iad-thymmai ha ka, ba la thied ha kano re kano ka sem die-kiad. bad nga la khleh kumba shibynta na ka lai bynta ka um katba don ka kiad ha ka, ba na ka pom shnong, ba ha ka Jaka iaidkai Iew, khnang ban pynngeit ia ki briew ban pyrkhat ba nga dih tang ka um suda. la kane ka jingkhleh nga shait rah sha la dukan, bad, da ki bún-bún sngi, kan long tang ma ka ka jingdih pynsyaid. Ka jingmih na kane ka jingmlien, kan pynlong ia nga ba nga shait iohthiah búnsien búnsien lane, lada nga kyndit-byrniew, ngan long ha kaba kum kata ka jinglong kaba shiteng-ruma, haduh ba kano kano ka kam ne jingseibor ba da kano kano ka jait ka long ka bam long iakren ; bad ki sngi jong nga ki la shu ring lwait kumta. Teng-teng nga lajan sngewkwah ba ka jingim jong nga, bad la ki jingjynjar jong ka, kin kut kin wai noh.

Ki nongpule kin kynmáw ba nga la kdew mynshuwa shaphang ka para jong nga. Ka la

lah shongkurim la kumba katto katne por, bad ka la dang sah iing ha Providence, R. I. Ha kawei ka sngi nga la ioh shithi na ka, ha kaba ka la iathuh ba ka la shah shitom jur da ka jingpang set-khmut bajur, bad ka la kyrpad ba ka tnga jong nga kan leit jngoh ia ka, na ka bynta ban sumar ia ka bad ia i khúnlung jong ka. Ka tnga jong nga ka la rái ia ka ban leit. Nga la leit on ia ka kat haduh ki kali, bad nangta nga la wanphai sha la iing. Ka la long ka kynti kaba nyngkong eh naduh ka jingshongkurim jong ngi ba ngi la ju iasah khlad, bad ka iing ha nga ka la i-kynjah bad pynsngew bláw.

Nga la pyrkhath ba ngan nym leit trei ; bad ka jingsngewkwah bakhráw ban sah ha iing ka la wanpáw ha ka dur jong u nongshún jong nga,—ka kiad India sepngi,—ia kaba nga la don pahuh ha iing. La ka step kam pat shym da iaid jngai, nga la shong khop, ngi da thmu ban nym leh ei-ei tad haduh ka por bám jamiet. Ngam lah shong marwei khlem ka kiad, bad nga la dih kawei ka klat hadien kawei pat, tad haduh ba nga la sngewshoh bieij iop-kyr-iop kat haduh ba la pynbor ia nga ban dem thiah noh ha jyngthiah, ha kaba nga la iohthiah shen-shen ngai-ly-ngai. Haba nga la kyndit, ka la long slem shaduh ka por nohphaisngi bad nangta, kumba nga la pynkohnguh ia lade, ka la dier than eh

ban pynbha ia ka kam basniew shisngi. Nga
 la khot sngewbha ia uwei u paramarjan, uba,
 kum ma nga hi, u la long u briew bad ki
 jingmlien bam long adkar, ban pynkut ia kata
 ka janmiet bad nga. U la wan, bad ngi la
 iashongkhop ban iadih kiad, bad ngi la iadih lang
 laitluid bha tad haduh ba la miet ngain kata ka
 miet, ha kaba u la kylla iaid shen-shen-shen sha
 la iing ; bad uba la buaid katta katta nga
 la long, ba ha kaba khie kynriah ban leit
 thiah noh, nga la kyllon ruh-pong-ruh halor ka
 miej, la pynpait ka sharak, bad la dem thiah
 halor madan shiphang, khlem lah khie.
 Khatduh khatwai nga la lah ban leit sha
 jynghthiah ; hynrei, O, ngam lah ioththiah, nga
 shu thiah-rot patung pateng, naba u buaid um
 ju tip ki jingkyrkhu ia ka jingthiah jahthait ba
 khlem jingpynwit. Nga la kyndit ha ka por
 miet bad ka jingthyngsang bapluh shapoh. Ka
 shyntur jong nga ka la tyrkhong umbiah, bad u
 pdot jong nga u la rhem hai ; bad nga la iaid
 tare bad ka jingkwah har-har kylleng kylleng
 ka kamra, nga da pyrshang ban lap kiad
 shuh, da kaba nga la mut ban pynjah sliang
 ia ka jingthyngsang basngewshyrkhei jong nga.
 Mar shu iadih shisien dih, hangta ka jing-
 sngewtyrkhong basngewngiew ka la nang wan
 jur ; bad kumta ka la nang iaid bad nga,
 nga da nguid kduk-shi-kduk kawei ka klat
 hadien kawei pat ba la shlei da ka iad-
 thnam, tad haduh khatduh khatwai nga la
 jiar ia ka synjau bakhatduh eh ba sah khyr-

dong kaba don ha uta u jok. Ka jingsngewkwah jong nga ka la nang jur da kata kaba ka pyndap hi; bad, ba nga don khyndiat khyensoit tyngka bad nga, da kaba eh nga la khie ieng joit, nga la pynitynnat ia lade katba nga lah synei, bad nangta nga la mih blait shabar ban thied kiad shuh shuh, te bad kata nga la wanphai biang sha la iing.

Ka jingshisha kan páw ham sngew lah ngeit lehse, hynrei kumta ka la long ba nga la dih sa dih kiad lynter, khlem mad shilyngkhot u kpu, ha ki lai sngi ki babud. Kane kam lah neh slem. Ka met ka phad ba da ka jingkhlain u nar kam lah ban shán ia kaba kum kata ka jingleh, bad ka jong nga ka la rew riap da ka jingleh lyngkar bamynshuwa. Hadien ka jingdih kaba lai sngi lynter ia kaba nga dang kdew mynta, nga la sngew ha kawei ka miet, katba nga la nang dem thiah halor jyngthiah jong nga, ka jingsngewngiew ia kaei re kaei bapynsngewphiengkhlieh ba la dang wan háp halor jong nga. Ka la long la kumba nga la shah tangon thlup na ka khlieh, bad mynta, ha ka jingtipbriew patung pateng, nga la beh ioh kata ka jingtangon khlieh basngewphieng nger, kaba la shu pyn tud pa pyntud, hynrei khek shi khek ka iai wan. La don ka jingsnewkwah thiah, ka jingsamthiah shoh samthiah, kata ka jingiohthiah ba la kyrkhu! hynrei ki irmat jong nga ki

la shu khyllied sah khlem man lah khrip. Man la ki jingiohi baroh sawdong jong nga la iohi da ka jingiohi shai bapynsngew-phylla, bad ka bor iohsngew jong nga de ka la kylla nep khyllah eh. Nangta, sha ka jingkyndud riew bad jingkyrhuh sawa ha ki shkor jong nga, kan wan lap kynsan kynsan da ka jingkyndah jlang kaba kumba iap, bapynsngewngiew sngewphieng katta katta, haduh ba sa tang ka jingkyndah jong ka jyangtep hi kaba lah ban iapyrshang bad kaba kum kata.

Ha kiwei pat ki por, ki jingsawa khyllah-sngi, ki shait pasiaw ki ktien bam lah peiphang, bad jingriew barit tam i shait pynkyndit thret ia nga la kum ia u-ei u-ei ba shah kynnoh pop. Hynrei ka jingthynrang ba ingding sngewshyrkhei ka la long bam lah shán, bad, ban pynjah sliang ia ka, bad ban pyniohthiah, nga la kem kynrup pa kynrup ia u bitor kiad—nga la kdup ia la u nongshún—bad la theh ia ka jingdih buaid ksuid arsut u pdot ba la tyrkhong jong nga. Hynrei ka la long leh-noh-ei—ym man long, ym man lah hi. Ngam man lah ioththiah satia. Nangta nga la pyrkhath shaphang u duma; bad, da kaba iaid sheng-sheng na la ka jyangthiah jong nga sha ka kyrdon buhkot ba hajan, da ka jingeh ka bakhráw nga la lah ban pynioh uwei u paip bad katto katne ki dieng jingpuid. Ngam man lah ieng ban tbeh ding ha u paip, kumta nga la dem thiah biang halor jyangthiah, bad

nga la trud ia uwei ha ka kynroh. Nga la sdang ban dih sikret, bad u sla bapynshoh samthiah u la pynshohsamthiah jar. Nga la thiah rot khyndiat khyensoit, hynrei ba nga sngew-ia ka jingsyaid ha ka khmat, nga la kyndit, bad la lap ba ka syngkhlieh jong nga ka la kem ding ! Nga la kum pynháp ia u dieng jingpruid bamehding halor jyngthiah ! Da ka jingpyrshang dukhi khait shiteng ruma, nga la phanang ia ka syngkhlieh halor madan, bad, ba la thait lwait than ban sngew satia da ka jingsma ing snér, nga la ngop biang jar sha ka jinglong shoh samthiah lyngngai.

Slem katno ba nga la dem thiah, ngam lah tip thikna ; hynrei la kyrsiew ia nga na ka jingiohthiah-iaap da ki paramarjan marpa, kiba la hér syrngiew da ka jingsma ing ding, ki la wan sha ka kamra jong nga ban pynthikna ia ka dáw. Haba ki la iarah ia nga na jyngthiah, ka bynta ba kham shapoh jong u lang iaap ia uba la thep shapoh u la dang rhem ding hai-shi-hai, bad, sa kumba shipawa kynta ei-ei, u la dei ban kem ding bad pluh shaid. Ban da ka la long da kumta, katno kaba sngewma sngewngiew kan da la long ka nusip jong nga ! naba ka la long kaba lah eh ban long ba, ha ka jinglong ba shiteng tipbriew, ngan jin da la iaap-op ne shah thang ha ban da iaap. Ka jingma syrngiew ba la pynmih da kane ka jingjia, bad ka jinglaiti im ba tang da ka said jong nga, katto katne ka la pynpyngngad ia nga : hynrei

kaei kaba la sngew kham palat ban ia kano kano kawei pat la long ka jingshah thadrong jong nga. Mynta, ia baroh yn tip, bad nga sheptieng ka kyrteng jong nga kan kylla long palat ban ia mynno mynno, ka 'tien-siat-pharshi bad ka 'tien-sin-briew.

Hato lah ban ngeit ba sa shisien pat nga la wad jingrieh tngen ha ka kiad? Hynrei kumta ka la long de kein. Ym slem hadien nangta ba mar iatipbriew hi na ka jinghér syrngiew ba, nga la phah shim biang bad la pynioh shikhuri ka kiad, bad nga la dih lut phloiñ ia ka hapoh shikynta duna. Bad mynta la wan lap halor jong nga shibún ka jingsngew pynsyier jingmut ba shyrkhei shyrkhei. Ki jingtyrsain ki la ktah jur ia nga ha ki mat ki pung, ka da pynsngewsat syllang laiñ ia nga da ka jingsngew jynjar sat : bad ki moi-moi jong nga ki patied la sngew kumba kin bthei. Nga la sngewpang jur katta katta haduh ba nga la sngewma hár, bad nga la kyrpad ia ki briew ba na ka iing ba kin phah wad doktor noh. Ki la leh de kumta ; hynrei kumne kumne hi nga la babe kylla balei ba nga leit phah sháw ia u, bad nga la pyrshang, hynrei lehnohei, ban lait na u haba u poi. U la iohi tang shisien peit liak kaei kaba la jia ia nga, u la ai hukum ia ki briew kiba kér tawiar ia nga ban da ap bniah bha, bad haba daleilei ban nym shah ia nga ban don kino kino ki kiad bapynbuaid. Kano kano kaba pynshit ia ka

snám la khang ding-ding-dang-dang na nga ;
bad nangta la wan lap u nongpynsuhsat bam
don jingsngewbriew ei-ei jong u buaid : ka
delirium tremens, ha ki jingpynshyrkhei lut
baroh, ka la trei jur ia nga.

Lai sngi, nga la shah ia kata ka jingpyn-
sngewsuhsat palat ban ia kaba uno uno
u khulom u lah ia ka ban ai jingbatai ; wat
lada la ialam ia u da ka jingmut jingpyrkhat
u Dante. Mano ba lah ban iathuh ia ki
jingsngewshyrkhei jong kata ka jingsngewpang
jynjar basngewshyrkhei, ba la pynjur shuh
shuh kumba ka long da ka jingsngewthuhbriew
kaba lajan shilynter ba nga la iai wad hi ? Ki
dur khmat briew ba-ingiew-ingiew ki la wan
mihpaw halor ki kynroh, halor ka sad, bad
halor madan ; kiei kiei ba i-saitmet ba i-kynsha
ki par baroh shilynter ki jaiñ kupthiah ; bad
ki khmat ba shat phyrnai ki peit pyrkhing
ha ki jong nga. Ha kawei ka por la ker tawiar
ia nga da ki phew lak ki thapbangem ba
i-kynsha, kiba la par suki suki halor ki kti
ki kjat jong nga, katba ki synjaw ba lang um
jong ka umsyep kin wan jrein halor ki rengmat
jong nga, bad ki mat ki pung jong nga kin khih
syier haduh ba ka jyingthiah ka la pangah kylla
biang. Ki jingshai khyllah-sngi kin shad na
khmat ki khmat jong nga ; bad nangta kynsan
kynsan ka jinglong hi ka jingdum kan
pynngiew ia nga da ka jingkahdum barben.
Baroh shisyndon, katba dang peit shain ha

ka jingtháw ba-ishyrkhei jong ka jingmut
 jingpyrkhat ba la pynshad kynting jong nga,
 nga la imat kumba shah shoh matlah kynsan
 kynsan. Nga la tip ba kawei ka mombati ka
 la dang meh ha ka kamra jong nga, hynrei
 ngam man lah iohi satia ia ka—baroh ka la
 long iong synñia. Nga la duh ruh ia ka bor
 sngewthuh kaba da kaba tba, naba nga la
 pyrshang ban ksoh-bat la ka ksangti la jong
 ha kawei ka kti, hynrei ka jingsngewthuhbriew
 ka la phet. Nga la buh la ka kti ha ka krung
 jong nga, ha ka khlieh de ban tba ia ki, hynrei
 ngam don jingsngewthuh ei-ei shuh, bad la
 katta ruh nga tip ba ki kti ki kjat bad ka met
 baroh kawei *ki don* hi hangta. Bad nangta ka
 jingiohi kan kylla : nga la dang háp iar-iar—
 háp stet kumba suh u khnam—jngai jngai
 arsut sha kano re kano ka thliew ba khlem
 trái ba ishyrkhei, bad kumta kumba ka da long
 shisha, bad katba nga la nang háp iar shi iar
 nga la lah ban iohi ia ki rúd sharing jong ka
 thliew ne krem pung, ha kaba ki dur-ksuid-
 iap ba peit ibein-briew, ba bein-shyntur, ba
 shri ba kbaññ ki dang iasnoh bad iasdien la
 kum ki shrieh ki tngáw ; bad nga la lah ban
 iohsngew ia ka lyer ba ka paswut ban iaid lait
 lyngba jong nga, ka da pynlong ia u shñiuh
 jong nga ban hér kynthér rymphai da kata
 ka bor jong ka jingbeh kynsan bam sngew-
 tynnat satia. Hangta ka jingkhie bhur teng-
 teng ka la sangeh noh ia shiphang arphang,
 bad nga la ngam ngop ha la syngkhien thiah

jong nga, ba la jhieh klak da ka syep—ba la thait iar-ly-iar, pynban nga da iohsngew ia ka jingsngewthikna bapynsngewshyrkhei jong ka jingwan pynthymmai biang jong ka jingpyn-saja bajur jong nga.

Da ka jingisnei u Blei. nga la lait im na kane ka jingkempang jur basngewshyrkhei ; bad haba nga la khie, u briew uba tlot, ba la lwet mynsiem jai, bad nga la peit pyrmán ia ki durkhmat bangiew jong nga ha ka iit, nga la kum pyrkhat shaphang la i mei, bad nga la kylli ia lade kumno nga la kohnguh ia ki jingbthah ba nga la iohpdiang na ki rymmiang shyntur jong i, bad sha ka jingmyntói aü ba nga la pynkylla noh ia ki jinghikai ba i la hikai ia nga. Nga la kynmáw ia ki jingdwai bam lah khein shuh jong i bad ia ki jingjáwummat ; nga la pyrkhat ia kaei ba nga la lah long khyndiat bnai mynshuwa, bad nga la pynia-pyrshang ia ka pud jinglong jong nga bad kaba kum kaei ba nga la long ha kata ka por. O, katno kaba thar la long ki jingmai pynrem lade jong nga hi ! Ha ka jingsngewshongshit jong kata ka khyllipmat, nga la kut jingmut ban im ka jingim kaba kham bha ban khang na lade ia ka khuri ba la tim.

Kumba shibnai ei-ei, ba la tieng-iap da kaei ba nga la shah shitom, nga la snoh iaïap bad ka jingkut jingmut skhem jong nga. Nangta ka tnga jong nga ka la wan iing, bad,

ha ka jingkmén jong nga ha ka jingwanphai
 biang jong ka, nga la phanang la ki jingkut
 jingmut babha jong nga baroh sha ka lyer,
 bad, da kaba bieij nga da mut rngai ba ngan
 lah mynta ban tyngkan la ka jingkwah dih
 jong nga ; ba la shibnai pura ka la sah ha
 ka jingshah pyndem, nga la shim shiklat ka
 barandi. Kata ka shiklat ka la kyrsiew thiah
 ia u ksuid ba la shohsamthiah, ia uba ym lah
 pynhun da i jingdih ba shu tang kumta. Kawei
 sa kawei nangta ka la búd, haduh ba sa shisien
 pat nga la iaíd jngai ha ka jinglong bam adkar.
 Ha ka miet jong ka jingwanphai ka tnga jong
 nga, nga la leit sha jyingthiah uba la buaid
 phar jablo. Ngan nym pynlat por ia ki nong-
 pule da ki jingíathuh bniah jong nga ia ka
 jingim ba man ka sngi jong nga ba ha kane ka
 por ; lah ban shu mut dur da kaba jem eh na
 kaei ba la íathuh sha khmat. Ka jingshem
 bamynshuwa bakthang mynsiem jong nga,
 uno uno u lah ban pyrkhat, ba ka lah ban trei
 kam kum ka jingmahám ; hynrei ym don ba
 lah lait sa tang u mynbuaid uba lah ban íathuh
 ia ka bor lajan bam lah íalehpyrshah jong ki
 jingpynshoi kiba íalehthma bad u. La kumno
 kumno, ngam shym la pynlong ka jingngam
 ba da katta jyndeí sha ka jingjylliew kumba
 mynshuwa. Ií ki tiar ki tar jong nga la lah
 ai noh sha ki kti u Mr. Gray, na ka bynta
 jong u ba nga la trei, nga da íoh kumba san
 dollar shitaíew. Ia ki bainong sngi jong nga
 la siew ia nga man la ka miet, naba ym lah

shaniah ia nga bad shibún than ka tyngka ha kajuh ka por, naba kaba thikna haduh katta ka la long, ba ngan pynlut shibún ka bynta na kata ba nga ioh, ha ka dih. Kumba ka la long, nga la ioh lait lynter ryntih shibynta na ka lai bynta ia kaei ba nga la iohpdiang man ka sngi, na ka bynta ka kiad.

Shen-shen nga la iehnoh ia u Mr. Gray, ha kine ki pud jinglong ba harum : La don ka jingpyni ia ka Thma jong u Lúmrit Bunker ba yn plie ha ka shnong, bad u nongpyniaid, ba u tip ba nga la don ka ryndang kaba bha, bad ba nga rwái sngewtynnatt bha eh, u la pyr-khat ba ka jingrwái biria thamula kai jong nga kan ring nongwankhmihkai ; kumta u la pynbeit ia nga ban ai ki jingrwái man ka jan miet bad ban iarap ha ka kam baiadei paidbah jong ka jingpynidur. Ha kane ka kam nga la iainei kumba lai taiew lane shibnai duh, bad haba ka jingpyni ka la wái noh ha Newburyport, nga, da ka jingkhott sngewbha, nga la sah bad u trái-kam, bad nga la ialeit bad u sha Lowell. Namar ba kam long kaba thikna lano ngan wanphai pat,—u nongpyniaid ba u kwah ia nga ban ialeit lynti lang bad u,—nga la die noh kat ia ki tiar jyngbuh jyngsat bakhyndiat khynsoit ba dang sah bad nga ha ka jingioh-kynti jong nga, bad ka tnga jong nga ka la pynbeit ban iasah, hamar ka por jong ka jingjah jong nga, bad ka para jong nga. Nga la sah ha ka shnong Lowell kumba lai bnai ei-ei, ki

jingmlien jinglong bam adkar jong nga ki la nang jur nang jur kumba lah ban khmih lynti ; naba ha ka jingim ïaidwir ïa ki jingbthei jong nga ym shym da ithuh eh kat haba nga dang shong dang sah ha la ïing. Kumba la shait long búnsien mynshuwa, ka kiad ka la kam kynti ïa ka jingpynleit jingmut jong nga lajan baroh ; suki suki ïa ka kam ïa kaba la khot ïa nga ban pyndep la nang leh bam suidñiew lut baroh, lane la lehsting thurmur eh.

Kawei ka bynta jong ka kam jong nga ban leh ka la long ban pynphai ïa ka kti kor kaba pyntyllun, da kaba pynwallam ban ïohi ïa ki shipai ba ki ïaid thma ; kin long ki durbriew ba la pynbeit ha kawei ka dieng, kumba shidorjon ne tam lang ryngkat, bad la buh ïa ki ha uwei u jaiñ tyllai ba da ka snieh, bad ki bnoh ban bat ïa ki. Kanè ka snieh ka ïaid lyngba nador ki jingpyntyllun, bad ka ïaid baroh shilynter jong ka rynsán pynikái. Uwei u briew u buh ïa ki durbriew halor uta u tyllai snieh ; uwei pat ha kawei ka tduh u weng noh ïa ki bad phah biang ïa ki sha nga, bad la buh pynpáw pa pynpáw biang, kumta ba tang da ki khyndiat eh ki durbriew ngi la lah ban pynñaid kawei ka kynhún shipai ba la tad koit. Ban pynphái ïa kane ka kti kór bapyntyllun ka donkam ka kti kaba ïaid suki thanda jai, bad nga sheptieng bún na ki shipai kiba ïaid khohnuk-khohnak. Nangta shibynta na ka kam ka la long ban thiah lyndang hamar

ka jingbom ia ka Charlestown, bad katha uwei u la nang pyntrei ia ki durbriew ba ha ki suloi, nga pat, ha ka jaka ai dak, nga dei ban kynthah jingpruid ha uno re uno u bakhór ba nga la buh ha kawei ka lyngkhot tin kaba ai jingthaba, haba uwei pat u tied ia ka ksing ka baheh, ban long ka jingpynsawa. Búnsien ka jingsawa ka wan mih shuwa ka jingba jong ka jingsiat suloi, bad teng-teng pat ym man don jingbá ei-ei. Tengkhath-tengkhath nga leit kum rah la ka kti jong nga lyngbá ka thliew jrong katta katta, haduh ba kiba peit kái ki leit iohi noh ia kata ka jingpyntrei-kam. Hangta ju shaw ka jingíarkhie risa bad ka jingkynshish. O, ka la long ka kam kaba jynjar sat—shiteng iap-op da ka tдем, ba la tah phuông da u bakhór, teng-teng ki shynriahti ki la ing-ding, lane u shñiuh bad ki ñiuh-mat ki sma ing-ding, na ka bynta i tulop iba rit eh hi kein, ha kaba nga la íaleh ia ka ban leh bha. Hato ngam don dáw ban isih ia ka dih? Hooïd, nga da isih eh hi kein. Bad nga dwai ia u Blei ban ai ia nga ka jinglahbor ba nang íai jur sha ki bamjukut ban kylla isih ia ka.

Ha ki babún ki kynti haba nga la leit sha kata ka jaka ha kaba ka jingpynidur la pynikái, nga la long ha kaba kum kata ka jinglong ba ngam lah leh ei-ei ia kata ba la kwah ia nga ban leh, bad kiba don hangta ki la pynlong ki jingmái jingtla ia kiba nga, hadien habúd, nga la iohpdiang na u nongaikam jong nga.

Kine ki jingkren kynthah ki la pyndom shikatdei eh ãa nga, bad ki la shu pynlong ãa nga ban nang kham dih shuh shuh, kumta ba ym slem hadien ba ãa ka kyrteng jong nga bad kata ka jong u buaid tanglang ãa uba ym lah pynbha shuh ki ãa wan ryngkat ryngkat. Nangta ngi la ãaleit pat sa sha Worcester, bad hangta ngi la ãasah ar taiew. Ngì la shem bún bún ki jingeh bakhráw ha kaba pynïoh ãa ka tulop ba shu bit ãa kaba la kular ãa nga, bad bún bún ki jingshəh shitom nga la donkam ban shah kum ka jingmih nangta : ka jingdon jaiñphong jaiñkup jong nga ka la long kaba khyndiat eh tang ban shu biang, bad ñiar eh babit ban ãamih ãapáw ha surok. Kane ka la long ha u bnái Risáw, bad, kumba ka tlang ka la nang jám stet, nga la pyrkhát jynjár aïu ka pud jinglong jong nga kan long lyngba ka aïom bakhriat jur kaba nang wan jan. Ka jingkyrduh bad ka jingkhriat ki la páw ha khmat jong nga ha ki jingshem basngewngiew baroh shisha, bad sa shisien pat nga la buh jingmut ban ãaleh pyrshah ãa ki bor ring ba pynlamwir kiba la bat ãa ka bor synshár halor jong nga da ka jingsynshár u riewbanbor.

Nga la phah ktien sha la ka tnga jong nga, nga da kyrpad ãa ka ban wan ãasoh lang bad nga, bad nga la phah ãa ka lai dollar na ka bynta ki jinglut jingsep jong ka ha ka lynti jong ka sha Worcester. Nga la snoh-ïap shibún eh ha ka jingmut skhem jong nga ban nym kylla

shuh u buaid dih ; hynrei ha kata ka sngi ba nga la khmihlynti ia ka ha kaba kan wan phai iing nga la iakynduh bad u para ba la ia ithuh ithaw, uba la kyrpad ia nga ban shu iaiaid kai sngewbha kylleng kylleng bad u, khnang ba un lah iohi ia ka shnong ka thaw. Ngi la iadih lang, bad ka jingiaiaid kai jong ngi ka la kut ha ka jingkylla buaid jong nga, bad nga da klet noh ia ka jingbuh jingmut skhem babha jong nga ia kaba nga la pynlong. Nga la iakynduh ia ka tnga jong nga ha ka rynsan ialehkai, bad la ialam ia ka sha hotel. Nangta nga la leit sha ka jingpynikai, bad nga la shu lah ban iaaid lyngba ka jinglehkam jong nga. Shen-shen hadien kane, nga la iehnoh noh ia ka jingshakri kaba hapoh jong u traikam jong kata ka jingpynidur ; bad, da kaba pyni pynggad khmat katba lah, nga la aplain kam sha ki Babu Hutchinson bad Crossby. Kine ki rangbah ki la iakut ban thaw pyrshang bad nga, ki da ong ba, lada ki sngewhun bad ka jingtrei kam jong nga, kin pynrungkam ia nga. Ia ka jingtreikam jong nga la sngewmynjur, bad, sa shisien pat la pynrungkam ia nga ha ka kam kaba bha, nga la don ka lad ia ka ban nang tur shaphrang ha ka jingkhie-kupar jong nga.

Ka tnga jong nga ka la sdang mynta ban pynpaw ki dak jingpang ia ka jingkoit jingkhiah ba nangtroin, bad ki jingkyrmen kiew kam jong nga, kumba mynshuwa, kim long satia ia ki ban sngewphuhmat than eh.

Nga la shu lah ban bat ĩa la ka kam, bad nga
 la mut rngái ba ĩa ka jingmlien bam adkár
 jong nga la tip tang sha nga hi, katba nga kiar
 da kaba phikir bha ĩa kano kano ka jingpyn-
 khein ĩa ka jingleh don akor briew ha kaba
 páw madan lane ka ban páw pyrthei,—hynrei
 ka jinglongbuaid, kham palat ban ĩa kano
 kano ka kam sniew, ym lah ĩa ka ban buhrieh
 slem. Ka páw kumba imat ki kynroh hi ki
 pasiaw shaphang kata ; bad ĩiar eh ban don
 ka jinglehkam jong u dih buaid kaba yn nym
 ĩathuh briew shaphang kata. Ngam shym la
 sah slem la kumao kumno ha kaba leh sumar ;
 naba ha kawei ka step, ynda haba nga la dih
 bha la jhor mutlop ha ka janmiet ba la dep
 nga la shem ba ngam lah leit trei shuh, bad la
 pynbór ĩa nga ban shong ĩing noh baroh
 shisngi kata ka sngi bad ha ka sngi ka babúd
 de. Baroh ka jingdon jong nga baroh, ĩa kiba
 lah da kano kano ka lad ban pynleitmam ĩa
 ka ban ai jingmyntòì, nga la pynĩaid, khnang
 ĩa ka ban pynĩoh tyngka ĩa ka ban thied dih ;
 bad u briew uba ha ka ĩing jong u nga la
 shong bām-bnai ; ynda u la khmih thuh bha
 ĩa ki jinglehkam lehdam jong nga da ka khmat
 kaba peit husiar bha, u la kylla tieng, nga
 tharai ba ngan nym lah siew na ka bynta
 ka shong ka sah bad ka bām ka dih jong nga,
 u la ai jingtip sha ki nongaikam jong nga, ki
 Babu Hutchinson bad Crossby, ba nga la shah
 bat ha ĩing na ka dáuw jong kaei ba la khot ka
 “ĩabām ĩadih buaid,” Ngam tharai ĩa kata

ka jingai jingtip la leh na kano kano ka jingsbun khyllah ia nga hi, hynrei ngeit ia nga ka la long ka jingpyrkhat khapnap kaba la pynmih ia ka jingwan lushia.

Nga la sngewjew jingmut slew haba nga la leit sha ka iingdukán ban sdang biang ia la ka kam trei jong nga. U Babu Hutchinson u la don ka jingsngewsaitmet bajur ia ka jinglong bam adkar, bad um shym khmih ñiewsting shuh ia ka jingryngkang hukum jong nga. U tang shu iohi ia nga, u la mahám jur ba um kwah kino kino ki briew hapoh ka jingaikam jong u kiba la don ha ka jingmlen ban nang kham sniew na ka bynta ka kiad ; bad u la byrngem ia nga da ka jingbehkam kaba shisyndon, jia ba lano lano pat nga lehsting ia ka kam jong nga na ka bynta u bitor. Nga la kren skhem ha u ba sa shisien pat un nym ioh dâw shuh ia ka ban ud na ka bynta ka jingjabhor jong nga, bad hapoh mynsiem nga la kut jingmut skhem ban myntói da ka jingmahám ba nga la iohpdiang. Ba nga don ka tnga kaba pang bad ba nga long lajan bam don khyit khoit ki lad ki lynti, ka jingpyrkhat ka shait pynbór ialade hi halor jong nga. Nga la sngewkyndit ha kata ka jingai jingmut ba ma ka bad ma nga ngi la iapoi sha ka kyrduh khait, ba ka da long dâw lut na ka jingmlen basniew jong nga, bad sa shisien pat nga la kut jingmut skhem ban pyrshang ia ka kam jong ka jing-pynthymmai ia la ka jingim la jong.



LYNNONG VII

KHNANG ban pynduna ia lade na kaba kham liat sha ka jingpynshoi, bad ban kham lait na ka kynhún ialang kaba lyngkár ha kaba nga la shait háp ha ka hotel ba nga la shong, nga la iehnoh noh ia ka, bad la leit iakut bámbnai noh ha kawei ka iing jong u riewdonburo uba la leit jia long u President jong ka kynhún ialang Im adkár. Hangne nga la pyrshang ban tyngkan la ka jingthrang dih jong nga, hynrei ka jingialeh ka la long kaba jur jliang: kaba khelaiñ bor katta katta la long ka bór ba ym man lah jop satia khlem da iashán dukhi ha man la ka shi inshi ka khyndew jong ka hima sima jong ka ; bad, nga pat, da kaba shu shaniah ha la ka jong ka bór la jong, nga la ia am dukhi bad tang da ka atiar ialehthma batlot bór. Nga la sngew kumba ngan *nym man lah* im khlem da dih da dih de, ka jingmlieñ kaba nga la ju mlieñ baroh shikatta, bad pynban nga la sngewlehraiñ suin ban pynpáw shabár ia kata ka jinglongtlot kaba la iai kyntu ia nga ban ngop ha ka. Ban pynioh kiad, la pynbór ia nga ban thúd da ki jait buit ba hár rukom, bad ka jingwad buit da kumno ban shem lad thymmai ka la long ia kaba la shait pynpyrkhat bad pynleit jingmut. Bún-bún-sien nga shait mih ban pár tuh, ha kaba ym

don mano mano ba lah ban lap ba iohi ia nga, bad nga iaïd sha khmat had la u bitor iöng ha ka pla sopti jong nga, sha ka jaka ba sha tduh tam eh jong ka nongheh, ha kaba ngan thied kat ban biang ka iadrot, ia kaba nga leit rah de sha iing bad nga. Teng-tengkhat nga pynioh kiad na ka dukán u badie dawai, nga da ai dáw, kum ban shu da-rab-jot, ba la háp pyndonkam kumta na ka dáw jong ka jingpang; bad ia ka shikhuri nga shait pynbynta ha ki lai bynta, kawei na kita nga shait dii mynstep, kawei pat pór shiteng sngi, bad ia kaba sah nga pyndep pór janmiet. Ki jingmlie jong nga tói kim long eh na ka rukom jinglong bathok bashukor, had barobór nga sngew poh-briew ha la ka jingñiew jong nga hi, man ba nga leit háp kaba tháw buit da ki lad ki lynti kumba nga la dang iathuh.—'hynrei hato kaei ba u buaid tanglang um leh, khnang ban pynioh ka jingpynsngew-shongshit ia kaba u thrang jur katta katta? Ia ka ban ioh ia ka nga da kwah eh, bad ia kaba ioh nga ioh; bad barobór ka imet ba nga la nang jur nang jur ka jingkwah katba ka jingeh ban ioh ka la nang jur.

Ka jaiñkup jong nga—kumba ka la long, da shisha, lajan barobór namar ka jingdih than jong nga—mynta kaba la ijot rathéw, bad ka la long da ka jingeh ka bakhráw ba nga la lah ban pynioh wat tang ia kiba donkam eh ia ka ban im. Ka tnga jong nga ka la pang jur eh. O, katno uba jynjár sat nga la long! Katto katne

na ki kynthei kiba la dei ap ban peit ha ka tnga jong nga, ki la ong ia nga ban pynloh ar sér ka iadthnam. Nga la pynloh ia kata ; bad jaid ba ka don de ha iing, bad ba ngam shym khmihlynti jingsniew ei-ei shadien, ngam lah ban ialeh pyrshah ia kata ka jingpynshoi bajur ban dih. Nga la dih de kein, bad la dih pahuh bha eh haduh ba ka jingktah ba ju long ka la ktah jur. Katno nga la klún, ngam lah ong ; hynrei ka jingbún, haba bishar na ki jingtrei-kam jong ka, ka la dei ban long shikatdei eh.

Ki shiphew sngi baslem bad habtái jong ka jinglongsyier mynsiem ki la iaid lait, ha kaba kut jong kata ka por ka tnga jong nga bad u khúnlung rit jong ka ki la iaiap lang baroh ar ngut. Nangta la wan ka jingsngew-Ingáw lngang bajur jliang—ba nga la long marwei lngang ha ka pyrthei ; bad ka la páw imat ba lajan klet ide da u Blei, kumjuh ruh ba la ieh marwei da u briew. Baroh ka jingsngewthuh briew ia ka pud jinglong briew basngewngiew jong nga ka la ban jur shisha shisha halor jong nga, bad da ka jingsngewmong mynsiem jong ka jinglong bathut-shen kloï nga la da sngewduh jur ia kaba nga la duh. Nga la dih mynta ban beh noh la ka jingmut ngiew la jong, lane ban pynklet noh ia ka da ka jingdih ia ka khuri ba nang pynlamwir ; bad shen-shen la pasiaw shane shatai, na uwei ha uwei pat pateng ter ter, haduh ba ka shnong ka tháw baroh kawei ka la iatip shaphang kata, bad ka tnga bad i khúnlung

rit jong nga ki la dang thiah iap, katba nga pat bad la ka jingbuaid jakter! Hynrei lada nga la shah tim mynno mynno da kabór pyrkhat, ha ka jinglong bajubór tynggeh jong ka, dei hangta. Bad kane du ka la long ka pud poh-briew ba la hiar jong uwei uba la shah sumar-sukher ha ka preh jong ka jinglong hok, bad uba u thylliej khúnlung jong u la nang ban pynmih ka jingdwai pyrshah ia ka ban shah lam sha ka jingpynshoi. Hangta de, ha ka kamra ha kaba baroh kat kiba la ieit ia nga ki la dang thiah lyngktap ha ka jingshoh samthiah iap bam tip briew shuh, nga pat de, da ki khmat ba peit shain tlip, da ka jingsngewjew mynsiem bashiteng buaid ba la ruiddak ha ki dur khmat jong nga, halor ki dur iap jong kito kiba la long ka doh na ka doh jong nga, bad ka shyieng na ka shyieng jong nga. Hamar ki kynta basngewjynjár jong ka jingdum, nga shait pár tuh na la ka jynghthiah basngewtmang jong nga sha kata ka jaka ha kaba ka tnga bad i khúnlung jong nga ki iadon, bad, ha ka jingsngewpisa mynsiem lynga jingmut, nga ju syrpaí syrpud da la ka kti bakhíh kyíuh jong nga halor ki khmat iap badait-thah jong ki; bad nangta ban wanphai biang sha la ka jynghthiah la jong hadien ka shisien dih iad-thnam, ia kaba nga la ioh bad bukhieh hapoh syngkhlieh jong ka jaka thiah basngew jynjár jingmut jong nga. Ha kaba kum kita ki pór, baroh ki jingjia jong ka pór ha la dep ki shait wanphai kylla biang da ka jingiohi shai basngewngiew sha ka jingwan

jingkyrmáw jong nga ; bad bún búnsien nga la shait kwah ban iap noh,—naba ka jingkyrmen ka la kumba iehnoh ia nga baroh ar ha ka jingiadei bad kane ka pyrthei ne bad kaba lawei. Nga la kylla dien na kito ki jinghikai shongtyn-rái basngur ia kiba shisien nga la kdup la piam ia ki, bad nga la long mynta—

“U baiaidwir, jynjár, bathait bad lwait ;
Lehraiñ ban pán, pynban kwah jingiarap.”

Ngan nym pynbún ktien shuh ha kane ka bynta bapynpang mynsiem jong ka jingim jong nga, hynrei nga shu kren kynthoh, ba baroh ki jingsngew ngiew sngewphieng ia kiba nga ngeit u briew u lah ia ka ban shah, la shah da nga ha kata ka pór jong ka jingsngewlngáw. Ia ka met ka phad jong nga la pyntlot iar-ly-iar, ka nám jong nga ka la leit, baroh`ki jingkyrmen kiew jong nga la pyniap sap, bad ka jingshem jynjár imat kumba ka la theh lut la ki pliang jyngdiang jong ka baroh halor ka khlieh ba dem im jingmut jong nga.

Ka jingtep jingthang ia ka tnga jong nga bad ia i khún jong nga ynda la dep, ngam tip shuh ka lynti aü pat ba ngan iaaid ; naba, shano shano ba nga leit, ngam pep ban iöhi ia ka shynriahti bapynkhih suki jong ka jingpeit ibein ba la kdew ha ka khmat jong nga. Nga la kyrthat ñianglong hapoh ka jingsngewlynga

mynsiem hapoh kata ka jingsngewthuh briew
 ãa kata ka jingsngewlehrain briew kaba kata
 ka la pynlong. Man uwei pa uwei u peit leh
 bam khein briew ãa nga, bad tang khyndiat
 kiba la leh artatien ban peit i-bein briew ha ka
 jinglong ba i-sangsot ka jong nga. Nga la leh
 aũu ban shong-hok ãa kane baroh ka jingleh
 pynjynjár jingmut? Nga la long na ka jinglong
 tynrái jong nga uba sbun briew bad baia-
 pyrkhat lem tói, bad nga shait kynran noh ha ka
 jinghammon ban pynmynsáw ãa u wieh;
 búnsien búnsien nga la shait ãasaidnia bad ki
 para khynnah kiba la pynmong runar ãa ki
 mrad bam nang kren briew. Ngan kloï ban
 kdup kynthup ãa u ksew uba la jliah ãa ka kti
 jong nga, bad ban kynthup ha la ka shadem
 jong nga wat ãa u kynja bapár da ka kpoh ha
 sla khyndew, lada nga pyrkhat ba u ieit ãa nga.
 Aũu te nga ãa leh ban pynlong ãa nga uba la
 i-saitmet jyndei katta katta bad ba la i-kynjing
 da ki para briew jong nga? Ka jingiatipler
 ka la pynphai kylla ka jubab ãa nga,—NGA
 DIH! bad ha kito ki ar tylli ki ktien la don
 lut ka kamrieh jong ka jinglong jynjár jong
 nga.

Kam long kaba khmihlynti ba, katba nga
 dang ãai mlien ha ka jingdih jong nga, ngan
 dang trei ha la ka kam. Ki nongaikam jong
 nga ki la iohi ba nga la khein sting ãa ki jingioh
 jingmyntói jong ki, kumjuh ruh ãa la ka jong,
 bad la pyntip ãa nga da ki ba kim sngewdon-

kam shuh ia ka jingshakri jong nga. Aiu pat
 ngan lah ia ka ban leh ? Nga la nang pynlang
 katto katne ki jingkitram ia kiba nga la kwah
 noh ban pynkhuid, bad nga la pynpaw ia kata
 ka jingkwah ia ka ban leh kumta. Hadien
 katto katne ka jingleh artatien, la pynrung
 kam biang ia nga, da kata ka jingsngewthuh
 ba ngan nymdei ban ioh kawei ka shidamli paisa
 na ka bynta ka jingtrei shitom jong nga, ioh
 ba ngan pynlut ia kata ha ka kiad. Ki nong-
 aikam jong nga ki la ong ba kin da thied
 dumasla ia nga, bad ban pynioh ia nga ia ki
 tiar ki tar katba nga donkam, katba shah
 hapoh ka pud ki jingiohkamai jong nga ; bad,
 hapoh kine ki jingiakutktien, nga la leit trei
 biang. Nga la ri sumar kyndong khop, katba
 nga lah synei, ban long pyngngad ia katto katne
 sngi ; hynrei nga la sngew ba baroh kata ka
 por uba sngewjynjar sohsat sohjew ia ka bam
 lah batai, na kata ka jingtipbriew ba ka jing-
 sngewshaniah ha nga baroh la duh thiauw, bad
 ba nga la long u briew uba shah suba. Kane
 ka jingsngewshon jingmut ka la thar thyrnia
 priak shi priak ia nga haduh u klong-snam ;
 bad, ym slem nangta, nga la sdang ban sngew-
 bitar ha kata ka jingbat lakam ba la ksoh-bat
 halor jong nga. Nga la pyrkhath ba kumba
 nga la ialehthma ia ka pyrthei marwei hi la
 khatar snem, bad ngam pat shym la lap ei ei
 (lait sa tang ha kawei ar) hynrei tang ka jing-
 bamsbun bad ka jingjynjar, nga la don ka
 hok ban leh katba nga sngewmon, khlem

donkam ba ap kat sha ba nga leit. Ka mynsiem sarong jong nga kan nym lah shah ia kane ka jingpyniaid ban da shah syntiat kylla pat, kumta ba kloil-an nga la kut jingmut ban leh katba nga sngewmon hi. Lada nga sngewkwah dih, nga khein ba nga don ka hok bapaka ban pynhun la ki jingsngewkwah pynhun jong nga, bad ia kaba ngan ioh dih nga la kut jingmut triang ban ioh.

Ia kaba ioh ia ka nga ioh, la ka long da kaba leh buhrieh ; bad sha ki nongaikam jong nga ka la long ka kam jong ka jingphylla kumno ba nga la pynioh lad ban khie dih buaid búnsien katta katta. Ia ki phon tyngka jong nga, kumba nga la ong, ki la lut phloiñ baroh, bad la ñiat ia nga da kata ka jingkwah dih bajur sha kata ka pud, kaba ha kano kano kawei pat ka pór, bad hapoh kiwei kiwei pat ki jingpynjia, ngan jin da la kynran ruid ha ka jingsngewshyrkhei rem. Nga la don ha ka jingiohkynti jong nga katto katne ki kot ia kiba shisien nga la khein kór, don napdeng kita kiba long ki jingai sngewbha ki briew ; bad nga la bat pynsah ruh katto katne ki tiar ki tar, ki jingbuh sah jingkynmaw ba nga khein kórdór eh shisien ka pór ia ki lok ki jór baieit bad ba la khlad noh. Katba nga la nang khmih peit jawdud halor kine kiba la sah shadien bad bashroin ia kiba shisien nga la ioh kam kynti kum la ki jong, ka jingthrang dih kaba la pynmatlah bad pynset kyllut ngain

ia baroh ha nga ka la trei donbór da la u diengduh nar bapynlwet thiaw ia nga, bad iwei hadien iwei pat i jingsah jingkyndaw la nang pynhér, tad haduh ba ym sah ei-ei shuh, bad ki jingmih paisa na kaba die duh ia ki la pynlut pat na ka bynta ka iad-rot iad-thnam. Hato dang don ma ka nuksa ba kham shoh bad kham shon palat ia ka bór ring ba pynhiardór bad bapynpoh briew ba ka bór jong ka kiad ka lah ia ka ban kyrshoin arsut ? Wa balei de, ha kawei ka kynti, lajan ba ngan iakhlad noh shen-shen bad la ka jingim la jong kum bad kito ki nongpynkynmáw bakordor jong ki—

“Baieit, b’la jah, b’la jngai, bad iap.”

Te mynta, la kumno kumno, ia baroh ka jingsngew ba kham ni lajan pyndam na u máwlyngkniap jong ki jingsngewieit jong nga, bad lada nga la sngew ka jingsngewpangnud ei-ei ha kaba iakhlad bad ki már ki mata ba nga la kheinkór shisien katta katta, ka klat ka la long ka dawai bah jong nga kaba iadei lut baroh salonsár. Ha kaba khatduh khatwai ym don ei-ei ba dang sah shuh ha kaba nga lah ia ka ban pynmih paisa wat tang shipaisa ruh, bad nga la shem ha ki jingjylliew ba ha tbian duh jong ka jingkyrduh “kaba dang kham tbian shuh shuh.”

La khein ia nga ba nga don ki sap sawa ryndang ki bam kái shuh bad katto katne de ki

jingai-sap ban pynsawa pyrrthuh shapoh. Ynda
 man la kawei pat ka lad ka lynti ka la pynpulom
 ia nga, ha ka jingsngewdonkam ba ha tduh duh
 la pynbòr ia nga, kum kawei ka lad ia ka ban
 pynioh iad-rot khyndiat, ban pyntrei kam ia nga
 da kine ki jingai jingia rap. Kumta kumta de,
 ka rukom jong nga ka la long ban leit da ka kjat
 sha ki dukán die kiad bapohbriew tam eh ;
 bad hangta la shait shem ia nga kawei ka miet
 hadien kawei pat, ba nga da iathuh ia ki jing-
 iathuhkhana shu tháw ba pynrkhie briew, nga da
 rwái ki jingrwái thamula, lane nga da pynthung
 khongpong ia ki kot bad pule ia kita katba
 ki la dang khih tawiar sawdong sawdong, ha
 ka jingiasngewbha sngewtynn timer bad jingsngew-
 phylla jong ka kynhún ki riewshangmakia kiba
 la pynbiang pli ia nga da ka shisien di kum
 ka nongkylliang. Ka jingktah banyngkong jong
 ka jingdih ha nga ka la long ka jingsngewkmen
 mynsiem bad ia kata la pynmih stet eh ; ka
 shiklat shisyndon ka shait kiew shaduh ka
 jabieng jong nga, bad ia kata ka jingdem kwah
 bajur bashong tynrái ba nga la don ia ka ban
 “pynsngewbiria” la nang pynshit. Mynba ha
 kane ka jinglongkmen mynsiem, ym don ei-ei
 kaba ym i-lahlong ka ban palat than eh, bad
 ym don jinglong palat pud than eh ban i bam
 lah ban long ba ym shym la leh. Ha kiba
 kum kine ki pór kito kiba la ithuh ia nga ki
 la khmihlynti ia kano kano ka jinglehthawdur
 ithawsha, bad ha Worcester la don katto katne
 kawei ka nuksa ia kane, ba la kynmáw da

shibún kiba dang ïa im mynta ha kata ka sorbah :—

Dei ha ka por jong ka jingiasngewshongshit ka jings' em phylla u Miller, bad ki jingiaseng ba la pynlong ha ka lingmane Methodist ba man ka janmiet ha ka shitaiew. Ha kawei ka janmiet nga la leit sha kane ka iingmane bad lai ne saw ngut ki paralok. Nga la dang shu lah dih, hynrei nga la shim la ka jaka shong jarjar eh. Ka la long ka jingiaseng baïajam ïakieh, kumba shiteng dorjon ei-ei kiba da iadwai lang, bad ki jingïapyrta ktien de "Burom!" "Amen!" Haleluïa!" "Kyrkhu ïa u Trai!" bad kiba kum kita ki jingangshla; bad nga la ïapynwin katba ïaleh lem kita kiwei; kaba haba mano re mano hajan jong nga kin ong, "Amen," nga shait pyrta de, "Hooïd, bah"—ne kong, katba ka dei—"Amen." Hamar ka jingsangeh ha ka jingdwai bad jingkren kyntu, nga la leit jia ïohi kawei ka jyngbiah basawdong ba da ka dieng ba la pyndap da u shaba kurat, ki lyngkhot lyngkhái sikret, bad ïa kiba la shu bret shu pashat shata. Ka jingpyrkhat ka la ïohbat kynti ïa nga, ba la ai jingmut da u Ksuid, ba kan long ka biria-rai babha ban pynïaid tawiar sawdong ïa kata ka synduk kum ka jingpdjang jingkynshew. Nga kynmaw bha katno nga la sngew shoh jingmut jur ban leh ïa kaba nga la leh. Da kaba shim ïa kata ka jyngbiah ha ka kti jong nga, katba nga la nang ieng na ka jaka shong jong nga,

nga la pyrta, “Mynta ngin sdang noh ban pdiang jingkynshew na ka bynta ban thied ia ki jaiñphong kiew sha bneng.” Nga la leh ia kata kyndit kyndit hapdeng ki baiasngap, ba nga la lah ban pynñaid ia kata ka synduk tawiar hapdeng lai ne saw ki jaka shong rangbah shuwa ba mano re mano kin kloï pyrshang noh ban pynsangeh ia nga na kata ka jingleh ; hynrei shen-shen nga la iohi ia uwei na ki dkhót barangbah jong ka balang ba u wan tur shajan,—kumta da kaba pynháp ia ka synduk ha ka pneh uta u rangbah, nga theh pynsaphriang ia ki jingdon ba hapoh hangta halor jong u bad halor madan, nga da phet artat krad. Ka buit thok rit khutia mutia basngewsynei tói ka la long ; hynrei nga la shah pynsaja hok na ka bynta kata ka jingleh haba la wallam ia nga ha khmat u Nongbishar Green ynda ha kawei ka step. U la shain kuna san dollar tyngka ia nga bad pynrem ba leit pynwit pynthut kumta ia ka jingmane paidbah. Ia ka kuna la siew hi noh ha ka sngi ka babúd, bad haduh kane ka por ngam man tip, bad ngam shym la lah hi ruh mynno mynno ban pynthikna, mano ba la siew ia ka.

A synei ia nga ! mano ba la lah ban ithuh ha u riewlehkulmar ban pynpeit briew, ba la kër tawiar da u paid buaid baiarkhie shongshit, u khún jong ki kmie ki kpa bariewblei—uwei uba la ju sngewieit bad baiakitkhia briew ym pat shym slem mynshuwa ; uwei, ruh, uba la

sngew bad kheinkor ia ki jingsngewbha ba tang ka niam hi ka lah ban ai? Ha kata ka por ka jingpyrkhat jong ka jinglong ba dang mynshuwa jong nga ka shait bá leilieh khlek-shi-khlek ha ka jingmut jingpyrkhat jong nga haba don hapdeng ka jingialehkulmar bad jingiakhynwin buaid ; ka jingsngewkynduh kan pynngam thiaw la u khnam ba khih ker-ker ha u klong-snám jong nga, ka da pynphlei snám biang pat hangta, la ia nga la pynbor ban buhrieh ia kata ka jingmong. Bad lyngba u lyoh khyndew jong ka jingkynmaw ngut-ngut ka khmat i mei jong nga kan wan mihpaw ha nga khlek-shi-khlek, thik kumba ka la long mynba nga dang ieng harud ki khohsiew jong i bad shahshkor ha ki lynnong ka jingstad bad ka jingbha na ki rymmiang shyntur baieit jong i. Nga shait ioi ia kata ka khmat jemnud bamái jong i, bad nga sngew kumba, nga ioi sngew hi ia ka jingsawa ktien bamahám jong i. La la kér tawiar ia nga da ki paralok ba khih leh kulmar jong nga ka jingsngewthuhnia, ha ki por ki por, kan ialeh iap na ka bynta ka khet na kaba ka la shah pynhiar bad beh ; bad nga la lah, katba dang pynsngewmuja ia ki jingkren iaroh bajam jong ki buaid tanglang,

“Ban, i ka kti kim lah ioi,
Kaba khawoit ia nga sha i.”

Katno kaba dei hok ka pyrthei ka long ban bishar ia u briew uba iai beh ia ka lynti kum

ka jong nga, kum uwei u bam don jingsngew-
 shuh, khlem kano kano ka jingangnud ban
 dang kiew, khlem kano kano ka jingsngew-
 thrang mynsiem ia kiei kiei kiba kham bha !
 Ban kren shaphang ka jingsarong jong uba
 kum uta u briew ka paw bieij ; bad pynban ka
 jingdih kam pynduh pyndam ia ka jingsarong
 briew, lane ia ka jingangnud ban nang kiew
 shaphrang, lane ia ki jingpyrsad jngai ban poi
 sha kliar. Ka jingkynthah sni jong ka jing-
 jynjar jong u ka long ba u don ia kata ka jing-
 angnud ban nang kiew shaphrang, hynrei
 khlem jingkhmihlynti shuh ; ka jingsngew-
 thrang ia kiei kiei kiba kham bha, hynrei khlem
 jingkyrmen shuh ; ka jingsngewsarong briew,
 hynrei khlem ka jinglahseibor shuh : namarkata
 ka jingdon ia kine ki jinglong babha hi ka long
 ka jingtynrong jingkit baban khia nalor ka jing-
 bah ia ka jingshem suhsat. Ban da u la lah ban
 klet noh jar ia la ka long-rangbah jong u, bad
 iakyrsum ktieh bad ki mrad khlaw baiap, un
 da la kham sngewsuk shirukom. Hynrei ka
 jingtim ia u ka long, *ba u pyrkhat*. U long u
 briew, bad u *háp* ban pyrkhat. Um lah
 barobor ban pynngop jyilop ia la ki jingpyr-
 khat ne jingkynmaw. U ioh ban phet, bad u
 phet ruh, na ka bynta ka jingai jingtngen ba
 shetshukor sha ka dih, bad u lah ruh ban pyn-
 tyllep ia la u nongshún ha ka janmiet ; hynrei
 ka jingpyrkhat kan patar ia u kum u rambah
 ha kaba mynstep pat. U syntiew, i sur kynúd
 ba lah ban bat jingkynmaw malu mala, ka jing-

rkhie kmen tahoh i khúnlung, teng-teng kin biang ban tyllep ia uba shah jynjar da ki jingwan kynmaw kibà lah ban pynlamwir sha ba palat bor ia u, lane ban phah rieh ia u sha la ka kamra shem jynjar jong u, ban pynshong ia u hangta bad la ka khmat ba la bsuh khlop hapoh la ki kti la jong, katba ki ummat khluit bastang hir hir kin tuid halor ki shynriahti ba la sieb-kiad jong u.

Ka jingshem jong nga ha ka Saw tarik jong u Naitung 1842, kan batai pynshai ia kane ka jingshisha. Nga la long khlem lok khlem jor shuh ; bad namarkata nga la kut jingmut ba ngan trei ha dukán kata ka sngi. Kumba khatwei baje nga la iohsngew ka jingsawa jingtem, ka jingtied ksing, bad ka jingpah ki tiar put tiar tem, bad nga la sngew ha kaba nyngkong ban dem ka mon ban mih shabar bad ban leit khmih ia ka jingiaid pyrton, ha kaba mano re mano u la jia wan rung shapoh dukán bad u la ong—"Ka Pyrton Shipai Um Khriat ka ithiang sat ; phin nym leit khmih ia ki ?"

Ka Pyrton Shipai Um Khriat—kan iadon bynta aü kata bad nga ? nga la ong—

"Nga tharai shilyngbung ki tymmen kynthei bad ki khynnah rit ki la dang iaiaid shipai ha surok," bad nga la phai biang sha la ka jingtrei. Hynrei ka jingtem jingrwai ka la nang wan shajan shi shajan, bad ka la bthei phur da ka

jingsawa bajam kynsan ha ka shkor jong nga. Niuma, nga la pyrkhath, ngan leit sngap ia ka jingkynd jingtem la katta ruh. Nga la weng bak la ka jaiŋshympiar jong nga, nga la phong da ka soptilor, bad katba nga la nang iaid artet ka surok ka jingiaid pyrton ka la dang shu phai arsut narud ka Central Hotel, bad nga la ieng thik, nga da shaniah lyngngeh ha u dieng sharak, nga da khmih arsut. la nga la ithuh bha ha kata ka surok, bad, ha ka jinglehshlur bam khein snep jong nga, nga la kut jingmut ba yn nym don mano mano ki ban lah ban iohi ia nga ba nga iasngewtynnath ha kiba kum kita ki “kam leh khleh bieij” kumta, bad ka jingpynran bein shyntur ha ka rymmianh shyntur jong nga, ma nga—u riewduk, uba jot rathew, uba poh kyrdan briew—nga la ieng da kaba peit i-bein briew ha kata ka jingiaiaid shipai. Haduh katno ka kynhun jong ki khynnah rit ! Katno ba ki iahalla :—ki khynnah rit shyntang ki ia hip-hip-hora, bad ki khynnah rit kynthai ki da iakaweh talain la ki rumar jong ki, bad la ki lama bad ki jingthoh ktien hajrong ! Katno kiba i-suk bad i-phuhmut phuhmat ! Katno kiba i-sngur jinglong bad ba-itynnath briew ! Nga la ap ia ki haduh ba u khynnah khatduh tam u la khongwianh ia kawei ka khongdong ; hynrei hangta nga la ieng sah, wat tad haduh ba kata ka jingput jingtem ka la iaid jah noh sha jngai bak—ka jingpynran bein shyntur shu dang don hi ha ka rymmianh shyntur jong nga, hynrei ki ummat ki iatuid stet jarjar arsut ki

ngab jong nga. Da ka jingsngewkyndit bad ka jingud jylliew basngewkhia mynsiem nga la phai noh bak—O, uba la jynjár mynsiem sat ; —ba la shah set shabár da ka kam jingleh jong nga hi na baroh ka jingïashimbynta ha kiba kum kita ki jingsngewbha basngur jinglong. Bakynjah bad basngewtmang marwei, nga la phai noh war shadien. Nga la dang ïai pyrkhath —ïai pyrkhath khlem don mon—ïa ka po: mynba nga la long u khynnah uba suk bad basngewphuhmat mynsiem : ïa ka jingleh pyn-donburom jong ka Skulpynpaw, ha kaba la thung ïa nga ban pule kawei ka jingrwai nia n bad ban “kren la ka bynta jong nga ;” ïa i mai ba la ieit katta katta kiba ki jingsneng jong i nga la lah klet ; ïa ki jingkyrmen kiba shat phyrnai slem slem ba la lah. Hooid, nga da pyrkhath tad haduh ba ka dohnud jong nga sngew kumba kan pait ; nga da pyrkhath tad haduh ba nga lajan khie lamwir ; ka jingkhieh set pdot jong nga ka da pynshisha pang dohnud katno nga la sngewkhieh mynsiem. Nga la syntuid arsut ka surok ba kah dum khnang ban nym lah ïohi ïa nga, nga la poi biang ha dukán, bad nga la trei bad pyrkhath tad haduh ba nga lajan khie lamwir. Kumno nga la shah ïa kata ka sngi jong ka jingsangsot khop ngam lah ban ïathuh. Ka imat ha nga mynta, ba lada tang shikyntien ka ktien sbun la kren ha nga ha kata ka por, lada tang shisien ktah na ka kti baieit, kawei ka shisien khmih sngewlem na uno re uno u khün-bynriew la ïoh ban ai ha nga ha kata ka por, yn

lah ban ialam ia nga la shano shano. Hynrei ym don briew ba la suidnieuw ia ka mynsiem jong nga; bad nga la iai long kum u Arab ha ka kynhún ialang riewshai, ka kti jong nga pyrshah ia man la u briew, namar nga la ngeit man ka kti briew ka la long pyrshah ia nga.

Ki sngi u Blei kiba, naduh ka jinglong khynnah khúnlung jong nga, la hikai ia nga ban burom, la ñiewsting ia ki mynta. Niar ba nga la leit rung shapoh ka iing u Blei, ha kaba "la ka jingdwai la shait pynlong," kumba nga la leh hamar ka shibynta jong ka por ba nga la shongshnong ha New York. Ka sngi shongthait kam long Sngi u Blei shuh ia nga; bad ka rukom pynlut barobor jong nga ka la long ban iaid sakma sha ki jaka kyndong, ha kaba nga lah marwei hi, bad la u bitor kiad bapynshong shit uba nga rah ryngkat bad nga. Haba une u la thylli, nga shait pár biang shapoh shnong. hapoh ka jingtap jong ka jingdum, bad pynwai ia ki kynta bakyntang khuid ha kano ma kano ka dukán die kiad ba sha kyndong, ha ka kynhún ialang jong kito kiba, kum ma nga hi, ki khein bam salia ia ka hukum jong u Badonbor Baroh ban "sumar khuid ia ka sngi Sabaton."

Nga la shong bámbnái katto katne taiew bad ka Mrs Congdon, kaba, bad la ka iing ka sem jong ka, ka la iaishah jem eh bad nga bad nga ngeit, ka don jingsngewtynnat ei-ci ha nga. Katba dang don hangta, ia u Mr H. W.

Hawkins la pynbeit ban kren ha ka Hol Shnong bad ka Mem Congdon ka la aibám aidih ia u. Nga la iohsngew ba la pasiaw ba ia ka jingpyrshang dei ban thawlad ban pyniakyn-duh lang ia ngi ; ban khanglad ia kata, nga hi da lade nga la jah na iing tad haduh ynda miet ngain, bad kumta nga la kiar iap kiar im na u. Por step, katba nga la dang leit sha la ka jingtrei jong nga, kawci ka kali ka la wan ñiah haduh jyngkhang, bad nga la ap khmih ban tip mano ba la long u nongwan lynti, ha kaba u Mr Hawkins u la wan mih shabár, bad nga la iakynduh ia u : ha ka jubab ia ka jingkylli tohkit jong u la ngan soi ka jingiasmái kular, nga la ong, "Hooïd kein, lada nga lah ban ioh 1000 dollar ka tyngka shisnem shisnem bad ia ka jinglut jingsep jong nga de, kumba ioh ma phi." Kane ka la long ka jingkren shlur basngewjynjar mynsiem ; bad pynban, katba nga la nang iehnoh ia u, nga la rkhie patoh bad kyrtoh kumba nga la lah jop nia ia u.

Sa shisien pat ka tlang basngewkynjah ka la beh pynwan biang ia la ka jingsynshar eh-rang jong ka, bad, lem bad ka jingsngewshyrkhei, nga la ap khmihlynti ia ka jingnangwan jong ka. Ka jingdon jaiñphong jong nga ka la nang rwa stet. Ngam shym la don phlalen ei-ei, lymne muja saiwul, lymne obarkod bad ym don lad don lynti ia ka ban pynioh ia kito ki tiar iada ba da donkam eh hi kein ia ka jingjur ka jingdait-thah jong ka tlang Amerika. Ngam

shym don jingkyrmen shuh ia ka ban dang long u rangbah bañiewburom pat—wat tang shisohphit eh ruh—naba ka la páw ha nga ba man la ka lad ka kabu ia ka ban pynwan pat sha ka kynhún ialang badon-akor, bad la ka jingpynkylla thymmai biang, ka la leit artat katto junom. Nga la kwah, bad nga la khmihlynti pura bha, shen-shen ban iap noh. Ka jingkyrmen ka la iehnoh khúnswet ia nga hangne ; bad sha lyndet ka jyngtep ym don ei ei ka ban paw antad ka ban dang pynshngaiñ mynsiem biang ia ka mynsiem ba la duh jingkyrmen jong nga O, katno kaba ngam jylliew bad bakynthah sni ka jingsngewbriew nga la don shaphang ka kyrdan briew ba la pynhiar dor jong nga hi ! naba ki jingsngew jong nga ki im jingmut bha kliaw ia ka jingkren ibein briew bad jingleh ibein kaba khlem da pud ba la kynton halor jong nga. Uba sngewsuhsat mynsiem thiaw bad ba la iehnoh marwei, nga la ieng ha syndah ka jaka iaid rel bad ka jingkwah bangur-ngur ban thiah lyndang pyngkiang jong ka, ban da dih hun mynsiem ia lade ha ban da klet artat jak ia lade, bad nangta ban sa shu shah hapoh ki kali batyllun halor ka met jong nga ! Shisien nga la ieng harud ki lain rel, bad u bitor aphin uba khih kynruh ha ki rymmiang shyntur jong nga, bad sa tang khyndiat nga la kylla long u riewpyniāp hi ; hynrei ka jingīsnei u Blei ka la wan bsuh hapdeng, bad da kaba lynthaw ia ka bih halor khyndew, nga la iohlait na ka pop jong ka kam pyniāp hi ia lade.

Nga la long dang tang u samla ha ka rta, pynban nga la ngop jar haduh ki rymmiang shyntur jong nga ha ka jingduk, ka jinghiar ha ka longbriew, bad ka jingsngewsuhsat mynsiem; la nga don ki jinglahseibor kiba, lada la pynïaid beit ïa ki, kin jin da la lah ban kiew halor ka jingeh bad kan bat ïa ka bor lehburöm briew.

La slem jlang nga la sangeh kaba ïabteng thoh shithi bad la i hep kynthei jong nga, bad uba thurmur katta katta nga la kylla long, ba ngam ju la pyrkhath kaba ïabteng ktien biang pat bad i iba sa tang kawei ba dang sah pynim ba ïadei ha ïing ha sem. Búnsien la pynshoi ïa nga ban shim noh la ka jingim la jong; bad pynban, nga la sdien tipbriew ïa ka ban dang im. Ka jingïohthiah ka la long búnsien nongwei sha ki irmat jong nga, bad bún bún miet nga la shait pynlut la ka por ha madan ba shabár ïing, bad teng-teng ha ka jinglong basngewsuhsat jong ka jingshit kiad, bad don ki por pat ha ka jinglong shiteng pyngngad. Ha baroh kane ka por nga la kut jingmut búnsien ba ngan nym dih shuh,—ba ngan dkhat bad bthat ïa u kynjri uba khúm ba teh ïa nga; hynrei nga la shu ïaineh hi ha kajuh ka lynti, nga da pynkhein ïa man la ka kular ba la pynlong sha lade bad sha kiwei pat, bad da kaba ïaineh sah u bashah rkhiebein bad peit ibein. Nga la sngew ba sah tang khyndiat eh, lada don, kiba la isnei ïa nga; bad ban don mano mano ban ieit ïa nga, kata ka long

beit shabár ka jingiákren. Pynban nga la dang angnud jur hi na ka bynta ka jingsngewlem ia nga ; naba, kumba nga la iathuh mynshuwa, ki jingsngewieit jong nga ki la long na ka jinglong tynrai hi kiba khlain bad jylliew ; bad búnsien, katba nga la nang dem thiah ha ka kamra thiah bamarwei jong nga, ba nga da sngew haduh katno ba nga la hiar, bad ba ym don ka khmat jongno jongno ka ban pynjaw shisienjaw ummat di ka jingsngewsynei pakai na ka bynta ka jinglong jong nga, lane ka ban dum bad lip ka khmat lada jia ba buh ia nga hapoh jyngtep,—nga la sngewkwah jur ba ngan nym iohi shuh lano lano ia ka jingshai step.

Pyrkhat bha, ko nongpule, kaba katno ka jingsngewjynjar mynsiem jong nga ka la dei ban long, haba, bad ka jingsngewskhem thikna ba ym don buaid u ban lah iohrung sha ka hima ki hneng, nga la mon—ym tang katta, basngewsyier mynsiem—khnang ban iohlait ia ki jingjynjar sat ba nga la shah ha kane ka jingim, ba nga la kloï ban kheinduh ia ki jing-shisha bangiew ruh jong ka pyrthei bam iohi ! Ka jingpynsaja ia nga hangne ka la long kham khraw ia kata ba nga lah ban shah.

Nga la thaw hi ia u diengsympat ba da ki ñianglarthám, da uba la sympat lynter ia nga. Ka kyrteng jong nga ka la long ka ktien siat pharshi briew. Ym don briew mano mano ban suidñiew imat ia ka mynsiem jong nga.

La pyniasoh ia nga kum u Israel hyndai, sha ki bleithaw bad, ka la paw imat kumba u Blei u la ong shaphang jong nga : "Ieh ia u hangto marwei !"

Shuwa ba ngan pynkut noh ia kane ka bynta jong ka histori jong nga, shah ngan iaainia ia man la u samla briew uba ka khmat jong u ka leit jia khmih lieb halor kine ki sla, ban ioh jinghikai na ka jinglong basngew-jynjar sat ka jong nga ia ka lynnong jong ka jingstad. Ai un kiar na ka jingdih bapynbuaid. Ki poet ki lah ban rwai shaphang ka khuri ba shat itynnat phyrnai bad bapynphalang thaba -- ban iaroh ha ki ktien barhem mynsiem ia ki kpieng kiba pyndeng ia ka ; ka jingstad buit ka lah ban ai la ka jingai jingiarap batyngshain phyrnai ban lehnám lehurom ia ka, bad wat ka jingnang jingtip ka lah ban pynkup bor ia ka da ka jingpynphuh itynnat ka khmat ;— hynrei haba ka jingrwai u poet kan poi ban iap, bad ki kpieng kin poi ban iapstái; haba ka jingstad buit kan kylla sangeh noh ban shat phyrnai, bad ka jingnang jingtip kan duh kan dam noh la ka jingpynthame jong ka,—ia ki jingmih noh basniew jong ka jingdih bapynbuaid yn sa sngewthuh, bad ynda hangta ia ki ktien jong ka jingstad yn sa pynshisha sngewngiew bad sngewtriem ha ka jingkut bishar ka akher ka sngi bajynjar sat jong u buaid : "Ka wain ka long ka nongrkhie-bein, ka kiad ka long ka nongiamái." "Uei uba don ka jing-

kordit ? uei uba don ka jingsngewsih ? uei uba don ka jingāpyneh ? . . . uei uba don ki jing-mong khlem daw ? uei uba don ka jingsaw ki khmat ? Kita kein kiba shong slem ha ka wain ; kita ba leit wad ĩa ka wain ba la khleh. Wat khmih te ĩa ka wain haba ka saw, haba ka pynmih ĩa la ka rong ha ka khuri, haba ka leit hiar jem. Ha ka bakut ka dait kum u bsein, bad ka puh kum u sein-ĭong.” Proverb xx. 1 ; xxiii. 29-32).

Ka Bakut jong ka Bynta I.

**Ka jingsngew ki Riewrangbah shaphang
u JOHN B. GOUGH bad ka kot jong u.**

“Ha ka jingiap jong u JOHN B. GOUGH ngi duh
ia u lok baieit, kumjuh ruh kum u nongiatrei-lem bakor-
dor ha ka liang jong ka jingim adkar bad ka jingshisha.
U la pyni ia la ka jingieit jong u ia ngi ha ki bún ki rukom;
bad ka pvrthei ka nang i kham sngewkynjah shuh shuh
mynta ha ka mynsiem baieit jong u ka la hér noh bak na ka.”

—Rev. C. H. SPURGEON, ha ka *Sword and Trowel*.

KA JINGIM LAJONG JONG U JOHN B. GOUGH.

“Ka long ka jingbuh jingthoh jong ka jingim kaba
sngewphylla bad babún jingjia kumjuh kumba ka long de
kaba shon jingmut bad ba ai jinghikai. Ka jingtip ba
kham paka shuh shuh ia kaba kum kane ka jingim kam
pep ban pynkhlain ia ka jingneit jong ki katto katne
bad ban pyrsad mvnsiem ia ka jingshitthem mynsiem
jong kiwei pat. Kane ka kot, nador ka jingkordor jong
ka kum ka jingaimahám bad ka jingai jingshai ban lam
lynti, ka don hangne hangtai da ki jingthoh kiba pyn-
sngewtynnat bad pynitynnat, ia kiba yn nym lah klet
da kaba jem”—*Temperance Record*.

“Kane ka long kawel na ki jingim briew basngewmuja
tam bad ba ai jinghikai bha eh ba la ju thoh mynno mynno.
Ka jingshon ba ha ka dor tat ka long kaba thikna ba kan
iaid shihún bha.”—*Christian Week*.

“Ka long ka jingai jingathuh baktah mynsiem tam
bad ba pynsyier mynsiem hir ba ngi la ju toh pule. Ka jing-
iakren shaphang kaba pynsngewkhih mynsiem ha ki
jingiathuhkhana kai, ki jingathuhkhana ieit samla bad
ki jingathuhkhana rngái—ym don na ki ka ban pynkhih
kyndeh mynsiem katta katta, lane ka ban dap da ki jingjia
hangne hangtai ki ban pynsngewmuja palat briew katta
katta, kum kaba ha kane ka jingathuh ia ka jingim.”

—*Bolton Guardian*.

**Ki Kot Khasi ba lah ban ioh na ki nongdie
kot Khasi ha Shillong lane na ki
nongthoh hi harum :—**

***Da I kong Beatrice Mittra,
Jaïaw, Shillong.***

1. Ka Histori jong ka ri India (IV-VI) ... 1T. 50 P.

***Da u Bah Frank M. Pugh,
Jaïaw, Shillong.***

2. Ka Kot Hygiene (IV-VI) 1T. 50 P.
3. Ka Kot Geography (IV-VI) 2T.
4. Ka Drama u Shakespeare, Katba phi mon 2T. 50 P.
5. Ka Daïalok Nangno u Khasi u hiarpateng 1T.
6. U Khún Syiem na ka ling u Dabid Kitab I 1T.
7. U Khún Syiem na ka ling u Dabid. II & III 2T.
8. Ka Phawár-Rwái Khasi 1T. 50 P.
9. Ka Shang Syntiew 1T. 50 P.
10. Ka Kot Geometry Thymmai (IV-VI) ... 1T. 50 P.
11. U Khún Syiem na ka ling u Dabid IV & V 2T.
12. U Romeo bad ka Juliet 2T.
13. Ka Histori jong ka Assám (IV-VI) ... 50 P.
14. Ka Gulabpi (Ka Khana India) .. 3T.
15. U Elija, Ka Prosodi bad Retorik .. 3T.
16. Ka Jingïarap ia ki Kot B. A. Khasi I 2T.
17. Ka Jingïarap ia ki Kot B. A. Khasi II .. 2T. 50 P.
18. Ka Shang Khmih-Pyrthei u Lord Clwyd 2T.
19. Ka Tem-Ding ia ka Shla-Briew ... 2T.
20. Ka East Lynne Kitab I (a) ... 1T. 50 P.
21. Hynrei Mynta Ngi Ialong Khristan .. 1T. 50 P.
22. Ka East Lynne Kitab I (b) .. 1T. 50 P.
23. Ba la pynim ban shakri .. 1T.
24. Ka shem-lanot u Macbeth .. 2T. 50 P.
25. Ka Jingim lajong u John B. Gough. .. 1T. 50 P.